


Early European Books, Copyright © 2010 ProQuest LLC.

Images reproduced by courtesy of the Biblioteca Nazionale Centrale di Firenze.

Ald.1.3.47b



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.3.47b



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.3.47b



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.3.47b




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.3.47b

FR

9

terres p
rat q
rodian
ration
ctur o
vis ad



FRANCISCVS ASVL. LECTORI. S.

¶ Vonia sepe accidit, ut alius alio codex me-
q lior sit: & par est arbitrari eum, qui in alie-
num idioma quippiam transferre instituat, ue-
teres prius codices complures, atq; adeo diligenter confe-
rat, q̄ uelit de suo iudicio periclitari: ita & latinam He-
rodiani interpretationem, nulla maioris sumptus habita-
ratione, addendam uolumini græco censuit: tu igitur le-
ctor optime, siquid ea te inuenit: id si lubet, nostri amo-
ris adde cumulo. Vale.

ANGELVS POLITIANVS ANDREAE
MAGNANIMO. S.

Esflagitari scribis istuc ab ijs, qui libros excu-
dunt formis, Herodianum meum, meum enim
iure appello, quem quasi latinitate donauerim:
tum rogas codicem tibi ipsum tuum remittam aliquan-
do nostra, q̄ illos cupere ais, manu emendatum: remitto:
sed, ut uerum fatear, leniter potius, quàm seuerè castiga-
tum: sic autem, ut nostra errata plura in eo, quàm
librarij deprehendas. crediderim tamen stylo ipsi certe
meo, hoc est interpretis, plus aliquanto ueniæ deberi,
quàm authoris: quoniam meliuscule respondent ferè,
quæ scribas, ubi sit liber quasi cursus: quàm quæ uer-
tas, ubi nihil extra præscriptum. Accedit & illud, q̄ hoc
mibi munus interpretandi quasi lenioris operæ fuit: ut
pote qui diebus pauculis dictauerim sic deambulans:
Itaq; tantum abest, ut mihi inde laudem petam: ut etiam
abunde pulchrum fore putem, si uitauero grauiorem
culpam. Quare cum amicis reliquis, tum tibi in pri-
mis, omnem huius operis defensionem non remitto so-
lum, sed etiam propè interdico: uosq; integros ad alia
referuo, quæ post edentur. Sed quanquam plurimi sunt
apud uos, qui mihi etiam plus nimio fauent: unus tamen
es tu Andrea Magnanime cognomento isto tuo gentilitio
dignissime, quem equidem faciam plurimi: cum q̄ ex bo-
nis ortus, & opibus flores, & honoribus: tum uel maxi-
me, q̄ ingenio es elegantissimo: moribus suauissimis: gra-
tia penè quadam, quicquid agis, quicquid loqueris, im-
mo etiam, si nihil agis, nihilq; loqueris, singulari: ac

multu deniq; ipso, quod dicitur, homines deuinci. Itaq; ni-
hil quenquam metuo, ubi tu mihi studeas: nunquam enim
male de Politiano sentiet, qui placere eum Magnanimo
intellet. Vnum tantum est, quod à te nunc contendo: cu-
res pro reliqua in nostris rebus diligentia, ut quammi-
nimum quasi degenerent ab origine, quæ mox volumina
formabuntur: ut quia ne illæ ipse quidem adnotatum-
culæ omittantur, quas marginibus adscripsimus. inter
eas uero, etiam locos puto trers, quatuor uel ad summum
reperies, ubi fuit excusatione utendum, corrupti apud
Græcos exemplaris. ad hæc uero facile procuranda,
obeundaq; magis idoneum habere, magisq; ex usu tuo
neminem possis, quam Alexandrum Sartium ciuem
tuum literatum hominem, nostriq; studiosum: tum, qd ego
in hac re primum puto, neuiquam in amici negotio
dormitantem. Vale in Rusculo Fesulano. Pridie Nonas
Maias. Anno Salutis. M. CCCCXCII.

ANGELI POLITIANI AD INNOCENTIUM. VIII. Pontificem Maximum præfatio
in Herodiani historiam è græco in
Latinum conuersam.

VM Romæ abhinc triëniū fermè in com-
tatu essem Florētinae legatiōis, quæ tibi Sancte
Pater Innocenti Pon. Max. ad supremæ istius
dignitatis fastigiū nuper euecto gratulatum aduenerat:
memini abs te mihi magna celebritate curā delegari, uer-
tēdi in latinā orationē Romanorū principū res gestas,
si quæ adhuc inter græcorū monumēta nostris intactæ
hoibus reperirētur. quare cū cœlestis animi tui iudicio,
nō plus mihi honoris additū, q̄ oneris iniunctū animad-
uerterē: ut primū Florentiā sum reuersus, altissima so-
licitudine circumspicere cœpi, quem potissimum ex omni
Græcorū copia interpretandū suscipere. Occurrit autē
in primis Herodianus hic excellēs rerū scriptor: Et qui
diu in palatina uersatus aula, affectūq; iam ætatis, hi-
storiam de suis tēporibus cōponere aggressus, neq; elo-
quentiæ caruerit laudibus: Et fidē tamen in primis, li-
bertatemq; retinuerit. Hoc ubi opus à nobis, neq; multa
sanè negotio neq; inuita, ut arbitror, Minerva elucubra-
tum est: ea mox tempora inciderunt: quibus Et nostra
impedirentur studia, Et, quæ plurimū ualet in scriben-
do: omnis propemodū alacritas excuteretur. Postea uero
q̄ pro tua prouidētia, Et pacē Italiæ cupienti reddidi-
sti: Et cū patrono meo Laurentio Medice amplissimæ
quidē fortune, sed amplioris ingenij, prudētiæq; uiro,
prinatim affinitatē contraxisti: cessit uidelicet ille quasi
nimbus: suāq; mundo reddita serenitas est: sic, ut nos iā

ipſos colligamus, atq; ut grauati pluuiâ flores, penēq; de-
cidui ad nouæ lucis radios erigamur. Ergo & uetera
edere in publicū, & noua procudere iam libet: unde
aliqua modo uel tuo ſacratiffimo nomini celebritas, uel
noſtris tēporibus claritas, uel ſtudioſis ēt hoībus utilitas
pariatur. Cæterū Herodianū hunc noſtrū, donec maiora
tibi, ac fortasſe meliora parturimus: uti præludiū aliquod
ueri, iuſtq; laboris, læta rogamus fronte excipias ſumme
Pontifex: magnā in eo negotiorū, perſonarūq; uarietate,
multā rerū nouitatē deprehenſurus: crebraq; in utrāq;
partē fortune cœu uacillātis exēpla, conſiliaq; admirabi-
lia, et cōſiliorum inopinatos euentus, grauesq; pro tēpore
ſententias, et plenā ubiq; dignitatis, plenā ſuauitatis ora-
tionem, copioſam uidelicet quandā ad inſtruēdos mores
ſupelleſtilē, et cœu ſpeculū humanitatis, in quod inſpicere
omnis uita, unde ea capere, atq; haurire documēta queat,
per quæ uel publicis, uel priuatis rōibus cōſulatur. Quæ
ſanē noſtræ fuerūt partes, tentauimus proſecto: utinamq;
ēt effecerimus, uti oīa ex fide reſpōderēt: ne inepta pere-
grinitas, ne græculæ uſq; figuræ, niſi ſi quæ iā pro rece-
ptis habētur: latinā quaſi polluerēt caſtitatē: ut eadem
propemodū eſſet lingue utriuſq; pſpicuitas: eadēq; mun-
ditia: idē utrobq; ſenſus, atq; indoles: nulla uocū moro-
ſitas: nulla anxietas. Tu quādo nobis aliquod cœu ſignum
ex arce iſta tui Pōtificatus ad bene ſperandū ſuſtulisti,
perge obſecro ſanctiſſime Pater: perge inq; fouere atq;
illuſtrare bonas artes, quæ ſeſe pedibus iſtis ſanctiſſimis
aduoluūt ſupplices: numēq; tuū aduerſus rudē inſcitia,
tetrāq; barbariā implorant: ut à quo pax Italiæ, atq;
adeo terrarū orbi reſtituta eſt: etiā ab eodē pacis alumna
literæ, ab iniuria ſcilicet, atq; indignitate uindictentur.

HERODIANI HISTORIAE DE IMPE-

rio post Marcum, uel de suis temporibus

liber primus è græco tralatus,

Angelo Politiano interprete,

ad Innocentium. VIII.

Pan. Max.

PROOEMIUM.

VIRES antiquas posteris prodi-
derunt, ueteremq; historiae memoriã
renouare literis studuerunt: ei ma-
gna ex parte, dum famam eruditio-
nis affectant, nomenq; suum conan-
tur ab iniuria obliuionis asserere: mi-

nus sanè multam in ueri peruestigatione, q̃ in exornan-
da, componendaq; oratione, industriam posuerunt: rati
s. neq; siquid in rebus à suo seculo remotissimis falsũ
proderetur, posse refelli: & se tamen suauitate narratio-
nis amplissimum laboris, ingenijq; sui fructum perce-
pturos: alij uero priuatis inimicijs, tyrannorumq; odio
prouecti, aut in laudes principum, ciuitatum, priuatorũq;
hominum immodicis assentationibus effusi, tenues per se
res, atq; humiles, scribendi tamen artificio, longe supra
ueri fidem sustulerunt: ego uero contra, non quidem ac-
ceptam ab alijs, aut incognitam, aut testibus egentem histo-
riam: sed eorum, qui legent sensibus adhuc, memoriãq;
inhærentem, summa uel fide, uel diligentia collectam,
conscribendam suscepi: sperans haud iniucundam fore
posteritati earum rerum notitiam, quæ multæ sanè, atq;

HERODIANI

magnæ, haud ita longo tēpore acciderunt. nam si quis ab Augusto usq; principe omnem ætatem complectatur animo: cum. s. Romanorum potentia ad unius est arbitrium deuoluta: ne annis quidem illis arctiter ducentis (tot enim ferme ad Marci tempora numerantur:) aut imperiorū tam diuersas successiones reperiet, aut bellorum uel ciuiliū, uel externorum tam uarios casus, atq; euentus: in tot excitas gentes, tot urbes nostras, barbarasq; expugnatas. præterea terræ motus, & pestilentias, uitas quoq; principum, & tyrannorum adeo nouas, atq; inauditas: ut nulla ijs apud ueteres consimilia exempla, aut certe q̄pauissima inueniantur: quorum alij diuturnam, alij breuem potentiam obtinuerunt: nonnulli autem uix dum inito honore, imperatoresq; dūtaxat appellati, eodem illo, quo susceperant die, imperiū amiserunt. nam cum sexaginta annis plures, q̄ pro tempore principes urbs Roma pertulerit: factum ex eo est, ut multæ sanè, uariæq; res, atq; admiratione dignæ exoriretur. q̄ppe ætate prouecti principes, ut pote rerum, negotiorumq; periti, diligentius sese, suosq; regebant: contra adolescentes molliter, atq; indulgenter habiti, noua. s. permulta designabant: quo factum est, ut dispari ætate, atq; licentia, disparia quoq; studia moresq; sequerentur. Hæc quemadmodū gesta sint tēporum ipsorū, atq; principum seruato ordine perscribemus.

Imperator Marcus filias quidē suscepit cōplures, marces autem duos: horum alter natus minor adolescentulus admodum fato est functus: uerissimo nomen fuit: alterum uero Commodum: nouine, magna diligentia, curaq; pater educauit: acutis undiq; uiris doctrina claris, maximaq; proposita mercede, uti mores pro se quisq; filij, in-

geniumq; excolerent. Filias porro cum adoleuissent, optimis ex ordine senatorio uiris collocauit: neq; enim qui longam generis seriem præferrent, aut qui opes nimias ostentarent: sed qui morum probitate atq; modestia, uitæq; innocentia præcellerent, eos sibi generos deligendos putabat: hæc enim sola animi bona certa esse, stabiliaq; ducebat. Virtutem nullam non magnopere exercuit: adeo literarum antiquitatis studiosus, ut nemini sit in eo genere Græcorum, Romanorumq; secundus. argumento sunt permulta, quæ ab illo dicta, atq; conscripta, ad nos usq; peruenerunt. Adeo uero ciuilem sese, et commodum omnibus principem præstabat: ut adeuntium cuius dextram placide daret: neminemq; a suis custodibus prohiberi aditu pateretur: solusq; imperatorum sapientiæ studium non uerbis, aut decretorum scientia, sed grauitate morum, uitæq; continentia usurpauit: quo factum est, ut magnum sapientum uirorum prouentum ætas illa extulerit: solene enim plerumq; homines uitam principis æmulari. Quæcumq; igitur ab illo modeste, atq; fortiter domi, forisq; sunt gesta: qualemq; porro se aduersus barbaras nationes septentrioni subiectas, soli q; orienti gesserit: ea sunt multorum, doctissimorumq; hominum comprehensa monimentis: quæ uero post Marci obitum per uniuersam ætatē uisa mihi, auditaq; sunt: nonnulla item in experiundo cognita, ut pote in publicis officijs, principalibusq; uersato: ea nunc conscribenda suscepi. Senem iā Marcum, neq; ætate solum, sed laboribus multis, curisq; confectum, dum in Pannonijs ageret: grauissimus repente perculit morbus. quare cum deploratā planē salutem suā sentiret: anxius uidelicet agebat, ne filius, qui tum primā inierat adole-

HERODIANI

scientiam: siue etatis feruore nimio, siue licentia quadam
 summa, quā in orbitate esset habiturus: bonis artibus, stu-
 dijsq; relictis, ebrietati sese, & crapulae dederet: quippe
 facile ingenia adolescentiū a recta, honestaq; disciplina
 ad luxū, uoluptatesq; delabuntur. Terrebat insuper ho-
 minē minime imperitū, multorū memoria principū, qui
 iuuenes imperiū suscepissent: ut Dionysij Sialiae tyranni,
 cuius tanta fuit intemperantia uictus: ut nouarū uolupta-
 tum inuentores summis afficeret præmijs: ut itē eorū, qui
 Alexandro successerūt: ita. n. cōtumeliose, uolēterq; domi-
 nati sunt: ut illius imperio graue dedecus cōaliarint. si-
 quidē Ptolemæus eō turpitudinis prolapsus est: ut contra
 Macedonū, atq; adeo græcorū oīum leges, et sororijs amo-
 ribus implicaretur. Antigonus autē quo liberum patrem
 representaret, pro caussa et diademate Macedonico, he-
 deram capiti circūdare, thyrsūq; pro sceptro gestare est
 solitus. Solicitabāt aīum senis recentia quoq; exempla: ut
 Neronis ipsius, q ne a materna qdē cæde abstineret, &
 se ridiculū populo spectaculū præbuerit: ut itē Domitia-
 ni, q nihil sibi ad extremā crudelitatem reliq fecerit. Has
 igitur tyrannidū imagines cū aīo uolutans, inter spē, me-
 tumq; agitabatur. Terrebat præterea illū Germaniæ ui-
 cina gens: quā nodum planē subiecerat: sed partim in
 societate adsciuerat: alios armis, belloq; edomuerat: non-
 nulli et ex ijs effugerāt, metuq; principis in præsens con-
 tinebatur. quare dubitabat, ne despecta mox filij ætate,
 arma resumeret: qppe barbaris mos, qlibet leuibus mo-
 mentis, aut causis ipelli. His igitur curarum fluctibus æ-
 stuans, amicos, propinquosq; oēs, quotquot aderāt, cōuo-
 cari iubet: q postq cōuenerūt: cōsultato in eorū conspectu

adolescente filio, paulumq; seè grabato subleuans, huius-
cemodi habuit orationē. Dolere uos, atq; angere, cum ita
me affectum cōtemplamini, minime mirandū: quippe his
manū est humanis casibus ingemiscere: multoq; magis mi-
sericordiā prouocant, quæ oculis usurpamus. cæterū pe-
culiaris uobiscū nostra ratio est: nā de mei erga uos ani-
mi cōscientia mutuā spero à uobis quasi meo iure bene-
uolentiam. Nunc aut̃ illud incidit, cū & mihi sit iudiciū
faciendū, frustra d' ne uobis honorē tādū habuerim, stu-
diumq; omne meum lubēs detulerim: et uobis referenda
gratia ostendēdum, nō esse eorum, quæ acceperitis ime-
mores. Videtis filium quē ipsimet educauit, primas nunc
adolescentiæ metas ingredientē, quasiq; in salo atq; in flu-
ctu uitæ gubernatoribus indigentē, ne rerum imperitia
de recto quasi cursu ablatas, malis artibus impingat. Este
igitur uos illi pro me uno multi parētes, excolēdo. s. atq;
optima suggerendo: neq; n. aut pecuniæ uis tyrannidis lu-
xuriā explere, aut stipantia satellitum agmina tueri prin-
cipem possunt: nisi illi ipsi, quos regas, animum imperātī,
beneuolentiāq; accommodent. quippe ū deum diu, tutoq;
imperant: qui nō metum ex crudelitate, sed amorē ex
bonitate ciuium suorum animis instillant. neq; n. quos ser-
uire necessitas cōēgit: sed quos obtēperare sua quenq; uo-
luntas adegit, ū sunt in agendo, patiēdoq; à suspitione
oī, assentationeq; uacui: nunq; imperia delectant, nisi
uiolenter, cōtumelioseq; sine habiti. Est autē difficile in ma-
xima licentia moderari sibi: quasiq; frenos imponere ci-
piditatibus. quod si bene uiuendi authores illi fueritis: &
quæ nunc corā audit, idētidem admonueritis: una opera
& ipsum uobis, reliquisq; omnibus optimum principem

HERODIANI

reddetis, & memoriam nostram demerebimini: quam. s.
immortalem hac una rōne poteritis efficere. Talia
dicentem Marcum ita repente animus defecit: ut statim
conticesceret, ac langore nimio supinus in lectulum re
laberetur. Tanta autem quicunq; aderāt miseratio inua
sit: ut ex ijs nōnulli prae dolore parum animi cōpotes, cla
morem extollerent. Sed ille cum diem unum duntaxat,
noctemq; supervixisset: fato est functus: sic, ut magnum
sui desiderium eius etatis mortalibus, posteris uero etiā
uirtutis memoriā reliquerit sempiternā. Postq; uero illius
mortem fama uulgauit: incredibilis repente exercitum
ipsum, plebemq; adeo omnem luctus occupauit: neq; ulli
sane¹ Romanae ditionis mortales fuerunt, qui nō eiusmo
di nuntiū multis lachrymis exceperint: omnesq; eum ue
lut una uoce aliū parentem probū, aliū bonum īperatōrē:
quidā fortissimum ducem, nōnulli ēt continentem, mode
ratumq; principē uocitabant: neq; sane¹ quisq; falsus ha
bebatur. Paucis autem post diebus, celebrato iam funere,
uisum amicis est, adolescentem adducere ad exercitum, ut
& milites alloqueretur, & (qui nouis imperatoribus
mos est:) pecunijs elargiendis, uelut authoramento quodā
illorum sibi animos adiungeret. Edictum itaq; omnibus,
ut in campū de more adessent frequentes. Cum itaq; pro
cessisset Commodus, ac rem diuinam fecisset: erectumq;
ad hoc ipsum medijs castris tribunal cōscendisset: pater
nis amicis, qui multi sane¹, doctissimiq; uiri aderant, cir
cūstantibus, ad hūc ferme modum uerba fecit. Com
munem mihi esse uobiscum huius mærorem calamitatis:
neq; uos aliter quā me ipsum affectos esse planissime
persuasum habeo. neq; enim ego supersite parente ipso

meo, superiorem me uobis unquam gessi: nam ille ita nos
 uniuersos, ut unum aliquem diligebat: lubentiusq; me cō-
 militonem, q̄ filium uocitabat: quippe hanc naturæ ap-
 pellationem, illam uero uirtutis communicationem existi-
 mabat. Quin infantem sæpe me in ulnis gestans, uobis
 dabat in manus: quasiq; uestræ mandabat fidei: qua-
 propter minime dubito, quin mihi omnem sitis beneuolen-
 tiam exhibitori: cum pro alumno me maiores natu ha-
 bere debeant: ipsos autem æquales cōdiscipulos armorū
 iure appellauerim: siquidem ita nos uniuersos, ut unum
 aliquem pater diligebat: omniq; uirtutum studio, ac bonis
 artibus curabat instituendos. Nunc me post illum uobis
 fortuna principem dedit: non quidem ascititum, quales
 ante me fuerunt: neq; uelut acquisito imperio gloriante m:
 quippe unus ego uobis natus, educatusq; in aula, priua-
 tisq; intactum cunabulis, statim me ut ex alio prodie-
 ram imperatoria purpura suscepit: simulq; sol hominem
 me uidit & principem. Hec cum animis uestris repu-
 tantes, iure principem colite, non datum uobis, sed na-
 tum. nam pater quidem iam in cælum euectus, consors
 est, confessorq; deorum: nobis autem orbis terrarum gu-
 berna cula, rerumq; humanarū cura incumbit: quæ quos
 successus, quantasq; habituræ sint uires, in uestra manu
 est. si enim belli reliquias fortiter deleueritis, & impe-
 rij romani terminos ad oceanum usq; promoueritis: cū
 ipsi uobis ingentem gloriam comparabitis: tum communis
 parentis memoriæ debitam gratiam referetis. atq; eum
 quidem exaudire, quæ dicimus, & intueri præsentem
 quæ gerimus, credite. nos autem faelicissimos, qui be-
 nefactorum nostrorum testem eiusmodi sinus habituri.

HERODIANI

Quæ igitur ad hanc diem fortissime prosperrimèq; gessistis: illius. s. sapientiæ, gubernationiq; tribuuntur: quæ autem mecum, hoc est cum iuvene imperatore uestro præclare feceritis: ea sunt uobis ipsis quasi peculiarem cum fidei, tum uirtutis claritudinem paritura. Quocirca et ætati meæ rebus strenue gerendis auctoritatem conciliabitis: et barbaræ gens initio noui principatus repressa, neq; in præsens contemptu ætatis nostræ se effret audacius, et suis nunc edocta periculis, metu deinceps perpetuo coercebitur. His dictis pecuniâ magna copia elargitus, ut sibi animos militum fidos faceret: in aulam reuersus est. Igitur breue sanè ad tēpus oīa paternis amicis authoribus gerebantur: qui assiduitate, prudentiq; consilio nullo loco deerant: tantum ei tribuētes laxamenti, q̄tum satis esse ad tuendā corporis ualetudinē arbitrabantur. Paulatim deinceps irrepere nōnulli ex aulico famulatio: qui sibi ad corrumpendā iuuenis imperatoris indolē nihil faciens reliqui. Quippe mensarii adulescentes, qui uentre; atq; obscenis uoluptatibus sceleratē metiebantur: idētidē illum urbis deliciarum admonebāt: et nunc quæ illic uisu, audituq; incunda foret, commemorabāt: nunc rerum oīum copiā, atq; affluētiam ferebāt laudibus. adhæc ripas Histri ut omni tēpore incōmodas uituperabāt: quæ neq; pomiferos haberēt frutices, et perpetuis rigribus, nubibusq; obtinerētur. Nunq̄ ne imperator, aiebant, cōcretā gelu, atq; effossam potare aquam desines? alij calidis fontibus, riuorumq; fluentium frigore, aurisq; et cœlo illo fruuntur Italiæ peculiari. Tali. s. illecebrarum mentione, facile adolescentis animum uoluptatum cupidinibus incederunt. Itaq; statim cōuocatis amicis, teneri se patriæ desiderio

desiderio non dissimulauit, causas tamen tam repentinae mutationis fateri ueritus, sollicitum se aiebat esse, ne quis opulens ex nobilitate domum occuparet principis. Deinde collectis uiribus, quasi ex munitissima arce summam sibi rerum uindicaret, posse ex populo satis magnam uim delectrum inuicem constari. Talia causante illo, reliquis metu defixis terramque tacito uultu, moestoque intuentibus, surgens Pompeianus, qui et aetate reliquos anteibat, et Comodi sororem natu maximam in matrimonium habebat. Tenerrite inquit o fili et domine, patriae desiderio minime mirandum. Quippe eadem nos quoque rerum domesticarum cupiditas sollicitat, sed ei tamen resistimus, quoniam priores partes agunt, magisque incumbunt nobis, quae hic expedienda sunt. Nam illis quidem uel in posterum diutius perfrueris. Roma autem illic est, ubi imperator est. Ceterum bellum relinquere inchoatum praeterquam quod indecorum uidetur, etiam periculosum est. Quippe audaciam barbaris iniungimus, neque enim remeandi cupiditate decessisse nos, sed ausuisse metu periculosos arbitrabuntur. Tibi autem quod fuerit pulchrum deuictis hostibus, atque imperii finibus ad oceanum usque propagatis, redire in urbem triumphanti? uinctosque et captiuos praeter agenti reges Satrapasque barbaros? his. n. artibus prioribus seculis Romani homines magni atque illustres euaserunt. Nihil est autem quod uereare, ne qua illic res tuae periclitentur. Nam et optimus quisque senator tecum hic est, et exercitus uniuersus tuum coram profugnat imperium. quin aerarium quoque principalis pecuniae nobiscum est omne. Ad haec patris tui memoria aeternam tibi apud potestates quamlibet fidem, atque beniuolentiam roborauit. Cum ad hunc modum potiora suadens Pompeianus lo-

HERODIAN HIST.

cutus esset, paulū modo in præsens conatus adolescentis re-
pressit: qui reueritus senis dicta, cum nihil haberet, quod
saltem honestum specie responderet: concilium dimisit, dili-
gentius affirmans consideraturum. Dein uero ministris il-
lius magis, magisq; instantibus, nihil iam ad amicos ret-
tulit: sed datis Romam literis, ac præpositis, quos uisum
esset tuendæ Hispæ ripæ, et barbarorū insultibus coher-
cendis: profectionem continuo edicit. Illi igitur demanda-
ta sibi munia obeuntes, haud ita longo tempore multos ar-
mis barbaros subegerunt: quosdā aut ex ijs magnis præ-
mijs in amicitiam sibi adiunxerunt. Quod quidē haud
difficile factū fuit: quippe barbari suapte natura pecuniæ
auidi, periculorum despicientes, aut in cursibus populatio-
nibusq; uictum parant: aut proposita mercede, uenalem
pacē habent. Quod intelligens Commodus, ut pecunia, qua
maxime abundabat, securitatem redimeret: nihil uideli-
cet petentibus denegabat. Vbi autē dedita profectionis fa-
ma per exercitum est: ingens repente totis castris motus ex-
stitit, nullo non redire Romā cupiente, relictoq; hostili so-
lo urbanas affectante delitias. Postea uero q̄ fama, ac nun-
cijs uulgatum est, reueri in urbem principem: incredibi-
lis uniuersam plebem lætitia perueniatur, spem sibi uno-
quoq; optimam de iuuenis imperatoris præsentiā propo-
nente: credentibusq; uniuersis paternis eum uestigijs per-
recturum. Sed ille festinato iter faciens, et iuuenili quo-
dam ardore omnes in medio urbes curriculo pertrāsens,
regioq; cultu, letisq; populorum celebritatibus exceptus,
gratus nimirum omnibus, atq; optatus adueniebat. Sed
ubi Romam appropinquauit, senatus statim uniuersus,
populusq; Romanus, magno pro se quisq; anteuertendi
studio effusi,

studio effusi, laureatiq; ac flores omnifariam, quos dabat
 anni tempus cōferentes, q̄ quīq; ab urbe longissime poterat
 occurrere: usuri principē aetate atq; nobilitate conspi-
 cium. Quippe amabant illum, & quidē uerissimis affe-
 ctibus: natum apud ipsos educatumq; tertioq; iam gradu
 imperiū nobilitatemq; Romanā cōplectentem: nam pa-
 ternam ei genus a primoribus senatorij ordinis: mater
 autem Faustina principis uxor, Antonij Pij filia, Hadriani
 etiā per matrē neptis, seriem ipsam generis ad Traianum
 prouū referebat. Hoc editis genere Cōmodus est: cui qui-
 dem præter aetatis florē, et formæ dignitas suū agaba-
 tur: congruus corporis modus: pulchra, uirilisq; facies:
 tranquillæ facies oculis, atq; nutantes: flaua & crispæ cæ-
 saries, ut in sole ambulanti uelut igne quodam rutilaret:
 sicut euntem quidam sobe aurea putarent conspergi: qui-
 dam etiam pro argumento diuinitatis acciperem, ac radios
 esse illos circa uerticem genituios opinarentur. Ad hæc la-
 nugo malis proserpebat, easq; quasi floribus conuesthebat.
 Talem igitur imperatorem faustus ominibus acclamatio-
 nibusq; & coronarū, florumq; sparsionibus exceperunt.
 Sed postq̄ urbem ingressus est: Iouisq; primum, dein cæte-
 rorum deorum templa consalutauit: gratiasq; senatui uni-
 uerso, & pretorianis militibus egit seruati sibi fidei in
 aulam palatinā se recepit. Pauculis igitur annis nihil nō
 honoris paternis amicis exhibebat: oībusq; eos negocijs in
 cōsilio habebat. Cura dein totius imperij alijs demādata,
 Perennij Italici hominem militaris disciplinæ peritissimū
 prætorianis præfecit. Is adolescētis aetate abutens, delitijs il-
 lum, ganeisq; corrupti sinebat, curaq; omni laboribusq; su-
 sceptis, totum planē imperiū administrabat. Erat in ho-

HERODIANI HIST.

in ne inexhausta diuitiarū sitis, sic ut nihili, quæ acquisierat pēdens, nouis semper lucris insatiabilis inhiaret. Hic & paternos Cōmodi amicos calumnijs premere, & locupletissimum quēq; nobilissimūq; in suspiciōē adducere institit. s. ut perterrefacto adulescēte, atq; illis supplicio affectis, cām p̄tatemq; ipse haberet in eorū bona, & fortunas inuadēdi. Cāterū aliquādiu cū patris memoria, tum amicorum reuerentia cōtinuit adulescentē. Deim uelut maligna quēdā, atq; inuida fortuna, rectū adhuc moderatūq; illius ingeniū subuertit. Nam ita res acidit. Lucilla erat Cōmodo maxima natu soror. Ea prius. L. Vero imperatori nupserat, quē consortē sibi impij Marcus adsciuerat: locatāq; in matrimoniū sorore, firmissimo affinitatis uinculo adstrinxerat: sed postq̄ L. Fato functus est, manentibus adhuc Lucillæ principatus insignibus: Pōpeiano eam pater despōdit: nihilo tamen secius pristinū illi honorē Cōmodus reliquit usurpandū. nā & sella impatoria sessitare in theatro, & ignē de more præferri patiebatur. Postea uero q̄ Cōmodus uxorē duxit Crispinam, ac necesse fuit principis uxori primo loco cedere: iniquo. s. hoc animo Lucilla ferēs, atq; illius honorē in suā cōtumeliā uertens: cū sciret à uiro suo Pōpeiano Cōmodū diligere: minime ausa est, quippiā ad ipsum su p̄ocupādo impio referre, sed animū Quadrati nobilissimi locupletissimūq; adulescētis periclitata, cū quo ēt stupri cōsuetudinē habere existimabatur. grauissimēq; apud eum de accepta iniuria cōquesta, paulatim adulescentē eo perpulit, ut in semet, uniuersumq; Senatum perniciosissime consuleret. Quippe inter ceteros senatorij ordinis, qui secū in id facinus cōspirarent, etiam adulescentē quēdā Quintianum nomine, prompti atq;

audacis

audacis animi sibi adiunxit, persuasitq; uti pugionem in
sinu celans tempus locumq; caperet, factoque repete impetu
Comodum occideret: reliqua se pecunijs largiendis cura-
turum. Ille in aditu Amphitheatri subsistens (quippe ob-
scuro loco facile se occultum sperabat fore) nudato conse-
ssum pugione, ac magna uoce proclamans, hunc tibi se-
natus mittit, dum loquitur, nudumq; ostentat pugionem,
comprehensus a militibus, poenas amentiae dedit, suoq; in-
dicio author a se cauedi fuit, aperto magis, q̄ impleto co-
nsilio. Haec igitur prima, maximaq; odij causa adulescenti ad-
uersus Senatum extitit. ita namq; animu uerba illa saucia-
rant: ut oēs hostiu loco haberet, semperq; eius memoriae
uox illa irruentis in se iuuenis inhaereret. Neq; uero tan-
tam hanc occasionē Perennius omisit, sed ei persuasit, ut prae-
cipuū quenq; succideret, neq; eminere quēpiam pateretur:
quoru ipse in bona impetu facies, facile omniu eius aetatis
hominu locupletissimus euasit. Quaestiones aut Perennio
diligenter exercente soror ipsa Comodi coniuratiq; oēs, cae-
teriq; praeterea quātulacunq; suspitione attracti, supplicio
affecti sunt. Igitur Perennius, sublati e medio quos impe-
rator uerebatur, quiq; illu paterni quodam affectu com-
plectebantur: atq; ipse illius tuendae salutis cura suscepta, ni-
hilq; nō auctoritatis adeptus, imperiu iam ipsum a se in-
uaserat: persuasitq; Comodo, ut suos liberos adulescentes ad-
huc, illiricis praeficeret exercitibus, ipsae pecuniae uim in-
gentem contraheret, ut, s. praetorianos ab ipso amplissimis
largitionibus abalienaret. Filijq; item eius clanculum co-
piae colligebant, eo consilio, ut cū primu Perennius Coma-
dum occidisset: ipsi principatu arriperent. Proditae autem
sunt insidiae incredibili quodā modo. Ludos Romani Io-

ui capitolino faciunt: tanta hominū confluente multitudi-
 ne, quantam par est cōfluere ad tantæ urbis celebritatem.
 Spectare aut, ac præsidere in theatro unā cum sacerdoti-
 bus, quos ordo singulis annis postulat etiā imperator so-
 litus. Cum itaq; nobilissimus scenias operam daret, sedens
 imperatoria sella Cōmodus: pleno spectatōribus theatro,
 suisq; cuiq; locis ad sedēdū pro dignitate attributis, priusq;
 quicq; diceretur, agereturq; in scena repente quidā philo-
 sōphi habitu, manu baculum gestans, peramq; semnudus
 ab humero suspensus, curriculo prodūt: mediāq; in scena
 consistens, manuq; silentium imperans, Non hoc inqt ludo-
 rum tempus o' Cōmode: neq; spectaculis, celebritatiq; ua-
 candū. Imminet ceruicibus tuis Perēnij gladius: ac nisi
 caueris, non quidē impēdens, sed iam præsens periculum
 peristi: nam & ipse hic aduersus te copias, pecuniāq; col-
 ligit, & nati exercitus Illyricos sollicitant: quos nisi sta-
 tim præuenias, occidisti. His dictis siue forte quadam di-
 uinitus huc impellente, siue id auso homine, ut gloriam si-
 bi ignarus, atq; obscurus acquireret: seu quia speraret in-
 gens aliquod premiū ab imperatore consequiturum: sane
 illum derepente obstupescerat. Cæteri aut & si nō de ni-
 hilo ea dicta suspicabatur: tamē fidē habere dissimulabāt.
 At Perēnius cōprehendi hoīem iubet: ac pro furioso, &
 uaniloquo, igne cōburi. Ita .s. pœnas dedit intēpestuæ li-
 bertatis. Cæterū qui se Cōmodi studiosos uideri uolebāt:
 perosi antea quoq; Perennium, utpote intolerādæ hominē
 superbiæ, cōtumeliæq; nactiq; opportunū tempus, calūnijs
 eū premere aggrediuntur. Sed scilicet ita futurum erat:
 ut & Cōmodus insidias euitaret, & Perennius una cum
 liberis penderet pœnas. Quippe haud multo post mili-
 tes quidam

tes quidam clam Perennij filio numos quosdam attulerunt
 illius imagine percussos: eosque ignaro etiam Perennio, quam
 erat praefectus, Comodo ostenderunt: totumque insidiarum or-
 dine patefacto, maximis sunt muneribus affecti. Quocir-
 ca, inscio negotij totius Perennio, actum nihil minus expe-
 ctanti, submissi noctu a Comodo quidam, caput absce-
 runt: iussique statim ad illius filium pergere, cum nihil ad cele-
 ritatem sibi reliqui fecissent: et rumores famamque eorum, quae
 Romae facta essent praeuenerunt. Ii amicus ei literas ab
 imperatore reddiderunt, quae magna proposita spe, Ro-
 mam reuerti iubebant. Ergo et consiliorum, et omnis eius
 paratus, postremo paterni casus ignarus, cum quidam nun-
 cij distitarent, et paternis ipsum uerbis acciri: qui ne ip-
 se quidem scribere superseisset: nisi satis momenti habitu-
 ras imperatorias litteras existimasset. Credidit uidelicet
 adolescens: et quamuis iniquo animo ferret interpellari sua
 consilia: tamen paterna fretus potentia, quam esse adhuc inco-
 lumem putabat: ad reditum se comparat. Tum deinde ut at-
 tigit Italia, per eos, quibus negotium datum fuerat, occidi-
 tur. hunc illi exitum habuerunt. Post haec, Commodus duos
 constituit praefectos: tutius fore ratus, tantam illam potestatem
 non uni duntaxat credere: sed dissectam in partes, imbecil-
 liorem eo pacto contra principem reddere. Verum haud lon-
 ge post, aliae in illum huiusmodi insidiae intenduntur.
 Maternus erat quidam miles multa ausus nefaria: is repe-
 te desertis castris, atque aliquot in societatem commilitoni-
 bus ascitis magnam perditorum manum breui collegerat:
 uicosque primo, et agros populabatur. Magna dein pecu-
 niae ui collecta, plures quotidie sibi ex facinorosis copula-
 bat: pollicensque ingentia cuique opera precia, et in praeda

HERODIANI HIST.

communione inuitans, eò rē adduxit, ut non iam latroni,
sed iustorū hostiū haberent authoritatem. Quippe ma-
gnas et urbes occupabant: effracti q̄; per uim carceribus,
captiuos sine discrimine oēs uinculis eximebant: eos q̄; si-
bi impunitate, ac beneficijs adiungebant. Igitur Galliā
oēm, atq; Hispaniam incursibus uastabant: Et ut quanq̄
ex magnis urbibus ui ceperant, incensa, direpta q̄; proti-
nus abibāt. Que ubi Cōmodus cognouit: rectoribus gen-
tium plenas iræ atq; minarum mittit epistolas, castigans
Et ignauiam exprobrans, simul cōparare aduersus illos
exercitum imperans. Quod ubi latrones acceperunt: de-
cedendū sibi ex illis regionibus rati, clām per auia que-
dam cōpendia, seorsum alijs ab alijs in Italiā puenerunt:
ac iam de regno maioribus q̄; rebus Maternus cum suis
deliberabat: nā quando hactenus oīa illi speulterius pro-
cesserant: aut aliqd magnum inuadendum sibi existima-
bat: aut certe quando in id discriminis inciderat, nō obsu-
re neq; ignaue moriendū. Sed quoniā se nō tantis esse uiri-
bus intelligebat, quātæ ad resistendū Cōmodo collata acie
satis essent: quippe Et Romanæ plebis Et prætorianorum
militum propensa in Cōmodum uoluntas credebatur, ar-
te sibi cōsilio q̄; grassandum statuebat. Quo circa tale quid-
dam cōminiscitur. Veris initio stato solēni q̄; die, pompam
matri deū Romani celebrant. In ea quæ apud quēq̄; sunt
diuitiarū præcipua, suppellex q̄; pleraq; Impatoria, ma-
terie aut artis spectandæ, præferri ante deā solent: pas-
sim q̄; oībus ludendi licentia permissa, sicut personas in-
duant, quas cuiq̄; libitum: nullam q̄; non magistratum
quoq; imaginem, prout cuiusq̄; studiū, representent. Sic ut
non temere a falsis ueros dignoscas. Putauit hoc Mater-

hunc idoneū celandis insidijs tempus: ratus fore, ut si perso-
nam supatoris alicuius indueret, suosq; ad eandē simili-
tudinē armis ornaret, ac se hastatis immiscerēt, sic ut pars
esse comitatus Impatorij crederentur: nullo uidelicet prae-
cauente: repente impetu facto, Comodū obtruncarent. Sed
proditus impatori a socijs quibusdā, qui una cū ipso ue-
nerant in urbē: indignantibus. s. siquidē eum non pro la-
trone iam, sed pro principe habituri forent: anteq̃ festus
dies adesset, & ipse cōprehensus, ac mulctatus capite, &
qui eiusdem factionis erant, meritis supplicijs affecti. Ac
Comodus facta re diuina, gratulatusq; deæ festum agita-
bat, pōpamq; gaudens frequentabat. Sed & populus oīs
pro impatoris salute diē letabundus celebrabat. Quæ
autē ratio sit, cur huic Deæ tantum honorē Romani ha-
beant: non alienum uidetur, quantum ex historia accipi-
mus, cōmemorare: præsertim cum eares plerisq; græcorū
ignota esse uideatur. Ipsum igitur simulachrū cœlitus (ut
aiunt) demissum: neq; qua sit materia, nec a quo fabrica-
tum artifice, satis cōstat: neq; planē hoīum manibus cre-
ditur factum. Hoc igitur decidisse cœlitus ferunt in quen-
dam phrygiæ agrū, cui nomē Pestinanti, a casu eius simu-
lachri factū putāt: ibi. n. a principio cōparuisse, licet apud
alios cōperiā, pugnā illic Ilum phryga, Tantalumq; Ly-
dum inter se cōseruisse, siue de uia ortā, siue potius ob ra-
ptum Ganymedis. cumq; diu æq; uiribus decertatum fo-
ret, ac p̃multi utrinq; cecidissent: nomen ex ea clade loco
esse impositū. hic ē fama fert Ganymedē ipsum trahēti-
bus in diuersa, germani atq; amatoris manibus uita esse
orbatū, sublatumq; ē medio pro calamitatis solatio rela-
ta ad Iouē raptorē fabula, diuinis fuisse honoribus affe-

HERODIAN HIST.

etum. In hoc quē diximus Pessinunte phryges olim orgia
 colebāt ad ipsum finium Gallum, a quo ēt enirati Deae
 sacerdotes cognominantur. Sed ubi res Romana creuit re-
 sponso accepto mansurū imperiū, atq; ad summā auctum
 iri, si Pessinuntia deā ad se trāsferrent: missi in Phrygiā
 legati sunt petitū Deae simulachrū: qđ quidē fiale cōces-
 sum est, cōsanguineos se dictātib; atq; oriūdos ab Aenea
 phryge. Cum itaq; navigio deuectū simulachrū ad ipsas
 Tiberis fauces appulisset quibus tum Romani uice portū
 utebantur: confestim diuina quadā ui navigiū substitit: neq;
 ullis Romani populi certatim trahētis moueri uiribus po-
 tuit, donec uestalis sacerdos adesset. Ea cum uirginitatem
 perpetuo seruandā polluisse falso argueretur: damnationē
 metuens, supplex petijt a populo, ut iudiciū de se Deae
 Pessinuntiae cōmitterent: quo impetrato Zonam recinxit:
 clare precata, ut si intemeratam se esse, ac uirginem dea
 sciret: nauim progredi iuberet. Quae ubi dixit: statim allā-
 gatam Zonam manu ducta nauis sequi coepit. Ita sunt
 pariter Romani manifestam numinis diuinitatem, atq; in-
 nocentiam uirginis admirati. Sed haec haec hactenus de Pesi-
 nuntia Dea: prolixius ēt fortasse, qđ deuit: haud insuauē
 tamen sciam allatura ijs, qui res Romanas minus cogni-
 tas habeant. Commodus aut euitatis maternis insidijs, ma-
 iore se custodia muniebat: rarus prodire in publicū: ple-
 runq; tēporis in suburbanis, aut in principalibus praē-
 dijs procul ab urbe cōsumere: abstinere prorsus ab iurisdi-
 ctione, omniq; actu imperatorio. Per idē tempus accidit,
 ut ingens Italiā quidē uniuersam pestilentia occuparet:
 sed in ciuitatem Romanā uehementius tamen seuiret: ut pa-
 te quae & per se populo abundaret, & aduenas toto or-

be confluētes exāperet. Quare magna iumentorum atq;
hominum strages consecuta, tum Cōmodus (ita scilicet
quidā medicīne periti persuaserant) Laurentum secessit:
q̄ frigidior ea regio sit: syluisq; ē lauru permultis opa-
ta, quo etiam regioni inditum nomen. Valere. n. plurimum
aiebant ad acris evitandā contagionē, cum odores lau-
rorum, tum ipsarum amoenitatem umbrarum. Quocirca
in ipsa quoq; urbe de medicorū sententia pleriq; unguen-
tis suavisissimis narces, atq; aures opplebant: suffituq; &
odoramentis assidue utebantur: q̄ meatus sensuū (ut qui-
dam dicunt) odoribus illis occupati, neq; admittant aera
tabificum, & si maxime admiserint: tamen eū maiore qua-
si vi longe superari. Ceterū nihilo secius morbus ingra-
uescere: hominesq; passim & pecora inter homines agi-
tantia interire. sed & fames codē tpe ciuitatē oppressē-
rat: hac de causa. Clander erat quidam phryx genere: ex
ea nota hominum, qui publice per præconem ueneunt:
hic cum in domum imperatoriam seruitio esset traditus,
& cum ipso Commodō accreuisset: eō scilicet honoris,
atq; authoritatis prouectus est: ut & corporis custodiam,
& cubiculi curam, præterea militum præfecturam, solus
obteneret. Ceterum diuitiæ ac luxus, etiam illum ad im-
perij spem instigabant. Quocirca grandi coacta pecunia,
plurimū frumenti coemit. Id aut oclusum habebat: spe-
rans sibi Ro. populi, atq; exercitus uoluntates adiunctu-
rum: si prius rerū necessariarū penuria laborātes, magnis
repente largitionibus demereretur. Idē gymnasiū quoq;
maximū exædificauerat, publicatis ēt balneis: ut eo mō
populū inesceret. At Romani insensi iam pridē, ac totius
causam pestilentie in eū conferētes, simul perosi hoīem di-

HERODIANI HIST.

uitijs inexplabilem, prius qdē cōfertim per theatra idē
 idē traducebant. Dein agente in suburbanis Cōmodo, re-
 pente uniuersi magnis clamoribus cōcurrerunt, Cleandriū
 ad necem deposcentes. Cum autem suburbanum omne tu-
 multu cōpleretur: & Cōmodus ipse in alto seassu uolu-
 ptatibus indulgeret, inscius, que gereretur: (nam id Clea-
 der cauerat) repente extra omniū expectationem arma-
 ti equites principis eruperunt: Cleandri iussu prouentes
 obuium quenq; ac uulnerantes: neq; scālicet populus ex-
 cipere illorum impetum ualebat inermis armatorū: pede-
 ster equitum. quare fuga facta, in urbem reiciuntur: ibiq;
 permulti, neq; modo quos ferro milites conficiebant: neci
 dediti: sed quos etiā ipsi proculcauerunt equites: quiq; aut
 conferta turba, aut equitum incur su conflictabātur. Igitur
 ad urbis portas sine ullo impedimento per se cuti, magnam
 populi partem interfecerunt: qui autem in urbe remanse-
 rant, calamitate suorum intellecta, clausis domibus, cum in-
 tecta, & culmina euasissent: lapidibus tegulisq; equites
 desuper incessabant. Itaq; statim conuersa fortuna est: nul-
 lo in manibus decertare auso, sed omni multitudine de-
 super quasi ex tuto dimicante. Quocirca saucij magna
 pars, cū tolerare iam ulterius nequirent: terga fuga man-
 darunt. Multi itaq; cadebant crebro telorum iactu: multi
 equis excutiebantur, inter deuolutos lapides fallente uesti-
 gio lapsantibus. sed & pedites, qui in urbe stationes ha-
 bebant: populo suppetias aduersus inuisos sibi equites ra-
 ptim tulerunt. Itaq; cum civile bellū esset: nemo tamen que
 gererentur nunciare Commodō audebat, metu Cleandri
 potentiae: donec maxima natu soror, Fadilla nomine, ac-
 currens ad imperatorem, quippe facilis aditus sorori, cri-

nibus solutis proiecta humi: ac planè in lugubrem habitum deformati. Tu quidem, inquit, o' princeps o'iam agitant, & omnium, quæ gerantur ignarus: extremo in periculo uersaris: nos autem sanguis tuus propemodùm occidimus. actum de po. Ro. actum magna ex parte etiam de exercitu est: & quæ ne à barbaris quidè nos passuros expectabamus: ea nobis domestici faciunt: & in quos maxima contulisti beneficia, eos primos inimicos habes. Cleander aduersus te populum, & exercitum armauit: quorumq; alteris inuisus est, alteris charus, utriq; tamen in armis sunt: cædemq; inter se parrant, & ciuili sanguine Romæ replent. sed in nos uidelicet utriusq; multitudinis recidet calamitas: nisi tu q̄primū neci dedideris sceleratissimum famulū, qui tantæ cladis illis iam fuit: nobis mox futurus est author. Hæc loquēs uestem scidit, multiq; item, qui aderant sumpta de uerbis mulieris audacia, Comodum territabant. Is expauesfactus, cū iam non ut impendens, sed ut præsens periculū formidaret: aciri ad se Cleandrum propere iubet: nihil dum certū scientē, sed tamen aliqd suspectantem impatori renunciatū: accedentemq; ad se impetrat cōprehendi: & caput eius amputatū, contoq; præfixū circumferri: uoluptuosum scilicet, atq; optatū populo spectaculum præbiturus. Ita id malum sedatū, atq; utrinq; diminutio dirempta: siquidē milites cum occisum uiderent, pro quo decertabant: iram quoq; imperatoris formidabant, cui uerba data: nihilq; non factū contra illius sententiam cōpererant. Populus contra satisfactum sibi authoris supplicio putabat. sed & liberū Cleandri (binos. n. uirilis sexus habebat) & quotquot illius amici fuerāt: ad unum omnes contrucidati, tractaq; per urbem cadauera,

HERODIANI HIST.

Et contumeliosissime habitis, postremo in cloacas abiectis.
 Hæc finis Cleandri factorum fuit: quasi in uno illo uelut
 ambitiosius ostentaret natura (ut sic dicam) humana:
 posse ex infimo loco ad supremum fastigium euehi homi-
 nem: atque euectum deinde rursum deurbari quolibet exi-
 guo, atque in sperato fortuna momento. Caterum Commo-
 dus tamen si uerebatur, nequid fortasse populus etiam con-
 tra se noui moliretur: tamen suadentibus amicis, in urbem
 reuersus est: ac lætis acclamationibus, magnoque comitatus
 exceptus, in aulam principalem se contulit. Enimvero ex
 illo, tot aditis iam periculis, coepit nulli satis confidere: sed
 occidere hunc, atque illum, nulli non calumnie fidem ac-
 commodans. Ad hæc neminem, cui uirtus ulla esset, amicum
 sibi adiungebat: sed a cunctis æque rectis studiis animum
 auocauerat. Quippe quem die, nocteque aliæ ex alijs effre-
 næ corporis uoluptates grauissimo seruitio premebant: ne-
 minemque non ab limine uelut insidiatorem submouebat:
 quencunque aut probitas, aut disciplina ulla etiam mediocris
 illustraret. Scurræ uero, et qui turpissima quæque repræ-
 sentabant, quasi addictum sibi habebant: aurigando etiam,
 bestiisque conficiendis, supra modum exercebatur: ob quæ stu-
 dia adulatores eum fortitudinis gloria celebrabant. qua-
 re illa minus decore tractabat, quam modesto principi conue-
 niebat. Extitere ea tempestate et quedam in cælo prodi-
 gia: stellæ enim per diem perpetuo apparuerunt, quedamque
 ex ijs in longum productæ, medio quasi aere suspensæ ui-
 debantur. Præterea animalia omne genus minime suam
 naturam seruantia, cum figura corporis prodigiosa, tum
 membris haudquaquam congruentibus edebantur. Maximè
 autem nefas cum in præsens dolorem attulit: tum in futu-

tum pessimo augurio uniuersos conterruit. Nam cum neq;
 ombres ulli, neq; nubes, tantumq; exiguus terræ motus an-
 tecessisset: seu nocturni casu fulminis, siue igni aliquo in
 ipso terrarum motu uelut exirito: totum de improviso pa-
 cis templum consumptum incendio est: quod unum scilicet
 opus cunctorū tota urbe maximū fuit, atq; pulcherrimū.
 Idem templorum omnium opulentissimū, egregieq; muni-
 tum, multoq; ornatum auro, & argento. Quippe uniuersi
 ferme suas illuc diuitias, quasi in thesaurum congerebant:
 ideoq; per noctem debacchatus ignis, multos ex opulentis
 egenos reddidit. Quapropter cōm quidem iacturā pu-
 blice oēs, suam autem quisq; priuatim deplorabant. Sed ubi
 templum omne consumptum ignibus est: plurima quoq; &
 pulcherrima urbis ædificia conflagrarunt: inter quæ, &
 uestæ templum: sic ut palladium quoq; conspiceretur, quod
 in primis colunt, atq; in arano habent Romani: Troia
 (ut perhibent) auctum, ac tum primum postq̃ in Ita-
 liam deuenit conspectum ab hominibus. Quippe raptum
 id uestales uirgines media sacra uia in aulam Imperato-
 ris transtulerunt: multæ præterea pulcherrimæq; urbis
 partes cōbustæ: plurimosq; dies peruagatum incendiū non
 prius sedatum est, q̃ repentinis imbribus extingueretur.
 Itaq; totam rem Dīs imputabant eius ætatis mortales,
 quorum scilicet uoluntate & inchoasse incendium, & de-
 sisse arbitrabātur: ac portendi bella, quæ sunt deinceps in-
 secuta consumpto pacis templo interpretabātur. quam de-
 inceps famā rerum euentus cōprobauit. Enimvero pluri-
 mus maximusq; incommoditatibus laborante ciuitate, non
 iam ut antea multitudo beniuole Cōmodum aspicere: sed
 referre oēs eius calamitatis cām in illius iniustos actus,

HERODIANI HIST.

Et reliqua uitæ crimina. Siquidē neq; latebant populū scelera hominis, neq; latere ipse uolebat: sed quæ domi non sine infamia patrabantur: ea etiā in publicū ostentare haud uerebatur: eoq; uicordiæ, petulantiaq; processit: ut paternum primo cognomen repudiaret, ac pro Cōmodo Marci filio, Herculem se Iouis filiū iussit appellari: de-positoq; principū Ro. cultu, leonis pellem substerneret, ma- nuq; clauam gestaret: simul purpureas sibi, atq; auro in- textas uestes circumdaret, non sine omniū irrisione: quippe eodem schemate et fœminarū luxum, et heroum uirtutē representabat. Talē se uidelicet quotidie præstabat. Idēq; mensium nomina demutauit, ac pro uetustis appellationi- bus, nouas de suis cognominibus imposuit: quorum ad Hercule pleraq; tanq; scilicet ad fortissimū referebantur. Quin statuas quoq; sibi tota urbe poni iussit: inq; ijs unam pro curia, quæ arcū contenderet: ut etiā imagines ipsæ ter- rores, atq; minas præseferret, quā dein tamen senatus post illius obitum substulit: proq; ea, libertatis imaginē repo- suit. Cōmodus aut cum temperare iam sibi ultra nō pos- set: publice spectacula edere professus: omnis se sua ma- nu feras occisurū pollicebatur: et cū fortissimus quibusq; iuuenum singulari certamine depugnaturum. Ea cum ru- moribus celebrarentur: concurrebant ex Italia omni, ac finitimis gentibus uniuersi ad id spectaculū, quod nec an- tea oculis usurpauerant, neq; unq; fando audiuierant. Si- quidem ita esse certa manus illius dicebatur: ut quodcuq; de- sinaret, iaculo sagittaue cōtingeret. Erantq; cum illo assi- due parthorum lectissimi sagittarij, ac Numidæ iacula- tores: quos ille tamen omnes longe artificio superabat. Vbi autē spectaculi dies adfuit: pleno amphitheatro ex ædifi-

catus

atus Commodus peridromus fuerat, per quem decurre-
 re in orbem possit, ne cōminus cum bestijs pugnans pe-
 riclitaretur: sed superne, ac de tuto loco tela iaciendo, ia-
 culandi potius scientiam, quā fortitudinem ostentaret.
 Cervos igitur & damas, item cornigera alia præter tau-
 ros, currens pariter ipse, atq; insequens impetebat: ac præ-
 uenta fuga, certissimis ictibus prosternebat. eons uero &
 pantheras, aliq; id genus nobilissima animalia, currens
 in orbem superne iaculis confodiebat: sic ut nec telum
 quisq; secundum, nec uulnus uiderit nisi letiferum. Nam
 ut primum se fera concitauerat: statim illam uel in fron-
 te uel in corde sauciabat: nullo præterea usus scopo, neq;
 ad aliā corporis partem telo destinato: sic ut pariter cū
 uulnere ipso conficeretur. Cæterum bestiae conquireban-
 tur undiq; ac tum primum uidimus, quæ antea in pictu-
 ris mirabamur. Quippe ex India, Aethiopiaq; itemq; a
 meridie & a septentrionibus, quicquid incognitū prio-
 ribus sæculis fuerat: confecit ille pariter, atq; ostendit, nul-
 lo non obstupescito, tam certa illa manu, tamq; nusq; telis
 oberrantibus. Idē aliquando sagittas lunatæ cuspidis in
 Maurusias struthos interquebat, quæ & pedū celeritate
 & alarum quasi uelis ocysime ferebantur: sic ut summū
 contingeret collum, atq; ita capita amputaret, ut ex sectis
 ceruicibus (qui teli impetus fuerat) aliquādiu tamen ui-
 uentibus similem cursum cōtinuarent. Quin & panthe-
 ram, quæ scilicet eductum quendam in arenam cursu
 acerrimo comprehenderat: sic ut iam iam laniatura ui-
 deretur: ita opportuno uulnere consecutus est: ut inter-
 fecta belua hominem seruauerit, ac dentium quoq;
 aciem cuspidē ipsa iaculi præueniret. Leones item ca-

HERODIANI HIST.

uel centum eductos totidem missilibus uniuersos occidit:
 ita suo ordine iacentibus corporibus, ut numerari facili-
 me singula possent: nullo scilicet superuacuo incidente te-
 lo. Hactenus igitur quæ gerebantur, quamuis à principe
 aliena uiderentur: tamen quoniã fortitudinem, scientiamq;
 præ se ferrent, popularem quandam gratiam emereban-
 tur. Verum ubi iam nudus ingressus amphitheatrum est:
 sumptisq; armis numeros gladiatorios implebat: tum ue-
 ro triste Romano populo spectaculum id usum: nobilif-
 simum Imperatorem post tam multos parentis sui, ma-
 iorumq; triumphos, non quidem aduersus beluas arma
 capere militaria, uel Romanorum imperio congruentia,
 sed amplissimam dignitatem turpissimo, foedissimq; cul-
 tu contaminare. Facile autem dimicans suos compares
 superabat: neq; tamen ultra uulnera procedebat: dan-
 te unoquoq; manus, atq; imperatorem potius, quàm gla-
 diatorem agnoscente: eoq; uesanie prouectus est: ut de-
 serere principalem aulam, atq; in ludum gladiatorium
 migrare institueret: neq; se amplius Herculem appella-
 ri patiebatur: adoptato nobilissimi gladiatoris nomine,
 qui iam uita excessisset: quin simulachro illo colosso, quod
 Romanus uenerabile est, solis effigiem gerens: capite dem-
 pto, suum imposuit: atq; in basi subscripsit, non quos
 consuesset imperatorios paternosq; titulos, sed pro ger-
 manico mille gladiatorum uictorem. Ceterum ipsum
 quoq; desinere aliquando ab sua uecordia, & ciuitatem
 tyrannide liberari oportebat: idq; anno ineunte: quem
 diem Romani festum agunt: ad Ianum uetustissimum
 Italiae deum referentes: cuius etiam Saturnum ipsum
 ab Ioue filio pulsum fuisse hospitem prædicant: & quod
 ibi

ibi latuisset, nomen latio inditum. Quo circa etiam nunc
 Romani Saturnalia prius, dein uero initium anni mo-
 re suo concelebrant: estq; eius dei biceps imago: ut a
 quo incipit, & in quem desinit annus. Cum igitur
 hunc diem festum ciuitas ageret: in quo Romani in-
 uicem se colunt, salutantq; & nomismata alter alteri,
 ceteraq; omnisariam munera missitant: summuq; ma-
 gistratus conspicuam sibi, & solemnem purpuram in-
 dunt: uniuersis diem concelebrantibus, statuit Com-
 modus, non quidem ex imperatrijs (ut mos erat) ædi-
 bus, sed ex ipso gladiatorio ludo prodire in publicum: ac
 pro eleganti uestitu, purpurq; imperatoria, procedere
 armatus deducente gladiatorum agmine, in conspectum
 Romani populi. Quod ubi consilium suum ad Martiam
 rettulit: unam e suis concubinis, cui scilicet plurimum
 deferebat: ac propè uxoris eam loco habebat: sic, ut
 præter ignem omnes honores uelut Augustæ tribueren-
 tur: intellecto mulier tam absurdo turpiq; consilio, orare
 multis lachrymis, supplexq; ad genua accedere: ne aut
 Romanum imperium pollui pateretur: aut ipse uitam
 suam perditis, ac deploratis hominibus tam periculose
 committeret. sed cum nihil profecisset: lachrymans di-
 scessit. Ille præfectum exercitibus, Lætum nomine. & Ele-
 ctum cubiculi custodem ad se acutos, parare iubet in lu-
 do ipso gladiatorio, quo se dormitum recipiat: ut illinc
 ad sacrificandum mane procederet: ac se armatum R. po-
 pulo ostentaret. Illi multis precibus persuadere tentabant,
 nequid indignum principe conaretur. quibus Commodus
 ira percitus, facessere ab se iussis, statim in cubiculū reuer-
 sus, ut, quæadmodū consueuerat, meridiaretur: sumpto in

manus libello, quales de philura tenuissimi, atq; in utrâq; partem replicabiles sunt: conscribit in eo quosq; illa nocte interficere destinauerat. ex quibus prima erat Martia: mox Lætus, atq; Electus: post hos ingens eorum numerus, qui plurimum autoritatis in senatu obtinebāt: siquidem senes uniuersos paternos amicos, tollere e medio, ne censura illorum sua interpellarentur flagitia: bonâq; ipsa diuitum dilargiri partim militibus, partim gladiatoribus decreuerat: ut alteri se defenderent, alteri oblectarent. Eum igitur libellum ita conscriptum supra lectulum deposuit: neminem ad se introiturum suspectans. Erat autem puer quidam infans adhuc ex ea nota, qui uestitus cætero nudi, sed auro gemmisq; ornati, solent delicatissimo cuiq; Romanorum esse oblectamento: is ita Commodus charus erat: ut cum illo sepe etiam cubaret, ac philocommodus appellaretur: ipso indicante nomine amorem principis. Hic itaq; puer forte ludibundus, occupato inter balnea et crapulas Commodus, cubiculum ut consueuerat ingressus, sumpto in manus libello, qui cum lusitaret, foras processit: ac forte quadam in Martiam incidit: quæ cum puerum etiam ipsa diligeret: complexa prius, atq; deosculata, libellum manu aufert: uerita nequid ob infantiam inscius puer rerum fortasse grauiorum labefaceret. agnita dein Commodi manu, ac legendi cupidine illecta, ubi funesta contineri, ac se primam peti intellexit: Lætumq; et Electum subsequi tantamq; deinceps reliquorum futuram cædem: hæc secum ingemiscens consursabat. Euge Commodus: hæc in præmia beneuolentiæ, amorisq; sunt? ita scilicet de te merui: cū tam multos annos contumelias, ebrietatemq; tuam pertuli? sed nequaquam

quaquam tibi hæc ita successerint viro temulento, aduersus sobriam mulierem. His dictis, Electum ad se arcessit: quem etiam ipsa aliquando per se conuenire utpote cubiculi custodē solita: & cum eo quoque stupri habuisse consuetudinem credebatur: traditōque in manus libello, uide, inquit, Electe cuiusmodi sumus hac nocte festum celebraturi. Is eo lecto expauesfactus, (erat autem ægyptius genere audax homo, ac promptus & irasci facilis:) statim signatum libellum per hominem sibi fidum Læto legendum mittit: qui item exterritus, ad Martiam contendit: simulans de ijs ire se consultatum, quæ ad concinnandum ex iussu principis ludum gladiatorium pertinerent. Hoc igitur usi prætextu, constituunt aut faciendū sibi q̄primū, aut patiendum aliquid: nullū moræ locum, nullum procrastinationi esse. Placitum autē est, rem ueneno agi: quod se facile daturam Martia recepit: quippe solita primum illi miscere, atque offerre poculum, ut ab amica porrectum suauius biberetur. Igitur redeunti ex balneis, cōmixtum uino odoratissimo uenenum in calice obtulit. ille diu lauando, uenandoque collecta siti, ueluti de more propinatum sibi, temere interbibit. quare statim capitis grauedine occupatus, atque in soporem prolapsus, cum id ex labore accidisse opinaretur: quieti se tradidit. Electus autem, & Martia recedere omnes confestim, & suam quenque domū reuerti iubent: ne somni indigum Commodum expergerent. Id autem alijs quoque ex ebrietate nimia facere consueuerat: nam cum uel balneis, uel epulis operam daret: nullum scilicet habebat præstitutum quieti tempus. Etenim aliæ ex alijs uoluptates, cæque inter se maxime diuersæ, seruire sibi hominem etiam inuitum quocunque

HERODIANI HIST.

tempore subigebant. Pauxillum igitur cum requiescit: ac iam se ad stomachum, & alium ueneni uis insinuasset: oborta uertigine, uomitus, & quidem affatim, consecutus est: siue ipso cibo, quē largiter ante sumpsisset: multa q; meri potione uirus expellente: seu quoniam principibus mos est, antequam cibum capiant, medicamento uti, quo uenena prohibeantur. Ceterū cum multa euomisset: ueriti illi ne ueneno quoq; omni eiecto colligeret sese, atq; una omnes cædi imperaret: persuaferunt magna mercede Narcisso cuidam, audaci strenuoq; adolescenti, ut ipsum in cubiculo strangularet. Hunc finem uitæ Cōmodus habuit. xiiij. annos post parentis obitum imperio administrato: unus omnium ante se imperatorū nobilissimus, omniumq; eius ætatis hominum formosissimus. Quod si dicendū de fortitudine quoq; est: ne in hoc quidē cuiq; præsertim destinandis ictibus, concessurus. Sed tamen totam uitæ rationem studijs, ut dictum est: fœdissimis contaminauit.

HERODIANI A' MARCI PRINCIPATV HI- STORIAE LIBER SECUNDVS.

Cciso Cōmodo, quē admodum superiore uolumine demonstrauius: cum cætare factum interfectores, & aulicas excubias fallere uellent: uili quodam stragulo inuolutum, constrictumq; corpusculum, ac duobus exploratæ fidei famulis impositum, adibus exportandum, uelut aliquid supernacium ex cubuli suppellectile,

pellebile, curauerunt. Qui autem exportabant, per
medios euasere custodes, partim ebrios, dormitantesq;
ac manu languida tenentes hastilia: partim etiam so=
cords eorum, quæ ad se parum pertinere arbitran=
tur. ita corpus principis furtim elatum, ac per noctem
uehiculo impositum, in Aristeum miserunt. Lætus autem,
& Electus, Martiaq; quid agendum foret diu delibe=
rato: tandem decernunt: ita de eius morte rumores sere=
re: quasi repente in apoplexiam incidisset: quod facile de
illo creditum iri existimabant, quæ constabat identidem
solum immoderatis epulis saginari. Sed ante omnia ta=
men uisum est: aliquæ prouectum ætate, ac modestum ho=
minem deligere ad imperium, per quæ & ipsi incolumes
forent: & omnes à seua immoderataq; tyrannide re=
spirarent. Igitur diu consultato, neminem sic idoneū inue=
nerunt, ut Pertinacem. Erat autem Pertinax genere ita=
lus: domi, belliq; rebus gestis clarus: multisq; insignis tro=
pæis, quæ aduersum Germanos, atque orientales barba=
ros erexerat: unusq; erat reliquus e grauiissimis illis, quos
pater Cōmodo amicos reliquisset: cuiq; plurimū ex oibus
socijs ducibusq; detulerat: tutus hætenus, uel grauitatem
ipsam uerito: uel ob paupertatem hominis dissimulante Cō=
modo. siquidem id quoq; illius laudibus accedebat: q̃ cum
plurima omnium administrasset: tamen erat omnium
pauperrimus. Hunc igitur Pertinacem nocte intempesta
sopitis omnibus, Lætus, atq; Electus cum paucis eiusdem
factionis adeunt: & cum ianuam occlusam offendissent,
ianitorem excitarunt: qui ubi adaperuit, militesq; &
Lætum præfectum adesse uidit: perterritus, atq; ex=
pauefactus Pertinaci renunciat. Is admitti illico iubet:

HERODIANI HIST.

evenit: et mox inquit, quæ sibi ad eam diem mala præ-
saguerat. Tanta porro fuit animi constantia: ut ne lecto
quidem se mouerit, aut habitum oris demutauerit: sed
ingressis Læto, atq; Electo, quibus ad se occidendum missos
crederet: pleno audaciæ vultu, minimèq; pallenti, iam-
pridem inquit, hunc exitum uitæ singulis etiam noctibus
sperabam: qui ex omnibus paternis amicis unus adhuc
esset reliquus: itaq; demirabar, quonam tam diu rē dif-
ferret Commodus. proinde quid statis? quin facitis impe-
rata? meq; a tristis aliquando, ac perpetua formidine li-
beratis? Ad hæc Lætus, desine, inquit, indigna te, et su-
periore uita fabulari: neq; nos mortem tuam, sed salutem,
cum nostram, tum Romani imperij petitem uenimus. Iac-
cet enim Tyrannus, debitasq; luit poenas: ea passus a no-
bis, quæ in nos facere moliebatur. Quare huc adsumus,
imperium tibi tradituri: quæ unum ex omni senatu uel tem-
perantia uitæ, uel authoritate, uel ætate etiam, et graui-
tate morum scimus esse præstantissimum, charumq; populo,
et uenerabilem: sperantes, quod agimus, et optabile il-
lis, et nobis salubre futurum. Ad hæc Pertinax, desini-
te, inquit, senem ludere hominem: atq; ita timiditates ar-
guere: ut prius decipere, dein occidere studeatis. Atquæ
inquit Electus, quando nobis parum credis: cape libel-
lum hunc, (nam manum certe agnoscis Commodi) ac tute le-
ge: cognosces proculdubio, quantum effugerimus periculi:
neq; tentamentum aliquod in nostris uerbis, sed ueri fidem
deprehendes. Quod ubi Pertinax fecit: iam profecto uiris
antea quoq; sibi amicissimus credendum ratus, intellecta
omni re, totum se illorum potestati permisit. Placuit igitur
primo exercitum adiri: ac militum tentari animos: quos
tamen

tamen Lætus in sententiam suam facile se adducturum pollicetur: quippe cuius aliqua, utpote præfecti futura esset apud illos authoritas. Quocirca omnes, quotquot ademerant: ad exercitum festinant: cum iam multum noctis processisset, instante Cal. Ianuariarum die. Mittunt præterea fidos homines, qui passim rumorem disseminent: uita defunctum Commodum, Pertinacemq; iam imperaturum contendere ad exercitum. Qui ubi rumor euagatus: repente populus uniuersus lymphato similis, ebacchari, & discurrere per uias, ac lætabundi omnes renunciare pro se quisq; amicis, quibus aut dignitas, aut diuitiæ superabant: namq; illis potissimum discrimen impendebat a Cōmodo. Ibant igitur ad templa & aras, Dīs gratulatum: alij alia uociferantes. Quidam iacere Tyrannum: pars gladiatorem: nonnulli etiam multo his fœdiora. quæq; hætenus metus represserat: ea nunc, licentia ac libertate oborta, impune iactabatur. Sed & pleraq; pars populi cursu concitato, ad exercitum contendebat: ueritis omnibus, ut satis libenter imperatorē Pertinacem milites acciperent. quippe moderatum principem, non sanè nimis ex sententia futurum sperabant militibus: qui scilicet tyrannidi seruire, uimq; omnem, ac rapinas exercere consueuissent. Itaq; uelut ad obsequium impulsuri, confluxere ad castra frequentes: quo ubi peruentum: ingressi Lætus, & Electus una cum Pertinace sunt: ibi conuocatis militibus ad hunc modum Lætus uerba facit. Commodus imperator uester apoplexiæ morbo interijt: causa mortis nemo alius, sed est ipsemet sibi. Nam cum frustra nos optima, atq; salubria subiaceremus: gerens ille se quemadmodum omnes nostis: cibo, potuq; nimio suffocatus.

HERODIANI HIST.

tus est: atq; is quidem suo sibi fato extinctus, perijt. quippe non una eademq; cunctis hominibus mortis causa: sed alie alijs: cunctaeq; tamen ad eundem tendentes uitae finem. Verum pro illo adducimus uobis ipsi, ac Ro. populus uirum aetate grauem: uita moderatum: militaris disciplinae peritissimum: cuius bellicam uirtutem, uos quide ueterani saepenumero experti: ceteri tot annos urbi praefectum, non honore solum, sed etia admiratione dignissimum iudicatis. Igitur fortuna non principem solum uobis dat, sed parentem quoq; optimum: cuius principatus non uobis modo, quem praesentes tuemini: sed ips etiam iucundissimus futurus est: qui ripas flumium, ac Romani terminos imperij defensant, uidelicet res eius praclare gestas memoria retinebimus. Neq; uero iam barbaros nobis pretio conciliabimus: sed eorum memores, quae hoc duce perpassi sunt: metu potius subiguntur. Hec dicente Laeto, minime iam se cohibuit populus: quin cessante adhuc, et dubitabundo milite, Augustum illum declararet: patremq; appelleret: et faustis omnibus acclamationibus prosequeretur. Idem etiam milites factitabant: quanquam non pari alacritate: sed circumfusa undiq; incriminibus, festumq; agitantibus diem, populi turba, facile illos acclamare, ac Perstinacem uocare Augustum coegit. mox iurati de more in illius nomen, factaq; re diuina, laureati omnes populus, atq; exercitus prosequebantur. Sed postq in aulam imperatoriam per noctem (ut diximus) a milite populoq; deductus: magnis curarum motibus aestuabat. Et quis animo esse forti constantiq; uideretur: tamen illum uehementer praesentia territabant: non de salute sua magnopere sollicitum, quippe alias grauiora pericula contempserat:

sed repentinæ tyrannidis mutationem animo uersantem,
nobilitatemq; nonnullorum senatorum reputantem: quos
minime passuros arbitrabatur, post imperatorem genero-
sissimum recidisse principatum ad hominem priuata stir-
pis, atq; obscuræ. Nam si uita ipsius planè temperans,
ac frugalis bene audiebat maximamq; in bellicis nego-
cijs gloriam fuerat adeptus: attamen claritate generis
impar habebatur. Igitur postquam diluxit, in curiam se
contulit: neq; ignem sibi præferri, neq; ulla principatus
insignia passus attolli: donec senatus sententiam scitare-
tur. Sed eum omnes simulatq; uiderunt: lætis acclama-
tionibus unanimiter exceperunt: Augustumq; et impe-
ratorem consalutarunt. At ille recusare institit, tanquam
rem inuidiosam, nomen imperij: excusare senectutem,
ueniamq; orare: multos esse diffitans patritios uiros, qui-
bus magis imperium conueniret simul Glabrimonem ma-
ni comprehensum protrahens, sessitare imperatoria sel-
la iubeat. Erat enim ille omnium patritiorum nobi-
lissimus: ad Aeneam Veneris, et Anchisæ filium seriem
generis referens: idemq; iterum consul: qui tamen ita tum
locutus est. Equidem egomet, quem tu omnium putas di-
gnissimum: cedo tibi imperio, atq; una mecum senatus
omnis summam tibi potestatem decernimus. Ibi uero ille
uim pœnæ afferentibus, atq; impense rogantibus uni-
uersis, uix tandem dubitandus sellam imperatoriam con-
scendit: atq; orationem huiusmodi habuit. Consen-
sus hic uester, studiumq; eximium uni mihi plurimum
in tanta ista nobilitate deferendi, cum omni adula-
tionis suspitione uacet: argumentumq; beneuolentiæ
fidemq; præferat: alium fortassis audaciorem, atq;

HERODIANI HIST.

alacriorem redderet ad ea, quæ traderentur suscipien-
da: sperantem facili se gubernatione usurum: qui tantam
in uobis beneuolentiam animaduerneret. Me autem con-
tra, magna ista scilicet, atq; egregia, sicut honoris sensu
obstupefaciunt: ita metu quodam, curaq; sollicitant. siqui-
dem arduum in primis est, magnis acceptis beneficijs, pa-
ria referre. Nam in beneficiorum uicissitudine, si magnam
gratiam referat, qui paruam debuerit: non tam facilis
remunerandi expeditur, quam in ipso argumentum grati-
animi commendatur. Sed cum prior quispiam eximia in
te quædã contulerit: tum si illud parum ample demerearis,
non tam deesse, quod reponas: quam ipse inops sensuum,
ac plane ingratissimus uideare. Cerno igitur iam animo,
quam mihi arduum sit propositum certamen: ne tanto a
uobis accepto honore, parum me fortasse dignum exhi-
beam. quippe non in sella ipsa fastigium dignitatis: sed in
operibus situm, quæ illam minime dedecorent. nam quan-
tum præterita odimus: tantum de futuris bene speramus.
Et ut tenax est iniuriarum memoria (quod enim offen-
dit, nunquam obliteratur:) sic beneficia in ipso excidunt
usu: siquidem non tam delectat libertas, quam seruitus of-
fendit. neq; habendam quisq; gratiam putat, q; rebus suis
pro arbitrio utatur: quippe id sibi deberi iure autumat.
Qui uero suis exiit bonis, nunquam sane iniuriarum
obliviscitur. neq; quisq; lucro apponit, q; utilitatem in com-
mune pariat. quæ enim publice prosunt: parum cuiq; cu-
ræ sunt. Sin quæ propria cuiusq; sunt, minus ex senten-
tia ceciderint: tum nemo satis secum benigne agi putat.
Ad hæc quicunq; enormibus tyrannorum, atq; immen-
sis largitionibus insuerunt: u, si frugalius paulo, aut con-

inuentus ex pecunie inopia agere insulas: non tam
id moderate quidam dispensationi, prudentiq; attri-
buunt: quam auaritiam continuo tibi, & sordes expro-
brant. neq; autem cogitant neminem posse magna cui-
us dilargiri: qui se a ui, atq; a rapinis abstineat. Qui
autem recte, ac pro cuiusq; dignitate dispensat: non mo-
do nihil cuiquam iniuste eripit: sed & ceteros fruge-
esse docet, & parcere pario. Hæc igitur cum animis ue-
stris reputantes, adnitimini uos quoq; mecum patres:
communemq; hanc imperij administrationem existi-
mate. quippe in repu-optimatum, non autem sub ty-
rannide uicturi, cum sibi optimam habere ssem, tum
reliquis etiam debetis polliceri. Hæc locutus Pertin-
ax, senatui animum addidit: uotisq; exceptus, & ac-
clamationibus: habitusq; honorificentissime, Iouis,
aliorumq; Deorum templis consalutatis, sacrificioq; de-
more facto, in aulam palatinam se contulit. Postea ue-
ro quam fama uulgauit, quæ ille uel in senatu dixisset:
uel ad populum scripsisset: leti omnes agitare: speran-
tes seruum se & clementem principem, parentemq; adeo
magis, quam imperatorem habituros. Nam & militi-
bus edixit, ne cui ex populo contumeliam facerent, ne ue-
quem uiatorem pulsarent: cunctaq; denique ad hone-
sti cultum, modestamq; referebat. Ipse cum aut ingre-
deretur, aut ius diceret, comem scilicet ac mansuetam in-
dolcm ostendebat. & cum Marcum in primis referre
uideretur, seniores quidem admonitu delectabat, reli-
quos autem a crudeli contumeliosaq; tyrannide ad mo-
destam uitam tranquillamq; uindicatos, facile ad se
amandum impulerat. Quæ cum fama latius euagare-

HERODIANI HIST.

ceteras nationes omnes, atque exercitus subiectos Romanis, aut
 amicos: ad deferendos ei diuinos honores incitauit. Quin
 Barbari quoque, siqui aut frenos depulerant: aut sedi-
 tiones moliebantur metu uirtutis, quam praestitisse eum
 superioribus bellis meminisse: iustitiaeque fide, cum ne-
 minem ab illo scirent ulro offendi: sed gratiam cuique
 pro meritis referri: uimque abesse et crude litatem: sponte
 illi se dediderunt. Legationes praeterea undique consue-
 bant: gratulatum Romano populo, quod Pertinacis imperio
 gubernarentur. sed, quod plerisque omnibus publice, priua-
 timque gratum fuit: modestum, mansuetumque principem
 Populo Romano contigisse. Id uero urbanae cohortes impe-
 ratorum custodiae adhibitae, grauiter, molestique fere-
 bant: siquidem a rapinis, iniuriisque ad temperatum uitae
 cultum reuocatae, ac mitem illam ciuilemque gubernandi
 rationem in contumeliam suam, ac dedecus accipientes,
 ut ex qua licentiam sibi ademptam intelligerent: nullo
 iam pacto rectorem huiusmodi tolerandum statuebant.
 Igitur principio contumaciores se gerere, minusque dicto
 audientes esse: postremo nondum bimesiri imperio ex-
 pleto, cum quidem ille iam non dubium suae probitatis
 specimen dedisset uniuersis in optimam spem erectis, in-
 uidit repente mala sors, quae omnia funditus euertit: sic,
 ut egregii illi conatus uehementer omnibus profuturi, in
 medio quasi cursu prolaberentur. Nam primum quidem
 quicquid in Italia aut alibi gentium inculti, soli etiamque
 sub regibus uacaret: id totum occupantibus et colentibus
 adiudicauit: decemque annorum immunitatem, ac perpe-
 tuam libertatem agricolis concessit. Imperatoris autem
 possessionibus nomen suum inscribi prohibuit: non esse

illas dictitans imperantium proprias, sed communes Ro-
 manorum, & publicas. Vestigia quoque omnia, quæ ad
 contrahendas pecunias tyranni excogitauerant: in flu-
 uiorum ripis, in urbium portibus, perque uias, & itinera,
 penitus remisit: atque in antiquam libertatem reuocauit.
 multaque item ad id exemplum factururus uidebatur: nam
 & delatores urbe exegerat: & ubiubi inuenirentur pu-
 niri imperauerat: cauens, ne cui de uariis criminibus pe-
 riculum constaretur. Ergo in maxima tranquillitate sese,
 beatissimoque rerum statu uicturos, senatus, ceterique ar-
 bitrabantur: siquidem adeo se æquabilem, paremque cæ-
 teris præstabat: ut filium quoque iam adolescentem in au-
 lam palatinam nunquam adduxerit, sed intra priuatos
 parietes continuerit: sic ut in ludum quoque literarium, atque
 gymnasia de more itaret nihil priuatis absimilis: crudi-
 returque: & omnia perinde, ut quibus medio agitare: neque
 ullam aut tyrannicam, aut omnino imperatoriam pom-
 pam ostentaret. Cum in hac morum uitaque modestia age-
 ret: soli scilicet prætoriani milites præsentem rerum con-
 ditionem haud satis æquo animo ferentes, ueterem illam
 licentiam uiolenter se gerendi, raptandique omnia af-
 fectabant: interque uina, & epulas consilia inierunt,
 Pertinacem e medio tollendi, grauem ipsis atque one-
 rosum: alterumque eius loco imponendi rebus Roma-
 nis indulgentem, atque intemperantem: nihilque denique non
 licentiæ præbiturum. Igitur confestim haud opinato can-
 ctis ocium agitantibus, turbidi, ac fruantes, militari cur-
 su moridie ipso, protentis hastis, nudis gladijs, frequen-
 tes ad imperatoris ædes feruntur. re autem subita, in-
 sperataque perterriti cubicularij palatini, pauci plurimis, et

modo

HERODIANI HIST.

inermes armatis minime ausi resistere: relictis sua quisque statione, diuersi alij alio' defugerunt. Pauci tamen ex amicissimis, nunciato militum concursu persuadere pertinaci conabantur, uti fuga sibi consulcret: populiq; auxilium imploraret. Ille autem tametsi utilia in praesens audiebat: tamen indecorum existimans, atq; illiberale, minimeq; dignu' imperatoria maiestate, atq; ante acta uita, suae aut latebris salutem debere: occurrere periculo, ac procedere in medium decreuit: sperans persuasurum quae uellet, et furentes in praesens animos placaturu'. Igitur cubiculo egressus, factusq; irruentibus obuiam, quærere causas institit tam subiti motus, et a' foedissimo illo tumultu abstertere: non attonius periculo, sed habitum oris grauem moderatumq; retinens, paremque imperatriæ dignitati: ac nihil humile, nihil pauidum, aut obnoxium, nihil deniq; supplice dignum praeseferens, ita ad eos uerba fecit. Me quidem o' milites inquit, si occiditis, neque ipsi rem magnam facitis: neque mihi sane' grauem, homini uidelicet huius ætatis et gloriæ: siquidem humanae uitæ finis certe est aliquis necessarius. uos autem principis curæ, custodiæq; et propulsandis aliunde periculis adhibitos, eadem ipsos facere primos: neque civili tantum, sed imperatorio quoque sanguine polluere dexteras: id uero uidete: ne uel in praesens flagitiosum sit uobis, uel in posterum periculosum. neque enim ego ulla uos iniuria affeci. si enim Commodi doletis interitu: nihil profecto nouum fuit mori, qui homo natus fuerat: sin dolo neatum putatis: non meum sane' id crimen: quippe quem ipsi scitis ab omni etiam suspitione procul abesse. quæ enim tunc acta sunt, uos primi cognita habuistis: ut etiam siquid

obortum

obortum
ne illi
quod
et ra
ex his
iam cap
ditem
statim ex
dignu'
muroq;
populu
fortitu
dus se
tu. su
tibus
choro
cipue
calam
ac pri
mutu
dies u
quicq;
teq; p
ab uel
uius o
lum,
uind
autem
imper
pollice

obortum suspicionis est, id utiq; alios attigerit. Caterum
ne illo quidem extincto quicquā uobis defieri patiemur:
quod modeste atq; ex dignitate uestra, nō autem per uim
& rapinas concupiueritis. Ita loquente eo, iam quidam
ex his permotum iri uidebantur: neq; sanē pauci abire
iam cœperant, ueriti sanctimoniam principis, ac sene-
ctutem: sed a' Cæteris facto impetu, obruncatur. Qui
statim eo perpetrato scelere, multitudinem declinantes in-
dignissime laturam id faciū, occupant in castra abire:
muroq; continent se: dispositis pro turribus armatis, qui
populum a' mœnibus arcerent. Hunc finem Pertinax
sortitus est uitæ, morumq; (ut supra diximus) laudan-
dus: sed ubi cædis illius fama per populum dedita: tumultu-
s. luctuq; omnia compleri: discurrere uniuersi furen-
tibus similes: neq; certi quid agerent, querere ipsos au-
thores, quos neq; inuenire tum poterant, neq; ulcisci. Præ-
cipue uero senatus indigne id ferre: communemq; eam
calamitatem existimare: desyderans parentem optimum,
ac principem indulgentissimum: rursumq; tyrannidem
metuens, quam cordi esse militibus intelligebat. Sed cum
dies unus, itemq; alter abiisset: plebsq; uniuersa suo
quisq; metu quietem ageret: & qui dignitate authorita-
teq; pollebant, in sua prædia, q̄longissime poterant,
ab urbe secessissent: nequid in eligendo successore gra-
uius obijceretur: cognito milites & quietum esse popu-
lum, & existere neminem, qui principem interfectum
uindicaret: ipsi quidem castris se continebant. constituto
autem supra murum uocalissimo quoq; edicunt uenale
imperium: traditurosq; se ei, qui plurimum pecuniæ
polliceretur: tutoq; in aulam deducturos. Id auditum

HERODIANI HIST.

neminem e' senatu gravitate, atq; auctoritate præditum,
neminem e' nobilitate, aut ex his deniq; permouit: qui-
cunq; adhuc opulenti superabant, tenues reliquæ Com-
modi Tyrannidis: neq; ausus quisq; aut muro succedere:
aut turpem contumeliosumq; dominatum pecunia paci-
sci. Sedenim Iuliano cuidam consulari viro, qui grandem
habere pecuniam credebatur: uespere supra coenam nun-
tiatur inter uinum, atq; epulas militum edictum: quippe
homo alioqui parum uitæ continentis habebatur. Persua-
dent igitur uxor, atq; filia, & parasitorum turba, ut
relicta mensa acceleret: & quid agatur intelligat: ac
subinde inter eundem adhortantur, occupet proiectum
imperium: superaturum largitione omnes, qui tantum
diuitiarum possideat. Igitur ubi ad muros accessit: cla-
mare occæpit, daturum quæ uellent: habere se magnas
opes, plenos auri thesauros atq; argenti. Eodemq; tem-
pore Sulpitianus & ipse uir consularis, ac præfectus
urbi, socerq; Pertinacis, imperium licitabatur: uerum
in eo milites suspectam habuerunt Pertinacis propinqui-
tatem: subesse aliquid fraudis suspectantes, quo illius cædes
uindicaretur. Ergo Iulianum scalis demissis supra muros
attollunt: non prius ausi referare portas, quàm conueni-
ret de numero dādæ pecuniæ. Ille ingressus in castra, pri-
mum quidem honores Commodi, & statuas, quas tulerat
senatus, instauraturum pollicebatur: concessurumq; ipsis;
quam quondam sub illo licentiam obtinuissent. præterea
militibus singulis plus multo argenti daturum, quàm aut
petere auderent, aut accepturos expectauerant: neq; in-
dando moram futuram: nam domi eā pecuniā adserua-
ri. quibus adducti rebus milites, atq; in tantam spē erecti,

Iulianum

Julianum declarant principem: simul ei Cōmodi cognomen imponunt. Tum signis sublati, impositisq; illius imaginibus deducere hominem tendunt. Igitur de more sacrificio in castris peracto, exiit maiore militum comitatu, quàm ceteri consueverant: siquidem per vim contraq; populi uoluntatem, perq; turpitudinem, & dedecus, imperium emeratus, iure impetum multitudinis uerebatur: sed induit armaturas milites, circumseptiq; undiq; testudine facta, ut etiam si res posceret, dimicarene: receptoq; in medium imperatore suo, clypeis, hastisq; supra capita elatis, ut tutiores forent, si forte lapides electis mitterentur: deducunt eum in aulam: neq; auso resistere populo, neq; (ut mos est) faustis acclamationibus prosequente, sed diras procul imprecantibus uniuersis, grauiusq; exprobrantibus, q̄ ere sibi imperium parauisset. Tunc primum uidelicet corrupti militum mores: foedaq; & insatiabilis pecuniae cupiditas, & contemptus imperatoriae maiestatis inoleuit. Nam cum neq; uindex existeret ullus tam crudeliter interfecti principis: neq; promerale factum imperium, foedeq; mundinatum quisq; prohibuisset: id uero initium, causaq; militibus fuit: ut etiam impofterum turpissimè, contumacissiq; eua-derent: sic, ut auaritia indies, ac principum contemptus etiam usq; ad sanguinem prouheretur. Enimuero Iulianus imperium adeptus, delitijs continuo, crapulaq; se dedere: circa rem publicam indiligens, uitamq; mollissimam luxuq; circumfluentem traducere. sed & sem militum fefellerat: neq; implere fidem promissorum potuerat: siquidem nec opes domi, quantas iactabat: & publicum aerarium sumptibus illis insanus iam-

HERODIANI HIST.

pridem à Commodo exhaustum. Quare cum milites habebat infensos: tum à populo totius rei conscio facile contemnebatur. Itaq; et prætereuntem maledictis insectabantur: et turpes ambiguasq; uoluptates exprobrabant: sic, ut propalàm etiam in circo, quo maxima uis hominum confluit: Iulianum incesserent: ac uindictam Romani imperij, præfulemq; principatus Nigrum uocarent: orantes ut q̄primum adesset, ipsosq; à tantis contumelijs assereret. Is Niger consulatum gesserat, ac tum Syriæ præerat uniuersæ: qui honos ea tempestate multo maximus erat: quippe etiam Phœnices, omnisq; ad Euphratem regio Nigri suberat imperio. Ipse ætatis erat iam ad senectutem spectantis: multisq; et magnis in rebus uersatus, famam obtinuerat mansuetudinis, ac dexteritatis: sic, ut etiam Pertinacis uitam putaretur æmulari: quibus maxime rebus populi fauorem adeptus uidebatur. Hunc igitur assidue frequentis populi clamores implorabant: ac præsentem Iulianum conuictio lacerantes, illum etiam absentem uniuersi principalibus acclamationibus, faustusq; uocibus prosequiebantur. Quibus intellectis, Niger putans omnia sibi ex sententia successura: et q̄ à militibus negligebatur Iulianus, ut qui fidem minime impleuerat: et contemnebatur à populo, ut parum dignus empto principatu: spem cepit imperij uindicandi. ac primo quidem ex duabus, tribunisq; cæterisq; militibus, qui plurimum haberent authoritatis: diuersos aliu alio tempore domum dimittebat: edoctos rerum omniu, quæ sibi Roma afferebantur. Id hoc consilio faciebat, ut quamlatissime toto oriente rumores disseminarentur: ita enim sibi adiuncturũ q̄ plurimos existimabat: si non imperium ex

perium ex insidijs occupaturus, sed opem uocantibus, atq;
implorantibus allaturus uideretur. Proinde uniuersi con-
festim adesse: obsecrare pro se quisq;, obtestariq;: uti
quamprimum Remp. capesseret. Est autem Syrorum gens
natura leuis, pronaq; ad res nouandas. amabant autem
uehementer Nigram, q; & imperium apud illos huma-
nissime gesserat: & ludis multitudinem, ac celebritati-
bus detinuerat. Sunt autem Syri suapte natura huiusce-
modi oblectamentorum cupidiores: e quibus Antioche-
ni maximam felicissimamq; urbem inhabitantes, totum
ferme annum uel in urbe ipsa, uel in suburbanis ludos,
& festa concelebrant. Quocirca edendis assidue spectacu-
lis, ac remittendis exhilarandisq; oco animis, ita sibi
uulgus adiunxerat: ut ab omnibus magnopere colere-
tur. quae cum ita se habere intelligeret: iussis adesse dicta
die militibus, reliqua etiam confluente multitudine: ita
pro suggestu ad id ipsum extracto uerba fecit.

Quamre ingenium quantaq; in rebus maioribus ag-
grediendis nostra cautio sit: forsitan ipsi quoq; iam pri-
dem cognouistis. neq; ego nunc apud uos processissem uer-
ba facturus: si uel priuato consilio, uel incerta spe, aut
spem superante cupiditate adducerer. sed me uocant Ro-
mani: & assidue clamantes fatigant: ut eis manum por-
rigam salutarem: neq; patiar tam excellens, tamq; glo-
riosum relictum a maioribus imperiū iacere abiectum
turpiter. Vt autem citra occasionem aliquam res aggredi
tantas, audax sane, temerariumq; sit: ita si imploran-
tibus, ac rogantibus opem deneges: timiditatis, & prodi-
tionis crimine labores. quapropter eo consilio ad uos huc
prodij: ut scitarer, quid facto opus esse duceretis: uobisq;

HERODIANI HIST.

isterer, quasi totius negotij huius consultoribus. quod si ex
sententia successerit: communis mihi inde uobiscū erit uti-
litas. Neq; strenues opes, aut leues sunt, quæ nos sollicitant:
sed ipse Ro. Po. cui rerum omnium potestatem superi tri-
buerunt: ipsum Romanum imperium fluctuans adhuc,
neq; apud quenq; certa sede residens. Sed neq; parū tutā
inimus consilia: his implorantiū animis, nullo ad prohibē-
dum resistendumq; parato. Nā qui illinc ueniunt: ne ip-
sos quidē milites, unde imperiū emptitauerit, satis ei fi-
dos fore affirmant, quoniam promissa non soluerit. quæ
sit igitur uestra mens ostendite. Talia loquentem conti-
nuo exercitus omnis, cæterumq; uulgus imperatorē, atq;
Augustum consalutant. Tum amictū purpura, reliquoq;
exornatum aulico paratu, ibidē ex tempore cōquisito, præ-
cedente ēt igni, in Antiochiæ primū templā, mox ad suas
ædes deduxerunt: quas ēt seu non iam priuatas omnibus
extra insignibus imperatorijs adornauerūt. His lætus Ni-
ger, cum. s. & Romanorum animos, & cæterorum studia
hominum animaduerneret: iam haud dubie rem omnem
sibi esse in uado arbitratur. qui postq; rumor icrebruit:
statim quæcunq; aduersum Europæ continentem nationes
incolunt: festinare pro se quæq;, ut præsto illi essent: lega-
tiq; undiq; Antiochiā confluere, uelut ad legitimū prin-
cipē: Reges quoq; & Satrapæ trans Euphraten, Tygrinq;
habitantes, gratulatū miserunt: suamq; operā in omnem
euentum pollicebātur. quos ille amplissimis affectos mune-
ribus, gratijsq; actis dimittebat: nullis sibi in præsens opus
esse auxilijs affirmans: satis munitum imperiū, idq; gestia-
rum se incruentū. Quare tanta spe sublati animis, supi-
nius iam, negligentiusq; agitabat: seq; populumq; Antio-
chenu m,

chenum, otio delitijsq; oblectans, ludosq; edens, & spectacula. Neq; uero aut Romam, quod res maxime postulabat: proficisci studuit: aut illyricos exercitus, qui. s. in primis adeundi conciliadiq; fuerant: ullis de rebus certiores fecit: sperans statim intellectare, cū Romanis eos pariter, cumq; orientis totius exeratibus consensuros. Hæc dum agigaret leui, incertaq; spe subnixus: fama iam per Pannonios, Illyricosq; increbruerat: perq; exercitus omnes, q. pro ripis Danubij, Rheniq; excubantes coercendis barbaris Romanum tuerentur imperium. Præerat autem Pannonijs uniuersis, (nam unius regebantur imperio:) Seuerus quidam genere aser: uehemens homo negotijs gerendis, ac ferrox, uitaq; insuetus duræ, & asperæ, promptus excogitandis, acer exequendis rebus: qui postq; Romanum principatum pendere sublimem, quasiq; direptui expositum uidit: alterum quidem, ut desidem: alterum ut parū efficacem contemptui habuit. Addebant præterea spē somnia quædam, & oracula, cæteraq; futurorum præsagia: tum deniq; fidem ueri impetrantia, cum sunt euentum sortita: quorum pleraq; ipse in libris de uita sua conscripsit: ac publice in tabulis picta dedicauit: sed quod illi extremum, maximiq; momenti somnium spem propemodū oēm conciliauit: id ne nobis quidem silentio prætereundū. quo enim tempore nuntiatum est, Pertinacem ad imperiū ascitum: peracto Seuerus sacrificio, iuratusq; fidem principi, ubi primum domum redijt: somno cōprehensus, uidet per quietem magnum quendam, ac generosum equum ornatum phaleris imperialibus, qui Pertinacem ipsum per urbem ueheret media sacra uia. sed ubi ad ipsum fori peruenit ingressum: in quem olim liber popu-

HERODIAN HIST.

lus frequens conueniebat: uisus est excussisse Pertinacem equis, atq; abiecisse humi: proximēq; astanti Seuero tergum substernere: eumq; perferre sublimem tuto in forum medium, conspicuū uenerabundæ multitudini. Manet autem adhuc huius imago somnii eodem ipso loco, ingens ex ære conflata. Ad hunc igitur modū sublatis animis Seuerus, ac se diuina providentia sollicitari ad imperium ratus, decreuit animos periclitari militum. quare primum quidē præfectos, tribunosq; et primos militum sibi adiungens, cumq; ijs de Romano imperio sermones ferens, abiectum id esse dictitabat: existente nullo, per quē fortiter, atq; ex dignitate gubernaretur. inuehēs præterea in prætorianas cohortes, quæ sacramentum militare civili, imperatorioq; sanguine polluisent: uindicādam esse aiebat, ac persequēdā Pertinacis cædē: minime ignarus, excubare adhuc memoriā Pertinacis apud Illyricos exercitus: quoniam sub imperatore Marco multa illius ductu aduersus Germanos tropæa excitauerant: Et cum præfectus Illyrico foret: nullum non exemplū uirtutis in prælio ostentauerat: beniuolentiā porro, ac probitatem ad hæc, ciuile, moderatumq; imperiū socijs præstiterat. quocirca memoriam eius principis colentes, tantam in illum editam crudelitatem indignissime ferebant. Hanc igitur Seuerus occasionem arripies, facile eos, quouellet adducebat: simulans non se quidem imperium querere: aut summam potestatem affectare: sed ire ultum sanguinem tanti principis. Nam ut eius regionis homines corporibus utuntur præualidis, atq; proceris: Et in pugnam, cædemq; paratissimis: ita pingui sunt ingenio: quare haud facile sentiunt, siquid agas dicat'ue astute,

easue astute, ac subdole. Quocirca cum fidem fecisset
 Severus, eadem se Pertinacis persequi uelle: ita sibi
 uniuersos conciliavit: ut imperator diceretur: summamq;
 ab eis acciperet potestatem. sed ubi Pannoniorum ani-
 mos explorauit: statim uicinarum quoq; gentium prae-
 sides, quaecunq; Romano subiacent imperio: magnis il-
 lexit præmijs. Erat autem Severus unus omnium mortu-
 lium ad amorem simulandum maxime factus: sic, ut
 ne iusurandum quidem fallere dubitaret, si ita usus po-
 sceret: longeq; aliud in lingua promptum, quàm in ani-
 mo reconditum gerebat. Igitur Illyrico omni, rectori-
 busq; prouinciarum per literas insinuatus, collectisq;
 undecunq; militibus, ac suscepto Pertinacis cognomine,
 quod non Illyriis modo, sed Romano etiam populo
 gratissimum fore suspicabatur: conuocatis omnibus in
 campum, ita pro suggestu locutus dicitur. Quan-
 tum uel fidei, uel religionis erga deos, per quos iurati
 estis: quantumq; honoris imperatoribus exhibeatis,
 quos adeo ueneramini: facile ostenditis milites: cum tan-
 to pere indignamini, cohortes urbanas, pompæ magis,
 quàm uirtutis administras, adeo foedum facinus perpe-
 trasse. Ac mihi quidem in uotis est, nunc primum tan-
 tam spem auspicienti, (nam profecto scitis, quàm sem-
 per audiens dicto principibus fuerim:) perducere ad
 exitum, atq; explicare, quæ uobis cordi sunt: neq; Ro-
 manum imperium abiectum pati: quod quidem apud
 maiores summa semper authoritate gestum, ueneran-
 dum omnibus uidebatur. Postea uero quàm ad Commo-
 dum recidit: & si ob illius adolescentiam sepenumero
 impugni: attamen omne uitium, cum ipsius principis nobili-

HERODIANI HIST.

tate, tum sanctissimi parentis memoria obumbrabatur:
neq; tam errata illius, odium, q̄ misericordiam emereban-
tur. Quippe non tam ipsi, quæ gerebantur: q̄ assentatori-
bus imputabamus, cæteris q; malarum artium consulti-
bus, atq; ministris: donec ad sanctissimum illum senem, cu-
ius adhuc uirtutis, & probitatis, nostris mentibus memo-
ria residet: delatum fuit imperium. quem tamen tan-
tum abest, ut tolerare illi potuerint: ut cæde etiam nefa-
ria talem uirum e medio substulerint. Post hunc autem
terræ, marisq; imperium, nescio quis turpissime auctio-
natus, & populo quæadmodum auditis inuisus est: & mili-
tes ipsos, quibus impositum: parum fidos habet. qui tamen si
etiam defensuri illi forent: attamen neq; numero uniuersi,
neq; uirtute singuli conferendi sunt uobis. Ad hæc bellicæ
uos negotia exercuerunt: nam & cum barbaris pedem con-
ferre, & labores omnes perferre, & algores, æstusq; de-
spicere, & concreta gelu calcare flumina, & potare effu-
sos latices, non haustos, & uenatu inuigilare consueuistis:
omnia deniq; ad uirtutem adepti uaticina: sic, ut nemini facile
sit, uestris obsistere uiribus. Etenim labore miles probatur,
non mollitudine: quia illi ex saturati, atq; enutriti, ne uocem
quidem uestram, nedum pugnam poterunt sustinere. Quod
sicuti syriæ res formidabiles uidentur: is uel ex eo cogitet,
q̄ imbecillæ sint: quæq; tenui spe nitantur: quod neq; adhuc
progredi quoq; neq; de urbe petenda deliberare ausi: se-
desq; illas boni consulentes, delitias in diem quæstas, lucrum
esse ambigue potestatis arbitrantur. Est autem ad iocæ &
cauilla in primis factum syrorum genus: tum qui An-
tiochiam colunt: uel studere Nigro potissimum creduntur:
nam gentes reliquæ, & ciuitates, cum adhuc neminem

imperio dignum aspiciant: quiq; sit tempus fortiter, moderatq; gesturus: ei. s. obedire se tandem simulant. Quod si ab illyrico exercitu ducem creatum cognouerint: simulq; nostrum nomen inaudierint: non obscurum sane apud ipsos, neq; ignotum: quippe illic etiam cum imperio praefuimus: neq; me profecto desidia, aut torporis arguerint: neq; uestrum exceptare impetum, aut bellicam uirtutem uolent experiri: praesertim cum & corporum proceritatibus, & armorum exercitationibus, & conferenda manu, longe uobis impares habeantur. Quare oau-
 penus q̄primum Romam, laudem ipsum imperij: reliqua dein facile expedituri, cum deorum oraculis, tum armorum, corporumq; uestrorum uiribus confidentes. Hæc locutum Seuerum faustis acclamationibus milites exceperunt: Augustum, Pertinacemq; appellantes, studiumq; in eum propensum, atq; egregiam uoluntatem pollicebantur. At Seuerus, nihil procrastinandum ratus, armari quam expeditissime iubet: iterq; ad urbem edicit: distributisq; uiritim cibarijs, omniq; uiatico, nihil sibi ad celeritatem facit reliqui: nullis interquiescens locis, ac uix residere tantisper milites passus, donec a nimia itineris contentione respirarent. Ipse inter primos laborans, uiliq; tabernaculo utens, abum potumq; eundem, quem etiam cæteri milites capiebat: nihil unquam imperatorie luxurie, nihil deliciarum ostentans: sic, ut acceptior indies militibus fieret. Nam cum laborum omnium, non modo particeps, sed princeps etiam, authorq; foret: adeo cunctis uenerabilis erat: ut nihil non pro illo cupidissime facturi uiderentur. Postea uero q̄ emensa Pannonia ipsos Italiae montes insedit: famamq; sui præ-

HERODIANI HIST.

ueniens prius coram conspectus est, quam aduentare au-
ditum fuerat: magnus scilicet omnes Italiae ciuitates, tanto
conspetto exercitu, metus inuasit. Quippe homines in Ita-
lia iam pridem ab armis, belloq; remotissimi, agros, pa-
cemq; colebant: etenim quandiu libera ciuitas egit: atq;
a senatu belli duces eligebantur: fuere in armis semper
Italiae nationes: Graecisq; & barbaris subactis, terrae si-
bi, marisq; imperium pepererunt. neq; ulla orbis terra-
rum pars, aut coeli tractus fuit: quo non uires suas Ro-
manorum arma protulerint. Postea uero quam Augustus
rerum potitus est: & laborem italys ademit, & arma
detraxit: milites tantum quosdam certis authoramentis
habuit mercenarios, qui Romanum tuerentur imperiū:
tum fluminiū magnitudine, atq; fossarum, montibusq;
asperrimis, desertisq; locis, atq; imperiis, circumspectos
imperij limites cōmunivit. Quocirca merito omnes, postq;
aduentare Seuerum cum tanto milite audierunt: in sueta
re perterriti, cum neq; stare contra, neq; prohibere aude-
rent: ibant obuiam laureati, portisq; eum patentibus ex-
cipiebant. Ille tandiu locis singulis immoratus, quādiu aut
sacra faceret, aut populos alloqueretur: Romam ē ue-
stigio pergebat. Quae ubi Iuliano nunciata sunt: actum
de se prorsus existimauit: nam & exercitus Illyrici poten-
tiam, multitudinemq; audiebat: & populo parum fide-
bat, cui se cernebat inuisum. neq; sat magnam spem in
militibus habebat: quos uidelicet fefellisset. Itaq; collectas
undiq; pecunias partim suas, partim ab amicis acceptas:
tum quasunq; in templis, alijsq; locis publice inuenisset:
diuidere militibus instituit: ut eo pacto illorum bene-
uolentiam redimeret. Sed ei, tametsi multa, magnaq; ac-

ceperant nullam tamen habebant gratiam, perfolui de-
bitum sibi, non dari munus aliquod interpretantes. Cae-
terum suadentibus amicis Iuliano, ut exercitum educeret,
atq; alpium angustias occuparet: (sunt autem alpes al-
tissimi montes, quales in his regionibus nulli: porrecti ad
muri formam, circumdati; Italiae, quasi ad reliquam
regionis eius felicitatem: hunc etiam quasi cumulum na-
tura addiderit, ut munitionem haberet inexpugnabilem:
pertinentem scilicet a septentrionali, ad id mare, qd ad
meridiem spectat.) non ausus tamen ille urbe egredi, sup-
plicatum militibus mittebat: uti arma caperent, exerce-
rentq; se: ac fossas ante urbem ducerent: omnemq; bel-
li apparatus in ipsa denuum urbe expediebat: siquidem
elephantos quoq; , quos ad pompam institutos habebat:
insuefacere conabatur sessorem pati: ratus Illyricos mi-
lites, equosq; eorum perterritum iri facie, magnitudineq;
belluarum, quales antea nullas aspexissent: totaq; civitas
armis fabricandis, bellicisq; instrumentis conficiendis
erat intenta. Sed cunctantibus adhuc Iuliani militibus,
ac se comparantibus ad bellum, nunciatur adesse iam
Severus. Is multos e militibus suis sparsim dimiserat,
qui clam Romam profiscerentur: quare alij alijs itine-
ribus noctu ingressi urbem, protectis armis, habitu
paganorum operiebantur: iamq; intus hostis erat, supi-
no adhuc Iuliano, & quod ageret ignaro. quæ ubi po-
pulus intellexit: cunctis metu percussis, ac Severi po-
tentiam formidantibus, sentire iam se cum illo simula-
bat: & Iulianum quidē q imbellis, Nigrū, q lentus, atq;
iners, vituperantes, Severū ipsum iam aduentantē, magno
pere admirabatur. Enimvero Iulianus hæsitalundus, atq;

HERODIANI HIST.

inops consilij, conuocato prius senatu, literas ad Seuerum mittit: quibus foedus pacisceretur, eumq; in communio- nem acciperet imperij. Caterum senatus, Et si illa omnia decernebat: tamen ut eum pauitare desperata salute ani- maduertit: totus iam ad Seuerum incubuerat. Biduo ue- ro post, triduo ue audito Seueru iam plane adeste: omnes contempto Iuliano in curiam conuenere iussu consulum: (quippe ijs curae Romana res est, quoties de imperio ambigitur:) qui postq; frequentes affuerunt: quod facto opus esset, inter se deliberabant: manente adhuc in au- la Iuliano, ac fortunam suam miserante: suppliciterq; rogante, ut sibi eiurare imperiu liceret: omnemq; cam potestatem Seuero transcribere. Sed ubi intellexit senatus pauidum Iulianum, perterritos corporis custodes, ipsum penè ab omnibus destitutum: decreta illius nece, Seuerum imperatore declarant. Tum legatos ad eum mittunt: par- tim qui magistratum obtinerent: partim q; maximam ha- berent in senatu auctoritatem: ut omnes illi honores Au- gustoru deferrent. Occidendi aut Iuliani datur uni e' tri- bunus negociu: is imbellem miserumq; senem, qui sibi ipse tam infelicem exitum propria pecunia emissset: desertu iam, destitutumq; ab omnibus, inter foedissimas complo- rationes trucidauit. Quae ubi Seuerus audiuit: maiora ia- moliens animo, consiliu inijt capiendoru militum omniu, quicunq; Pertinacem interemissent. Datis itaq; clam ad tri- bunos centurionesq; literis, hortatur, multa pollicens, per- suadeant militibus urbanis, ut sibi dicto audientes sint: ipse edictum proponit, ut relictis intra castra armis, exe- ant pacatorum habitu, quales procedere in pompam, aut ludos celebrare consueuissent: iurentq; in Seueri nomen:

ac spem sibi optimam proponentes, praeſto ſint, ut nouum imperatorem comitentur. His crediti milites ſuaſu quoq; tribunorum, relictis armis, pompae habitū laureati proceſſerunt. ſed ubi ad exercitū ſeueri peruenerunt: nuntiato iam adeſſe, iubet in campum conuenire frequentes, quaſi ſalutaturus, ac perbenigne accepturus uniuersos. Enimvero cum ad tribunal principis acceſſiſſent, unanimiter acclamantes: dato repente ſigno comprehenduntur. ita enim praeceperat ſeuerus: ut cum ſtare pendentes eos ab ore principis uidiſſent: circumirent uniuersos milites ſui, more hoſtium, neminemq; uulnerantes, aut pulſantes, tantum orbe factō, clauſos in medio continerent: pila duntaxat intendentes, et haſtas: ut ſcilicet metu uulnerum nudi reſiſtere armatis, pauciſq; plurimis minimo auderent. Quos ubi uelut indagine armorum concluſos, captiuosq; habuit: magna uoce, ac turbido ſpiritu, ita ad eos uerba fecit. Superari uos a nobis, uel ſapientia, uel uiribus, uel etiā numero, re ipſa uidetis: capti eſtis q̄ ſacillime: ac nullo ferme negotio tenemini: quid futurū de uobis ſit, in ea manu eſt: iam ſcilicet uictimae hic ſtatis obnoxiae noſtro imperio, ſi ſcleri ueſtro debitum quaeratis ſupplicium: nunq̄ ſane inuenietis ſanctiſſimum illum ſenam, imperatoremq; optimum ſeruandum, tuendumq; uobis: ipſi occidiſtis: Romanum imperium perpetua clarum gloria, quod maiores noſtri, aut uirtutis, aut nobilitatis nomine ſuſcipiebant: hoc uos turpiter, foedeq; uelut aliquid ex priuatorum inſtrumento, quaſi ſectores uendidiſtis: ac ne eum quidem ipſum, quem ſic ad imperium produxeratis: ſeruare ſaltem, aut deſendere auſi, homines timidiſſimi prodidiſtis. Ob haec igr-

HERODIANI HIST.

tur crimina, ac facinora uestra, nulle uobis debetur mor-
tes, si quis par noxæ supplicium studeat petere. Proinde,
quid uos æquum pati sit: sanè uidetis: ego tamen san-
guine abstinebo, neq; uestras imitabor manus. Sed quo-
niam ius, fasq; negat, supari à uobis iam principem:
violato iureiurando, ac manibus auili, et imperatorio
sanguine pollutis, proditaq; fide, custodiaq;: animas
quidem, et corpora uobis nostra largietur humanitas.
Porro militibus meis ita præcipio: recingant uos, ac ue-
stimentis exutos militaribus, nudosq; dimittant. uobis au-
tem, sic impero, discedatis quàm longissime. edico item,
iuroq;: ac denuncio: capite pœnas daturum, si quis ue-
strum posthac intra centesimum ab urbe lapidem con-
spicietur. His imperatis, è uestigio milites illyrici concur-
runt: breuesq; illos gladiolos detrahunt: quos auro ar-
gentoq; ornatos in usum pompæ suspensos habebant. tum
tonis, uestituq;: et cæteris militiæ insignibus per uim
ablatis, nudos ad unum exauthoratosq; dimiserunt.
Enimvero illi proditos se uidentes, atq; astu captos, pa-
tientiam scilicet præstabant. nam quid agerent nudi ad-
uersus armatos, pauci aduersus plurimos? Discessere igitur
complorantes sese, concessamq; salutem loco muneris
interpretantes. pertæsi tamen, ac dolentes, q; inermes
egressi, capiendos se turpiter, ignominioseq; obtulerant.
Vnus item alio consilio Seuerus est: quippe metuens, ne
recincti, exauthoratiq; deploratis rebus, rursus castra
repetere, resumerentq; arma: præmissos alijs itine-
ribus, ac semitis electissimos quosque, et exploratissi-
mos suorum militum, iubet clanculum uacua castra ir-
rumpere: armisq; ipsorum occupatis, excludere redeun-
tes. hanc

tes. hanc igitur poenam Pertinacis interfectores dederunt. Post hæc Seuerus cum reliquo exercitu instructo armis, Romam petijt: attonitis metuentibusq; pariter primo conspectu Romanis, audaciamq; uiri, ac fortunam repetentibus animo: quem quidem senatus populusq; uniuersus laureati exceperunt: primum scilicet ex omnibus hominibus, atq; imperatoribus citra sanguinem, atq; adeo citra puluerem tanti effectorem operis. Omnia porro mirabilia in illo: præcipueq; ingenij acumen: laborum tollerantia: rebusq; maximis aggrediendis, bonam sibi spem proponens audacia. Postea uero quàm eum populus faustus acclamationibus suscepit: & senatus uniuersus ad portas urbis consalutauit: inito Iouis templo, factaq; re diuina, reliquisq; item sacris ædibus de more consalutatis, nouissime ad domum imperatoriam se recepit. Postridie uero curiam inijt: ibiq; placidus orationem habuit plenam optime spei: simul omnes publice priuatimq; benigne complexus, uenisse in urbem aiebat, ut occisum Pertinacem ulcisceretur: daturumq; operam, ut status optimatum fundamenta se principe iacerentur. Nullum nisi iudicio damnatum, capite, bonis uel mulctatum iri: non passurum delatores: amulum se Marci futurum gerendo imperio: neq; solum Pertinacis cognomen, sed mentem quoq; habiturum. In hæc sententiam uerba faciens, fauorem sibi, fidemq; conciliabat. quidam tamen e maiorebus natu, qui consuetum ipsius haberent ingenium: iam tum clanculum reliquis prædicabant, uersipellem hunc esse hominem: nihil non astu, & arte tractantem: simulatorem, dissimulatoremq; idoneum: nihil pensi habentem, dum id efficeret, qd usui sibi, aut emolumento cre-

HERODIANI HIST.

deret fore: quod seniorum iudicium, haud ita multo post
 euentus comprobauit. Igitur Seuerus paucos in urbe dies
 moratus, dato plebi uberrimo congrario, donatisq; abunde
 militibus, & ex his robustissimo quoq; in locum exau-
 thoratorum delecto ad imperij custodiam, statim ipse in
 orientem profectionem parat: cunctante Nigro adhuc, &
 superio, atq; antiochenis delitijs uacante: ratus properan-
 dum sibi: ut inexpectatus imparatum opprimeret. Edi-
 cto igitur militibus, ut ad iter se accingerent: contractisq;
 undiq; copijs, ac delectu iuniorum tota Italia habito, si-
 mul reliquijs illyrici exercitus, quæ in Thracia reman-
 serant: occurrere iussis, neq; secius ingenti classe coacta,
 completisq; armato milite totius Italiae triremibus, ingen-
 teis sibi omnis generis copias incredibili celeritate com-
 parauit: siquidem haud exiguis uiribus esse opus intelligen-
 bat, aduersus nationes partem orbis Europæ oppositam
 incolentes: quæ scilicet uno ordine omnes Nigri seque-
 bantur auspicia. Ad hunc igitur modum bellum Seuerus
 instruebat: ceterum prouidus homo, ac sobrius, nonnul-
 la suspitione tenebatur de britanicis exercitibus, maxi-
 mis uidelicet, pugnacissimisq;: quibus præerat uniuersis
 Albinus senatorij, patritijq; generis: uir summis opibus,
 ac delitijs innutritus. Hunc sibi igitur Seuerus astu ratus
 adiungendum: ne scilicet diuitijs, genere, exercitibus,
 famaq; nominis magnis ad concupiscendum imperium
 facibus instinctus, summam sibi rerum posceret: Romãq;
 haud procul à Britania distantem, se bellis orientalibus
 implicito occuparet: statuit cum specie quadam honoris
 inescare leuem alioqui, & simplicem: tunc uero etiam iu-
 ranti per literas credentem. quare eum Cæsarem ap-
 pellans,

pellans, spē cupiditatemq; hominis anticipat potestate par-
ticipanda. mittit item plenas humanitatis literas: obsecrās,
ut ipse potissimum curam suscipiat imperij: opus esse ui-
ro aliquo nobili, & ætatis integræ, qualis ille foret: se-
iam senem, morboq; articulari affectum: natos adhuc in-
fantes. quibus creditis, Albinus honorem libenter susce-
pit: letus citra pugnam, aut discrimen ullum compotem
se uoti factum. Caterum Seuerus, quo omnia credibilia
forent: ipsdem illis ad senatum relatis, numisq; imagine
eius percuti iussis, statuisq; erectis, simul alijs collatis ho-
noribus, fidem gratiæ suæ fecit. Quæ postquam sapien-
ter ab illo prouisa sunt: nullo iam ex Britannia impenden-
te metu: collectis in unum circa se illyricis exercitibus, re-
liquisq; rebus ex usu comparatis, copias aduersus Ni-
grum educere institit. Igitur quibus locis itinere illo remo-
ratus sit: quæ apud quamq; ciuitatem uerba fecerit: quæ
signa diuinitus apparuerint: regiones item peragratas, cō-
flictusq; & utrinq; cæsorū numerum, cum pleriq; hi-
storiæ authores: tum maxime poëtæ uersibus suis uberri-
me sunt executi: materiam totius operis ipsam, deniq; Seue-
ri uitam diligentes. mihi autem propositum est: septuaginta
annorum res, quas habeam cognitissimas, sub diuersis prin-
cipibus gestas, in unum corpus comprehensas, literarum
mandare monimentis. Quocirca excellentissima, & præ-
cipua quæq; rerum a Seucro gestarum deinceps perse-
quemur: neq; ad gratiam uero quippiā affingentes: quod
fecisse uidemus, qui illa ætate scriptitarunt: neq; tacitum
prætereuntes, siquid modo mentione dignum, memo-
riaq; uidebitur.

HERODIANI A' MARCI
PRINCIPATV HI-
STORIAE LIBER
TERTIVS.

*S*uperiore libro Pertinacis interitū, cæ-
demq; Iuliani, simul profectiōē Sene-
ri ad urbē, susceptamq; mox aduersus
Nigrū expeditionem edocuimus. Enim
uero Niger ubi Romam a' Seuero oc-
cupatam: ipsum a' Senatu appellatū
imperatorē, nihil tale expectans audiuit: præterea omnē
illyricum exercitum contra se, pedestres, naualesq; copias
educi: perturbato uehementer animo, monet prouinciarum
præsides, aditus omnes, portusq; custodiant: mittitq; roga-
tum auxilia ad Parthorū, Armeniorum, atq; Atrenorum
reges. cui quidem Armenius, neutras se partes suscepturū
respondit: tantum res suas defensurū Seueri aduentu. Par-
thus aut, Satrapis imperaturum per epistolas, uti copias
congregarent: ita. n. facere consuevit bellum cōparaturus:
siquidē mercenarios milites, atq; ordinarios exercitus Para-
thi nullos habent. ex Atrenis autem sagittarij auxiliares
uenerunt missū regis Barsamij: qui tunc in eis regioni-
bus imperitabat: reliquas omnes copias e' militibus, qui
aderant, potissimum conflauit: plurimis etiam e' populo,
maximeq; Antiochenis, cum ætatis leuitate, tum ipsius
Nigri studio impulsis, audacius, quā prudentius nomi-
na dantibus. Sed ex Tauri montis angustias, ac prærupta
locā muro ualido Niger, munimentisq; obstruebat: ratus
montem illum imperuium, magnum orienti propugna-
culum

culum futurum: siquidem Taurus inter Cappadociam;
Ciciliamq; dorsum erigens, nationes discriminat orienti
ac septentrionibus subiectas. Idem Byzantium praesidio
occupauit: urbem Thraciae maximam, felicissimamq; uiri-
busq; et opibus ea tempestate florentem: quippe quae in
angustissimo Propontidos constituta freto, uectigalia, piscat-
umq; a mari accipit: simul agros possidens amplissimos,
uberrimosq; utroq; uelut elemento, lucrum facit. Visum
igitur Nigro talem hanc urbem praesidijs occupare: ut clas-
ses, nauigiq; per eas angustias transgredi ex Europa in
Asiam prohiberentur. erat enim munita urbs: ualido, in-
gentiq; muro: qui mulesio quadrato lapide constructus,
adeo tenui iunctura fuit: ut nemini compositum opus,
sed ex uno tantum, perpetuoq; lapide uideretur: ac nunc
quoq; ruinas ipsas, reliquiasq; cum uideris: mireris utiq;
uel eorum artificium, qui primi extruxerunt: uel horum
uires, qui deinceps sunt demoliti. Ad hunc igitur modum
Niger suas res comprobat: prudentissimo scilicet, ut ipse
putabat, tutissimq; consilio. Caeterum Seuerus quantum
maxime poterat, cum suis copijs festinare: nullum desti-
nae quietiq; locum relinquere. Cognito autem praesidijs
teneri Byzantium, q; sciebat munitissimam esse urbem: ad
Cylicum se conuertit. hoc intellecto, dux Asiae Aemilia-
nus, cui summam Niger totius belli, maximumq; impe-
rium tradiderat: et ipse Cylicum proficiscitur: et co-
pias adducit uniuersas, quasq; aut Niger miserat, aut
ipse contraxerat. Sed ubi uentum ad manus: aliquot acer-
rime editis praelijs, uictoria tandem penes Seuerum stetit:
fuso, fugatoq; Nigri exercitu. Itaq; confectum fracti orien-
talium animi: illyricianis autem spes ingens addita. Neq;

HERODIANI HIST.

defuere qui crederent, Nigri res initio statim proditas ad
Aemiliano: cuius consilij duplicem afferunt causam. alij
Nigro inuidisse: ferentem scilicet haud aequo animo, si
quem paulo ante in Syria successorem habuisset, eundem
superiorem mox, atq; adeo imperatorem, dominumq;
esset habiturus. alij persuasum à liberis patri per epi-
stolas: uitam salutemq; suam commendantibus, quos Ro-
mae inuentos Seuerus in custodia habebat: siquidem hoc
quoq; usus est prouidentissimo consilio. Mos fuerat Com-
modo retinere apud se liberos eorum, qui ad regendas
provincias cum imperio proficiscerentur: quasi obsides
quosdam beneuolentiae illorum, fideiq;. Igitur Seuerus cū
primum est imperator appellatus: supersite adhuc Iu-
liano, misit furtim, qui suos liberos ex urbe subducerent:
ne in alterius essent potestate. Cæterum ipse cum primum
Romam ingressus est: comprehensos omnes ducum liberos,
cæterorumq; item, quicunq; munus Publ. in oriente, Asiaq;
tota obirent: atq; in custodiam datos secum retinebat:
quo per ea quasi pignora Nigri duabus persuaderetur:
uti illum desiderio salutis liberorum proderent: aut cer-
te si in fide permansissent: liberum sibi relinquerent cæ-
de filiorum, quos uellet ulcisci. Victi autem ad Cyzicum
Nigri milites, quā quisq; maxime poterat, aufuge-
runt: partim præter Armeniæ montana: quidam per
Asiam, Gallatiamq; superare: tantum festinantes, ut
scilicet intra munimenta se reciperet. At uero Seueri ex-
ercitus cyzicenum per agrum, in Bithyniam finiti-
mam regionem contendebat: sed ut Seuerum uicisse fama
diuulgauit: repens confestim in eis locis seditio, discor-
diaq; urbes inuasit: non tam quidem ipsorum imperato-
rum odio

rum odio aliquo, aut studio, quàm æmulatione quadā, et
contentione, inuidiaq; inter eiusdem gentis homines sine
fissima. antiquum id uitium Græcorum: qui dum se-
ditiones agitant, atq; eminentissimum queng; tollere e me-
dio conantur: totam iam consumpsere Græciā. Ceterū il-
li quidem inueterati iam, attritiq; inter se: captiui prius
Macedonum, dein mancipia quoq; Romanorum facti
sunt. ea uero labe æmulationis, atq; inuidiæ, florentibus
etiamnum ætatis nostræ ciuitatibus incubuit. Igitur in Bi-
thynia, statim post res ad Cyzicum gestas, Nicomeden-
ses ad Seuerum defecerunt: missis legationibus, quæ se
exercitum accepturos, omniaq; tradituros pollicerentur.
Nicensēs contra, illorum instigati odio, Nigri partibus
studebant: eiusq; suscipiebant milites: siue qui se ex
fuga receperant: siue qui ad tuendam Bithyniam mitte-
rentur. Quocirca ex utrisq; urbibus, quasi e castris
egressi, milites iterum concurrerunt: magniq; commisso
prælio, longe superior Seuerus fuit. inde etiam fuga fa-
cta, Nigri milites, qui prælio superfuerant: ad Tauri
montis angustias euaserant: clausasq; munitiones tueban-
tur. at Nigri relicto ibi, quantum satis fore præsidij pu-
tabat: profectus Antiochiā est: ut exercitus, pecuniamq;
contraheret. Interea Seueri exercitus Bithyniam, Gala-
tiāq; egressus, cum se mox in Cappadociam quoq; in-
citasset: oppugnare munitionem incepit. Ibi multis est la-
boribus conflictatus. quippe arcta, aspera q; uia: lapidesq;
superne iacentibus, ac fortissime dimicantibus, q; summis
insisterant mœnibus: eoq; facile paucis arcentibus pluri-
mos. etenim angustissima utiq; uia est: cuius pars altera
mōte altissimo defenditur: altera p imane præceps defluē

HERODIANI HIST.

te montibus aqua redundat. tum valida munitione Niger obstruxerat: ut scilicet undiq; hostis aditu prohiberetur. Dum hæc in Cappadocia geruntur: interim seditiones inter se quoq; agitabant pari emulatione odioq; Laodicea quidem in Syria Antiochenorum odio: Tyros autem in Phœnicia Berythijs infensa: quæ nunciata Nigri fuga, sublati illius honoribus, Seueri prospere acclamant. At Niger audita re, cum quidem Antiochiæ ageret: iure scilicet, homo alioqui benigni, mansuetiq; ingenij, defectione illorum, contumeliâq; irritatus, immittit utrisq; urbibus Mauros iaculatores, quosq; secum habuerat: simul partem sagittariorum iussos occidere obuium quenq; diripere urbes ipsas, atq; incendere. Sed enim Mauri (ut est genus hominum suapte natura cædis auidissimum: nihilq; non facile audens: ac desperatis simile: contemptu uidelicet mortis, ac periculorum:) Laodiceis de improviso oppressis, populum ipsum omni genere crudelitatis, urbemq; vastarunt: inde Tyrum pergentes, direptis omnium bonis, ac patrata ingenti cæde, totam incendunt. Quæ dum in Syria gerebantur: contrahente copias Nigro, interea Seueriani milites munitionem Tauri montis oppugnabant: tristes utiq; ac circa spem uictoriæ: quippe valida inexpugnabilisq; per se, monte quoq; ipso, præcipitiq; defendebatur. Igitur iam defatigatis, alta aduersariorum securitate, ecce tibi noctu maximi repente ruere imbres: oppleri omnia niuib;: ut sunt difficiles in Cappadocia hyemes: maximèq; ad Taurum montem. quocirca subitus impetu magno erupit torrens: cursuq; impedito, quod munitionis exitum prohibebat, maior iam, uiolentiorq; factus: quando artem superante natura,

natura, tantum impetum sustinere munitione non poterat: laxatis paulatim coagmentis, ac fundamentis loco emotis, iter sibi torrens patefecit. Quo animaduerso qui in praesidio erant: metu, ne ab hoste circumuenirentur: nullo mox futuro propugnaculo simul unda resedisset: prodita custodia, cuncti fuga dilabuntur. Igitur laeti Seueriani, confirmatiq; animos, uelut dijs ipsis immortalibus manu ducentibus: cognito custodes aufugisse, facile scilicet nullis prohibentibus, Taurum supergressi, in Ciliam mox impetum fecerunt. His nuntiatis, Niger, cum quidem ingentem exercitum, sed pugnae, laborumq; inscium collegisset: magnis itineribus accelerabat: quamplurimis eum mortalibus, omniq; ferme Antiochenorum iuuentute sequentibus ducem: multa scilicet animorum alacritate: caeterum uirtute, ac peritia belli, nulla ex parte cum illyrico milite conferendis. Ita concurrerunt ad Issicum, quem appellant, sinum, longe lateq; spatiosissima in planitie: quae perpetuis subiecta collibus, in theatri speciem litus habet a mari longissime excurrens: quasi quoddam belli stadium fabricata natura. quin eodem quoq; loco Darium ab Alexandro ferunt maximo, extremoq; illo praelio profligatum, captumq; Septentrionalibus etiam tum uiris, orientis nationes superantibus. Manet adhuc tropaeum, & tanta victoriae testimonium urbs in colle Alexandria: simul aeneum ipsius simulachrum, unde loco impositum nomen. Euenit autem, ut Seueri, ac Nigri exercituum non congressus modo in eum locum, sed fortuna etiam fortunae similis fuerit. utrinque enim sub uesperam parati ad pugnam constiterant: curis dein, paucioribusq; totam noctem extraxerant insomnem: statimq;

HERODIANI HIST.

cum solis ortu duabus utrinque adhortantibus, incredibili
alacritate utrinque se incitarunt: tanquam de omni spe re-
liqua nouissimo illo congressu dimicaturi: disceptante illic
super romano imperatore fortuna. Sed ubi diu pugnatum
acerissime: tantaque edita utrinque strages, ut flumina per
eam planitiem decurrentia maiore aliquanto vi sangui-
nis, quam aquarum in mare se uoluerent: fusi tandem
profligatique orientales, imminentibus à tergo illyrica-
nis, partim in mare sauci potrudebantur: partim in col-
les summos fugitantes, à persequentibus obtruncabatur:
cumque ipsa una uulguis ingens hominum, qui ex urbibus
vicinis, agrisque confluerant: superne, quasi ex tuto lo-
co praelium spectaturi. At Niger ualido euectus equo, pau-
cis comitantibus Antiochiam peruenit: ubi fugiente pas-
sim multitudine, magnoque ubique fletu, clamoribusque, natos,
fratresque lugentium, deploratis et ipse rebus suis fugam
capit: occultantiisque dein se in suburbano quodam, et ab
equitibus reperto, caput amputatum. Hunc habuit exitum
uite Niger, dato cunctationis, tarditatisque supplicio: ho-
mo alioqui (ut perhibent) publice priuatimque minime im-
probus. Sed occiso Nigro, Seuerus omnes statim illius ami-
cos supplicio affecit: siue qui sponte, siue qui necessitate co-
acti, rebus illius studuissent: militibus tantum, qui ef-
fugerant, ac trans fluvium Tygrim metu Seueri ad
barbaros abierant: impunitate proposita receptis: quip-
pe magna uis hominum in ea loca concesserat. quo effe-
ctum est: ut ualidiores deinceps barbari aduersus Ro-
manos conferenda manu euaserint: ignari antea pugna-
re, tantum arcu ex equis: neque armatura muniti, neque
hasta, gladioue satis audaces, leui pendulaque ueste plu-

vinum inter fugiendum auersi sagittas intendebant. Po-
stea uero quàm Romani aliquot milites, fabriq; nonnulli
in eas regiones confugerunt ibi etatem acturi: non so-
lum armis uti, sed ea quoq; fabricari barbari didice-
runt. Rebus autem orientis ex sententia gestis, atque ut
res posere uidebatur ordinatis, cupido iam Seuerum
habebat, regem quoq; Atrenorum bello tentandi: ac
Parthorum regionem occupandi: quos utrosq; in socie-
tatem Niger adscruerat. quibus tandem rebus in aliud
tempus reiectis, cogitare institit: quo pacto sibi ro-
manum imperium, liberisq; suis bona fide adiu-
dicaret. nam sublato Nigro reliquus erat Albinus,
quem sibi parum ex sententia, parumq; usui fore ar-
bitratur: vulgato rumore iam nimis illum impoten-
ter, nimisq; moleste nomen Cæsaris usurpare: præterea
multos esse e' primoribus senatus, qui ad eum clam da-
rent literas: hortantes ad reditum absente adhuc, occu-
patoq; Seuero: quippe nobilitas omnis Albinum male-
bat imperatorem, ortum illustri genere, ac bonæ indolis
iuuenem. Quibus rebus cognitis, Seuerus minime utiq;
apertis inimicijs, ac manifesto bello agendum putans,
nulla existente causa, quæ saltem specie honesta uideri
posset: decreuit eum dolo insidijsq; tentare. Quare tabel-
larios aliquot ex ijs, qui literas imperatorias perferunt:
fidissimos sibi homines, cum literis, mandatisq; ad eum
mittit: præmonitos, uti redditus publice epistolis, quæ-
dam habere se dicerent, quæ apud illum remotis arbitris
loqueretur: quare ut primum seorsum à custodibus nacti
eum forent: facto impetu obrutarent. quin uenena quoq;
dedit, quibus eum si possent per aliquem ab epulis, auc

HERODIANI HIST.

a cyatho aggredierentur. Erat autem illius amicis suspi-
cita Seueri fides: itaq; cauendum identidem admonebat
hominem perfidiosum: plenum fraudis, & insidiarum.
Nam uulgo etiam parum constanti fide habebatur: im-
pulsis, ut dictum est, per ipsorum filios Nigri ducibus, ad
res illius prodendas: dein postq; eorum opera abusus est:
suaq; omnia ex sententia composuerat, ipsis, liberisq;
enecatis. Igitur infidum, subdolumq; ingenium, res ipsae
declarabant: obq; id maiore se custodia Albinus circum-
manierat: neq; enim temere quisq; a Seuero missus ad il-
lum introducebatur: nisi prius deposito militari gladio, si-
nuq; excusso. Postq; igitur a Seuero tabellarij ad eum per-
uenerunt: redditisq; publice literis, habere se dixerunt,
quaedam secretius renuntianda: indulgens suspicionibus
Albinus, comprehendi illico iubet: dein seorsum explo-
rata re, insidijsq; ordine intellectis, ubi noxios suppli-
cio afficit: iam ipse se, ut aduersus manifestissimum hostem
comparabat. Quibus cognitis, Seuerus homo iracundo in-
genio, non iam celandas sibi inimicitias putauit: sed
omni conuocato exercitu, huiusmodi habuit orationem.

Neq; leuitatis me quisq; ob anteacta insinulet: neq; in-
fidum, aut ingratum putet aduersus eum, quem pro ami-
co habuerim. omnia nos quidem praestitimus, etiam in par-
tem principatus, & quidem stabilissimi recepto: quod ne
germanis quidem fratribus facile quisq; indulserit: quod
enim uos mihi uni detulistis: id ego cum illo communicau-
tantis autem beneficjs nostris pessimam uidelicet gratiam
rettulit Albinus: contempta uirtute nostra, suaq; imme-
mor fidei, ardensq; inexhausta cupiditate, id uniuersum
periculose praeripiendi, cuius particeps esse citra bellum,

ac dimissionem ullam potuisset. Neq; deos reueretur, per
quos toties iuratus: neq; uestris parcat laboribus, quos tan-
ta cum gloria, uirtuteq; pro nobis pertulistis. quippe suc-
cessum uestrorum, nec ipse fructu carebat: immo autem
si fidem seruasset, maior illi portio contigisset. ut autem si
ipse author malorum sis, iniustus uideare: ita si non ul-
ciscare acceptas iniurias, ignauus. Nam cum bellum ad-
uersus Nigrum gessimus: non ita sane speciosas inimi-
ciarum causas habebamus: non enim quasi raptorem oc-
cupati a nobis principatus oderamus: sed positum eum
in medio, atq; adhuc in disceptatione uersante, pari uterq;
ambitu ad se trahebat. Verum Albinus despecto foede-
re, ac iureiurando, cum sit nostro munere adeptus, quæ
tantum legitimis liberis tribuuntur: hostis esse mauult no-
bis, quam familiaris. Vt igitur pridē beneficio affectum,
honore, gloriaq; cohonestauimus: ita nunc perfidiosum,
atq; imbellē ipsius animum coarguamus armis. neq; enim
sustinere ille exercitus poterit exiguus, atq; insularis, uires
nostras. Nam cum uos propemodum soli alacritate qua-
dam, & uirtute uestra tam multis prælijs peruiceritis:
totumq; uobis orientem subegeritis: quis dubitet, quin
nunc quoq; tantarum accessione uirium (quippe hic totus
pene Romanus exercitus) facile profligaturi paucos sitis,
ne sub uiro quidem sobrio, nedum sub forti Duce mi-
litantes? Quis enim luxuriā illius ignorat? uitamq; ho-
minis subulcorum potius gregibus, quam militum legio-
nibus congruentem? Proinde eamus audacter in illum,
qua solemus alacritate animi, atq; uirtute: dijs freti au-
thoribus ab eodem impie peieratis: simul memores ex-
citatorum sepe a nobis tropæorum, quæ scilicet ab ip-

HERODIANI HIST.

so despecta sunt. Hæc locuto Seuero, confestim exer-
 citus uniuersus Albinum hostem declarat: exceptoq;
 faustis acclamationibus ipso, nihil non alacritatis, & stu-
 dij clamoribus ostendentes, magis, magisq; hominem spe
 addita succenderunt: qui amplissimo donatiuo milites pro-
 secutus, statim uniuersos contra Albinum educit: missis
 item pariter, qui Byzantium expugnarent, clausam ad-
 huc receptis Nigri ducibus: quæ deinde urbs fame at-
 pta: totaq; planè diruta: simul theatro, therinisq;
 omniq; cultu, atq; honore detracto, & in uia formam
 redacta, Perinthiysq; adiudicata est: quemadmodum
 Antiochia quoq; Laodiceis. Tum pecunie magnam
 vim curauit ad reficiendas instaurandasq; urbes, quas
 Nigriani milites deuastauerant. Ipse iter faciebat sine
 intermissione, neq; festos dies, neq; labores ullos ma-
 gnopere curans: algoris atq; æstus iuxta patiens. sæ-
 pe etiam per altissimos montes hyeme sæua, niuibus
 celo ingruentibus, ibat aperto caespite: ut milites ad ala-
 critatem, patientiamq; laborum re ipsa cohortaretur.
 quocirca non metu quodam, ac lege, sed æmulatione ma-
 gis, atq; exemplo principis ad proferenda omnia inci-
 tabantur. Misit etiam, qui angustias occuparent alpium:
 atq; aditus Italiae obsiderent. Enimvero postq; nuntiatum
 Albino est, nihil cunctari Seuerum, sed adesse iam: su-
 pinus hætenus, ac delitias agitans, magno tum metu
 percussus, statim e' Britannia transmittens, in aduerso
 Gallie litore castris collocauit: literisq; ad uicinarum gen-
 tium præsides missis, pecunias, commeatumq; exercitibus
 inuandis corrobabat. Qui igitur dicto audientes fue-
 runt: pessime illud in se consuluerunt: nullo non sup-

placio dein post bellum affecti. qui uero imperium detre-
ctauerunt: cum quidem foelicius, quàm prudentius id
egissent: euasere incolumes: euentu, ac fortuna rerum
uiraq; consilia discernentibus. sed ubi iam in Galliã Se-
ueri copie peruenierunt: leues quædam primo pugnae,
quasiq; uelutares fuerunt: donec postremo apud Lug-
dunum magnam urbem, atq; opulentam, prælium in ma-
nibus fuit. nam cum se mœnibus tenuisset Albinus: exer-
citus emisit in pugnam. Vt uero ad manus uentum: diu
quidem utriq; decertatum est æquis uiribus: sic, ut ambi-
gua uictoriæ fortuna penderet: (neq; enim Britani, uel ani-
mi magnitudine, uel aniditate cædis Illyricis concesserint.)
ita conflictu primo ualentissimorum exercituum neutra
in partem acies inclinabat: atq; ut nonnulli prodiderunt
eius ætatis authores, qui non ad gratiam, sed ad fidem
loquuntur: longe potior fuit Albinæ acies, qua in parte
Seuerus curabat: sic, ut fugerit quoq; & ab equo decide-
rit: abiectq; paludamento delituerit. sed insequentibus
iam, uitulantibusq; Britanis, ceu planè uictoribus, appa-
ruisse extemplo Lætum Seueri ducem, cum recenti adhuc
exercitu: quippe male audiit, quasi euentum pugnae expe-
ctauerit: cunctatus de industria retento milite, ut sibi-
met imperium uindicaret: siquidem non prius in pu-
gnam protulit pedē, quàm ubi Seuerus cecidisse nunciatus:
quàm suspicionem et deinde euentus approbavit. quippe
rebus omnibus ex sententia mox compositis, atq; in maxi-
ma securitate agitans Seuerus, cū quidem cæteros belli du-
ces magnis accessset præmijs: Lætum ipsum tamen (ut par
fuit) memor proditoris, morte mulctauit. sed ista quidem
post fuere. Tunc autem conspecto (ut diximus) Læ-

HERODIANI HIST.

to, spes addita Seuerianis est: ac sublatu*s* in equu*m* Seuerus, & paludamento purpureo circumdatus. At albiniani iam se victores rati: confusis ordinibus, incitante se in eos de improviso ualida, recentiq; hostium manu, cum paulum primo resistissent: terga demum uerterunt. Fusos igitur, fugatosq; eos persecuti Seueriani, magna edita strage, ad urbem ipsam peruenerunt. occisorum utrinq; aut captiuorum numerus, uarie, prout uisum eius ætatis scriptoribus, proditur. direpta mox incensaq; Londinum: & Albino caput abscisum, perlatumq; ad Seuerum est. Ita duo maxima excita tropæa ad orientem, ac septentriones: sic, ut nihil sit, quod cum Seueri contentionibus, aut uictorijs conferas: siue copiarum multitudinem, siue nationum motus, siue numerum pugnarum, siue itinerum longitudinem, celeritatemq; consideres. Nam Cæsaris quidem aduersus Pompeium, Romano utrinq; milite, magnæ profecto fuerunt: item Augusti aduersus Antonium, aut Pompeij liberos: & quæ antea à Sylla, Marioq; civilibus, externisq; prælijs gesta sunt: sed qui unus uir tres imperatores rerum iam potitos sustulerit: qui urbanos exercitus, Romam ipsam, ac palatium obtinentes, astu circumuenerit: quiq; unum e' principibus in ipsa palatina aula curauerit occidendum: alterumq; iterum in oriente rursus gubernacula rerum tenentem, appellatumq; à Romanis imperatorem: tertium porro Cæsaris honore, atq; authoritate præditum, in potestatem redegerit: haud facile alter inuenietur. Hunc finem uitæ habuit Albinus breui sane letatus funesto honore. Cæterum Seuerus omnem statim iram, atq; atrocitatem animi sui, in illius necessarios Romæ effudit: ac primo quidem,

quidem, præmisso in urbem capite Albinus absq[ue] iussuq[ue]
 publice patibulo præfixit: in ima epistola, qua de sua vi-
 ctoria populum edocebat, hoc quoq[ue] adscripsit: ideo se ca-
 put illud publice in patibulo spectandū misisse: uti exem-
 plum caperent, quid item ipsis patiendum foret. Rebus
 igitur Britanniæ ordinatis, cum totius insulæ administra-
 tionem bisariam dispartisset: itemq[ue] omni Gallia, quem-
 admodum quidem uidebatur, composita ex sententia,
 supplicioq[ue] de Albinus amicis sumpto, siue quos ei sua quæq[ue]
 uoluntas, siue necessitas adiunxerat: continuo Romam
 proficiscitur: exercitum secum omnem adducens, quo ter-
 ribilior uideretur: confectoq[ue] magna uelocitate itinere,
 quemadmodum consueuerat: infestus adhuc superstiti-
 bus Albinus amicis, Romam intrat occurrente laureato
 populo: ac magno honore, faustusq[ue] acclamationibus ex-
 cipiente: senatq[ue] uniuerso consalutante, tametsi plerosq[ue]
 metus consternauerat: quod sibi haud quaquam parsu-
 rum rebantur immitem suapte natura, et sanguina-
 rium, neq[ue] sanè magna causa indigentem ad inferendas
 iniurias, cæterum tunc probabiles odij rationes habi-
 turum. Postea uero quàm in templum Iouis ingressus est:
 omniaq[ue] sacrificia de more peregit: reuersus in pala-
 tium, magnoq[ue] congrario populum romanum uictoriæ
 nomine profectus, ac numos militibus largitus est: si-
 mul alia permulta induxit, quæ nunquam antea acce-
 perant. Nam et fumenti summam primus adauxit:
 et aureis anulis uti, et domi habere mulierem permi-
 sit: quæ omnia procul à militari disciplina suauitatis
 eos, paratosq[ue] ad bellum minime præstura uidebantur.
 primusq[ue] ipse duritiam atq[ue] asperitatem uictus, toleran-

HERODIANI HIST.

tiamq; laborum, disciplinamq; omnem, ac ducum reuerentiam subuertit, inhiare pecunijs, & munditias colere militibus insuefactis. His ergo optime pro suo iudicio constitutis, curiam deinde ingressus, sedensq; imperatoria sella, accusare insit truculenta oratione Albini amicos: prolati etiam quorundam arcanis epistolis, quas apud illum sepositas deprehendisset: quibusdam autem exprobrans, qd eum splendidioribus muneribus affecissent: alijs, quod amici orientalibus: alijs, quod Albino fuerunt notiores: eoq; pacto eximium quenq; e' senatu tum, ut quisq; in provincijs genere, aut opibus excelleret: omnes sine discrimine supplicio afficiebat: ulciscens (ut quidem præ se ferebat) inimicos, sed re uera subigente auaritia, qua supra omnes imperatores laborauit. Nam ut animi patientia, atq; in laboribus perseverantia, simul rei militaris gloria nemini, etiam laudatissimo concesserit: ita quæstui supra quàm dici posset addictus, iniustus cædibus, atq; adeo cuiusmodi ex causa pecuniam colligebat: imperium metu magis, quàm beneuolentia retinens: quanquam popularis esse in primis uolebat, edendis omnifariam magnificentissimis spectaculis: centenjs etiam septuaginta octis bellis, quas omnibus regionibus nostris, barbarisq; conquirebat. Sed & congraria dedit uberrima: & certamen proposuit, undiq; acutis lusionibus, atq; athleticis. Vidimus item sub illo quosdam omnis generis ludos, cunctis editos theatris: simulq; supplicationes, & peruigilia ad formam Cereris initiorum. seculares hi tunc appellabantur: celebratos, ut aiunt, decursu trium spatio ætatum: siquidem urbe tota, atq; Italia præcones itabant: conuocatum omnes ad ludos, quos nec

quos nec uidissent haecenus, nec uisuri postmodo forent: ita scilicet interuallum praeteritae, futuraeque celebritatis, supra omnem esse hominum aetatem significantes. Igitur aliquandiu Romae moratus, participato filijs imperio, cum se civili tantum uictoria, contraque romanos exercitus habita, clarum haecenus intelligeret: ex qua etiam triumphum recusauerat: decreuit item barbarorum inclarescere tropaeis. quocirca praetextu uindicandi Barsemij Atrenorum regis, qui Nigri partes fouerat: exercitum in orientem eduxit: iamque in Armeniam facturus impetum, praeventus a rege Armeniorum est, mittente obsides ultro, et munera: ac suppliciter petente, ut sibi cum illo inire amicitiam, foedusque ferire liceret. quare Seuerus praecedentibus ex sententia rebus, in Armeniam perrexit ad Atrenos. sed et rex Osyhoenorum Augurus ad eundem transfugit: traditisque obsidio liberis, fidem suam autorauit, sagittariorumque uim magnam misit auxilio. Caeterum Seuerus regionem interanniam, agrumque Albenorum transgressus, etiam in Arabiam felicem excucurrit: illic enim herbae proueniunt odoratae: quae nos aromata, suffimentaque habemus. Ibi expugnatis uicis, urbibusque permultis, omnemque agrum depopulatus, in Atrenorum regionem mox ingressus, Atras circumfedit urbem scilicet altissimo impositam monti: ac maximis, ualidissimisque obseptam moenibus: florentemque ingenti sagittariorum copia. Igitur hanc urbem seuerianus exercitus quanta maxima ui poterat, oppugnabat: machinaeque omnisariam moenibus admovebantur, nullo oppugnationis genere praetermisso. Contra autem Atreni audacter urbem

HERODIANI HIST.

defensare: sagittasq; , ac lapides superne iacentes, pessime accipere seuerianos: etiamq; uasa fictilia uolucris quibusdam, uenenatisq; bestiolis oppleta deuolucere: quæ cum aut oculis inuolitarent: aut in apertas corporis partes sensim obreperent: grauiter singulos consauciabant. incideratq; in morbos romanus miles, æstum illum cœli nimio sole præferuidi parum ferens: sic, ut longe plures ob hos casus, quàm hostili manu interierint. Proinde fatigatis iam, & contusis omnibus, procedente secus obsidione, ac plus iacturæ, quàm lucri Romano faciente: decreuit exercitum seuerus prius q̃ uniuersus perierat, deportare ex eis locis, tristem uidelicet infecto negotio. quippe assuetus uincere prælijs omnibus, uictum se tunc putabat, quia non uicerat. Sed eum prospera fors, & fauatrix, statim consolatur: neq; enim planè rebus infectis redijt: sed maiore quàm sperauerat successu. Nam impositus nauibus permultis exercitus uniuersus, nequaquam scilicet quo intenderat, Romanæ appulsus ripæ: sed undarum impetu, Parthorum ad agrum prouectus, haud procul Ctesiphonte, qua in urbe sedes regis est. Is tunc pacem agitans, ac nihil ad se pertinere seueri pugnas autumans, quas gereret cum Atrenis: ociosus uidelicet nihil expectabat mali. Cæterum seueri exercitus, cum ad eas ripas ui fluminis inuectus, moxq; in terram esset expositus: omnem illico depopulari agrum cœpit: abactisq; ut in quæq; inciderant, pecoribus ad uestendum, uicisq; aliquot incensis, paulatim usq; ad Ctesiphontem perrexerunt: qua in ciuitate magnus rex Artabanus commorabatur. Igitur imparatos nocti barbaros, cæsis primo quicunq; restitissent: direptaq; mox urbe, pueris foeminisq; in captiuitatem

in captiuitatem abductis, tantum ipso rege cum paucis equi-
tibus elapso, thesauris illius, ornatuq; omni, & supellecti-
le potiti, uictores regrediuntur. ita Seuerus fortuna magis,
quam consilio parthicam uictoriam adeptus est. Igitur
prosperis succedentibus rebus, literas ad senatum Popu. q;
Ro. de se magnificas dedit: ac depictas in tabulis pugnas,
uictoriasq; suas exposuit: nihil non honorum decernente
senatu, & super his cognomina imponente deuictarum
gentium. Ipse interea rebus ad orientem sic gestis, Romam
reuertebatur: filios iam puberes secum adducens: conse-
ctoq; itinere, ac prouincijs, ut cuiq; usus foret, ordinatis,
Myſorumq; & Pannoniorum recognitis exercitibus, ur-
bem dein triumphans inuectus est: multis acclamationi-
bus, omniq; caerimonia populo exipiente. Cui quidem
ipse festos dies, sacrificiaq;, & spectacula, ac cele-
britates indulsit: magnuq; dato congrario, & ludos pro
uictoria celebrauit. Romae deinde haud paucos moratus
annos, ius dicebat: frequenter ciuilibus negotijs, & liberis
erudiendis intentus. At illi iam tum adoleſcentes, delitijs,
uictuq; urbano, nimioq; spectaculorum, aurigationisq;,
& saltationis studio bonam indolē corruperant: interq;
se fratres dissidebant: puerili primum certamine, eden-
dis cothurnicum pugnis, gallinaeorumq; conflictibus, ac
puerorum colluctationibus exorta discordia. Nam seu qd
in scena audirent, siue item spectarent: semper utiq; di-
uersis accedebant: nusquam eisdem studente utroq;, sed
quod alteri carum foret, id alteri statim odiosum: com-
mutantibus etiam utrinq; ipsos adulatoribus, atq; mini-
stris: nihilq; non ad gratiam suggerentibus, ut ad se
quisq; pro uirili diuersos retraherent. His cognitis Seuerus

HERODIANI HIST.

reducere in gratiam, atq; emendare conabatur. tum Bassiano, qui tunc honores imperatitios adeptus, Severus Antoninus accepto Marci cognomine uocabatur: ac maior natu erat: uxorem dedit, filiam Plautiani præfecti cohortibus urbanis. hic (ut perhibent) Plautianus ab initio ætatis tenui fortuna fuit: seditionisq; et aliorum criminum reus, ac multatus exilio: sed erat Seueri miniceps, æfer natione, atq; (ut quidam putant) etiam consanguinitate propinquus: ut uero alij affirmant: flore magis ætatis per sumprum conciliatus. Hunc autem Seuerus ex parua, humiliq; fortuna, ad opes maximas prouexerat: ac damnatorum bonis adiudicatis, longe supra cæteros collocupletauerat: tantum non imperio quoq; participato. quis ille opibus, licentiq; abutens, nihil crudelitatis, aut uolentia, ut quidq; ageret, omittebat: cunctis etiam atrocior omnium ætatum principibus. ergo huius filiam Seuerus uxorem filio suo tradidit. Enimvero Antoninus ipse parum lætus eo matrimonio, ac necessitate, quàm uoluntate impulsus, puellam ipsam pariter, et puellæ parentem pessime oderat: sic, ut ne thorum quidem, larumq; cum ea communem pateretur: adeoq; aduersabatur: ut minaretur quotidie occisurum ipsam, patremq; simulatq; imperium solus obtinisset. Quod cum illa identidem ad patrem referret simulq; quâto pere foret inuisa patefecisset: magnopere hominem irritauit. Igitur Plautianus senem iam Seuerum ipsum cernens, ac morbo sæpe laborantem: contra uero Antoninum ferocem in primis, audacemq; inuenem: pauidus ob illius minas, decreuit facinus inuadere aliquod, priusq; ipse opprimeretur. Suberāt præterea multa, quæ hominem ad imperij cupiditatem inflammarent:

Flammarenō: opes q̄tas nemo antea priuatus possederat: militum præterea obediētiā: Et apud omnes romanæ di-
 tionis homines maximi honores: ad hæc habitus, quo in pu-
 blicum prodibat: siquē latum clauum perpetuo habebat: atq; in
 secundis cōsularibus numerabatur: ense præterea
 gestabat: ceteraq; omnia supremæ dignitatis insignia: adeo
 quacunq; incederet, trux, atq; horribilis: ut non modo non
 adiretur a quoq; sed etiā qui fortuito occurrerant, ab eo
 uerterent oculos. Quin anteambulones aliquot quacunq;
 iter faceret, denuntiabant: ne quis in proximo consistere,
 neue illū contueri auderet: sed auerterent uniuersi oculos,
 terramq; despectarent. Quæ cum cognouisset Seuerus, ne
 ipse quidem prorsus æqui boni facere, sed molestus iam,
 grauiusq; ferre: sic, ut nō nihil etiā de illius auctoritate de-
 traheret: ac persuadere homini conaretur, aliquid iam ē
 tanta illa insolentia immuneret. Quorū impatiens Plau-
 tianus, nō dubitauit imperiū ipsum appetere insidijs. quo-
 circa talia quēdā machinatur. Saturninus erat quidā tri-
 bunus, qui Plautianū in primis obseruabat: Et cū faceret
 idem oēs: minus tamen ille maiore quadā uenerationis spe-
 cie, magis, magisq; homini obrepserat. hūc sibi igitur fidis-
 simum fore putans, ac solū deniq; cōmissa tacite habiturū,
 Et imperata facturū: uocari ad se sub uestperā iubet: re-
 motisq; arbitris, Nūc illud inquit est, cū summam impo-
 nere manum debeas amorī, obseruantiaq; tuæ, cuius mihi
 hactenus dedisti specimē: cumq; ego remunerare te pro me-
 ritis, ac debitam referre gratiā possim. Datur optio tibi,
 uelis ne ille ipse euadere, quem me nunc esse cernis,
 atq; huic tantæ potentia succedere: an perire statim,
 dato contumacis animi supplicio. Neq; tu, uel ma-

HERODIANI HIST.

gnitudinem rei pertimueris: uel nomina imperatorum ex-
paueris: intrare tibi in cubiculum, ubi somnum capiunt
soli nempe licet: redeunte uice nocturnæ custodie, clam,
nulloq; prohibente, facile quod uolueris transiges. Nihil est
autem quod hic meum iam expectes imperium: ab imo
in aulam principum, quasi aliqua à me mandata habeas
arcana, & grauia: atq; ut uirum fortem decet: senem
unum, ac puerum intra suum utrunq; cubiculum obrun-
ca. nam cum in partem ueneris periculi: etiam re conse-
cta, in partem maximi honoris succedes. Hæc dicta, ut
animum tribuni perterruerunt, ita minime consilium ex-
cusserunt: sed ut homo neutiquam mente captus, (erat eni
genere syrus, ac sunt ferme ad orientem mortales acer-
rimis ingenijs:) cognito furore, ac uerordia, quantumq; ei
liceret minime ignarus, haudquaquam ausus detrectare: ne
scilicet continuo daret poenas: cum se optata, ac lubentia
simularet audire, prius adorato illo, tanquam imperato-
re, iam libellum petebat demandatæ sibi cædis. Quippe
mos tyrannis, cum aliquem indemnatum occidi iubent:
per literas potissimum iniungere, ne dein cædis imperatæ
nullum relinquatur argumentum. hic Plautianus cæcitæ
ninja cupiditate, dat libellum tribuno: atq; ad cædem
mittens, admonet diligenter, ut interfecto utroq; principe,
priusq; diuulgetur facinus, se iubeat acciri: quo ante in
palatio conspiciatur, quàm occupatum imperium quisq;
audiat. Sub hac pactione tribunus digreditur: ac de-
more totam libere domum principis peruadit: cognitoq;
quam difficile factu foret, duos ab uno homine principes,
& quidem diuersis habitantes cubiculis obrunari: adit
ad Seuerum: & cum ianitoribus agit, ut se ad principem
intromittant:

intromittant: afferre se, quæ ad illius salutem ptineant.
Illi hæc Seuero renuntiant: qui tribunum continuo iubet
acari: ingressus, uenio inquit, tibi o' domine, ut sanè putat
is, a quo sum missus: ad cædem tui, carnificinamq;: ut ego
met opto, ac uolo, beneficij author tibi, & salutis. Plautia-
nus imperium captans insidijs, cædem mihi tuam, filijq;
tui mandauit: neq; uerbis modo, sed & literis: testimonio
est hic libellus. Equidem ego recepi facturum, quæ impe-
raret: ne alter scilicet me detrectante, negotium suscipe-
ret: uerum ad indicandam rem tibi sum præsto, ne igna-
rum illius opprimat audacia. Dicenti hæc tribuno, atq;
ubertim lachrymanti, non continuo tamen fidem Seue-
rus habebat: quippe adhuc in pectore multum ex Plau-
tiani amatorio insederat: quin esse id totum negotium cõ-
positum, ac fabulosum suspectabat: ratus filium suũ Plau-
tiano infestum, natamq; eius perosum, commentũ esse te-
chnam huiusmodi, ac mortiferã calumniam. Quare ac-
citum ad se grauius increpare institit: q; in hoĩem ami-
cum, atq; domesticum talia machinaretur. Antoninus autẽ
primo quidem deierabat ignarum se totius negotij: dein
instanti tribuno, & libellum ostendenti, animum, auda-
ciamq; addebat ad crimen coarguendum. sed ille cognito,
quã magnum in discrimen uenerat: tum præterea haud
ignarus, quã acceptus Seuero Plautianus foret: neq; non
etiam intelligens, si latuissent insidiæ, parumq; indicium
probaretur, exquisitissimum sibi impendere supplicium:
& quodnam inquit, o' Domini argumentum amplius,
quod ne apertius queritis indicium? sinite egrediar regia,
perq; aliquem fidum mihi hominem significem Plautia-
no, facta esse iam quæ imperauerat: aderit ille statim re

HERODIANI HIST.

eredita: uacuam scilicet regiam occupaturus: ibi uestri munere
 ris fuerit, re totam deprehendere. iubete modo in ædibus
 quietem agitari, ne præcognita res omne consiliū subuer=
 tat. Hæc locutus, fidissimum sibi hominem deligit, qui Plau=
 tianum suis hortetur uerbis: acceleret, atq; adsit quam pri=
 mum, dum interq; princeps iacet: oportere anteq; res populo
 innotescat, intus esse eū: ut scilicet occupata arce, constabili=
 toq; imperio, uelint, nolint, uniuersi, non scilicet prinapa=
 tum aduēti, sed iam planē principi obediānt. His cre=
 ditis, Plautianus (erat autem iam dici uesper) magnam in=
 spem sublatus, lorica induitur sub uestem, tuendi corporis
 gratia: simul consensu uehiculo properat in regiam pau=
 cis, modo qui aderant, deducētib;: ratisq; eum magnis
 de rebus ab imperatoribus acciri. Vt autem in aulā nul=
 lo prohibente ingressus est: ignaris, quæ agitarentur custo=
 dib; occurrens tribunus, cōposito dolo salutat imperato=
 rem: dein manu prehensum deducit intra cubiculum, ubi
 proiecta esse imperatorum cadauera mentiebatur. iamq;
 aliquot e corporis sui custodibus Seuerus cōparauerat,
 qui statim ingresso manus iniicerent: at Plautianus, cum
 longe alias animo spes agitare: ut ingressus cubiculum
 est: cernens utrumq; illic stantem principem, comprehen=
 sumq; se teneri sentiens, re tanta perterritus, rogare, sup=
 plicare, falsa illa omnia commentum id in se, fabulamq;
 excogitatam. Igitur exprobrante hinc Seuerō beneficia,
 et honores, illinc Plautiano fidei beneuolentiæq; suæ ue=
 teris testimonia repetente, paulatim labascere Seuerus,
 atq; adduci Plautiani uerbis, donec pars loricae per scis=
 sum uestimenti apparuit. Quæ Antoninus animaduersa,
 audax iuuenis, et iracundus, ac iam antea hominē infe=

finis: a
 pecto:
 anis: de
 commi:
 bet: rito:
 gladiis o
 cantati:
 hominen
 brium:
 haustæ:
 fectis m
 arum
 civilib;
 me s
 eos, s
 quam
 certum
 m inu
 conueni
 men A
 Plautia
 bus: tu
 xime ar
 At Seue
 legunt:
 uiam a
 lios A
 uerit:
 reuon
 dem uo

fuis: atqui inquit, ad hæc certe duo quid respondeas ex-
 pecto. Venisti ad imperatores sub uesteram minime ac-
 citus: dein quid sibi, rogo, hæc lorica uult? Quis ad coenā
 commessionem uel armatus accedit? Simul hæc dicens, iu-
 bet tribunum, ceterosq; qui aderant: illico cum strictis
 gladijs obtruncare, ut hostem manifestarium. Nihil illi
 cunctati, iussa faciunt iuuenis imperatoris: occiduntq;
 hominem: Et caduer in uiam proiciunt ad uulgi ludi-
 brium. hunc finem habuit parem uitæ Plautianus, inex-
 haustæ homo cupiditatis. Cæterum Seuerus duobus præ-
 fectis militaribus constitutis, plurimum in suburbanis, aut
 circummaritimas Cæpaniæ oras agitabat: ius dicens, Et
 civilibus negotijs intentus: cupienq; in primis, uti Ro-
 mæ sui liberi bonis moribus instituerentur: nam ludis
 eos, spectaculisq; uehementius studere animaduertat,
 quàm principibus conueniebat. Quo fieret, uti studio
 certaminēq; semper in diuersum tendente, etiam ani-
 mi inueniunt distraherentur: quibusdam quasi admotis
 contentionum, atq; inimicitiarum facibus. Maxime ta-
 men Antoninus intolerandus, sublato iam e medio
 Plautiano, terribilisq; Et formidolosus erat omni-
 bus: tum illius natæ, coniugi scilicet suæ, quibus ma-
 xime artibus, aut machinis poterat exitum intendebat.
 At Seuerus ipsam pariter cum filiolo, quē pepererat, re-
 legauit in Sialiam: datis opibus, quantæ ad uictum, atq;
 usum abudē sufficerent: imitatus in hoc Augustum, qui fi-
 lios Antonij, posteaq; hostis iudicatus est: codē modo tracta-
 uerit. Ipse ad pacem, concordiamq; reuocare liberos, Et
 reconciliare utrunq; alteri conabatur: admonens identi-
 dem ueterum fabularū, in quibus pleræq; regum calami-

HERODIANI HIST.

tates fraternis ortæ seditionibus memorantur. Huc addebat thesauros, templaq; pecunijs plena esse: diuitias foris ex uestigalibus accedere: posse in tanta opulencia militem largitione teneri: auctas in quadruplum copias urbanas: tantum sedere exercitum ante urbem, ut nulla externa uis, seu multitudinem ipsam militum, seu corporum magnitudinem, seu pecunie abundantiam spectes: par inueniri tantis opibus possit. sed ea in nihilum recasura, ipsis inter se discordantibus, atq; intestinum agitantibus bellum. Hæc ille quotidie edisserens, precesq; castigationibus admiscens, reprimere illorum spiritus, ac reducere germanos in gratiam studebat: cæterum omnia frustra erant. Quippe frenos ore depulerant, proni semper in peius: atq; illos adolescentes adhuc, in ipso ætatis feruore, atq; in summa licentia uoluptatum omnium irritamentis incitatos, etiam adulatorum ministeria diuersos trahebant: scilicet qui nō modo illorum obsequerentur cupidinibus, atq; flagitijs: sed noua semper aliqua excogitarent, unde alteri gratum fieret, alter offenderetur: quorum etiam nonnullos seuerus ipse in huiusmodi ministerijs deprehensos supplicio affecit. Hanc liberorum suorum uitam, & indecora in spectaculis studia ferens grauitè senex imperator, literas a' Britanniæ præfecto accepit, quæ docebant barbaros illic seditiones agitare: regionemq; omnem incursionibus, ac depopulationibus uastare: quare maiore manu ad resistendum, uel etiā principis ipsius præsentia opus esse. Lætus ea Seuerus accepit: quippe homo suapte natura gloriæ appetentior, post uictorias ad orientem septentrio-nemq; & cognomina utrinq; parita, etiā tropæa contra Britanos excitare aliqua cupiebat. Ad hæc filios quoq;

abduc
stris m
pedition
ticulari
ing uel
uolubat
freg om
niam ing
statis ut
penitio
se comp
purgat
etens, p
etorie
domin
tia com
bus oia
in solida
tibus oia
ludes bar
ac plera
uesus us
incognit
existima
notare
anomal
ctur an
ma ger
raq; a
penden

abducere ex urbe: ut procul à munditijs urbanis, in ca-
stris militari uita, ac sobria iuuenes insuescerent. Ita ex-
peditionem in Britanniam edicit senex, iam & morbo ar-
ticulari laboras: tanta autem animi uirtute, quanta nemo
unq̃ uel iuuenium. Igitur iter ingressus, lectica plurimum
uehebatur: nulloq̃ cessabat loco. quare confecto itinere,
speq̃ omni, ac sermone celerius enauigato oceano, Brita-
niam ingressus est: collectisq̃ militibus, ac maximis con-
flatis uiribus bellum comparabat. Cæterum Britanni re-
pentino principis aduentu perculsi, auditoq̃: tantas contra
se comparari copias: legatos ad eum de pace, ac seipsos ex-
purgatum miserunt. At Seuerus moras de industria ne-
ctens, ne uacuo sibi Romam redeundum foret, cupidus ui-
ctoriæ, cognominisq̃ britanici, legatos quidem re infecta
domum dimittit: ipse quæ bello usui forent, magna soler-
tia comparabat: sed in primis tamen curæ habuit, ponti-
bus occupare paludes: ut stare in tuto milites possent, atq̃
in solido præliari: siquidē Britaniæ pleraq̃ loca frequen-
tibus oceani alluionibus paludescunt. Per eas igitur pa-
ludes barbari ipsi natant: excursumq̃ ad ilia usq̃ demersi:
ac pleraq̃ corporis nudi, cænum contemnunt: neq̃ enim
uestis usum cognorunt: sed uentrem, atq̃ ceruicem ferro
inangunt: ornamentum id esse, ac diuitiarum argumentum
existimantes, perinde ut aurum cæteri barbari. quin ipsa
notant corpora pictura uaria, & omnisfarum formis
animalium: quocirca ne induuntur quidem, uidelicet pi-
cturam corporis ne adoperiant. Sunt autem bellicosissi-
ma gens, atq̃ auidissima cædis: tantum scuto angusto, lan-
ceaq̃ contenti: præterea gladio nudis corporibus de-
pendente: lorice, ac galeæ penitus ignorant usum: im-

HERODIANI HIST.

pedimentum id esse transgrediendis paludibus arbitran-
tes: quarum uaporibus, æstuq; cœlum ibi semper cali-
ginosum. Ad hæc Seuerus nihil non comparabat, quod
usui romano militi, quod detrimento barbaris, impedi-
mentoq; foret. Vbi uero satis ex sententia prompta sibi
esse, ac parata omnia intellexit: iuniorem filium, Getam
nomine in parte insulæ Romanis subiecta reliquit, ut in-
ridicundo, rebusq; civilibus administrandis præesset: eiq;
consiliarios ex amicis natu grandibus reliquit, Antonino
secum aduersus barbaros educto. Transgresso igitur ro-
mano exercitu amnes, aggeresq; eos, qui obiecti barbaris
Romanorum fines determinant: pugnae quædam tumul-
tuariae fiebant, & excursiones uictore ubiq; Romano. Cæ-
terum facilis erat ex fuga receptus barbaris: quippe inter
sylvas, ac paludes, & loca ipsis notissima deitescantibus:
quæ omnia Romanis aduersa, moram bello addebant. In-
terea Seuerum iam confectum senio longior inuasit mor-
bus: sic, ut ipse domi residere, atq; Antoninum mittere in
bellum, ad imperatoris obeunda munia cogeretur. Cete-
rum Antoninus haud magnopere de barbaris sollicitus,
exercitum sibi adiungere, & confirmare uniuersos tende-
bat, uti se unum intuerentur: soli sibi imperium uindi-
cans, ac germano identidem obtrectans. Quin longior
quoq; patris uoletudo, ac mortis mora diuturnior, an-
xium uidelicet adolescentem habebant: sic, ut medicis, mi-
nistrisq; subinde conaretur persuadere, senem ut e me-
dio quamprimum quoquo modo tollerent: donec tandem
Seuerus moerore magis, quam morbo consumptus, uitaq;
defunctus est, clarissimus omnium imperatorum bellicis
operibus. Neq; enim aut civiles quisquam aduersus inimi-

cos, aut externas aduersus barbaros totidem alius uictoria-
rias reportauit: annisq; duodeuiginti gesto imperio de-
cessit: successoribus liberis, tanta pecuniæ relictæ copia,
quantam antea nemo: tum ampliore exercitu, quàm cui
obsistere ulla uis posset. Igitur Antoninus mortuo Seuerio
summam potestatem nactus, confestim uniuersos ab ipso
(quod aiunt) lare interficere cœpit. nam & medicos
supplicio affectit, q; sibi parum obtemperauerant, in-
benti senis maturare necem: nutritiosq; suos iuxta,
& fratris, q; de reconciliandis egressent: ne uno quidem
reliquo suæ crudelitati facto ex eo ordine hominum, qui
in honore aliquo fuerant, quiq; ipsius parentem observa-
uerant. Duces porro exercitus magnis muneribus, ac pro-
missis adhortabatur, persuaderent militibus uti se unum
imperatorem declararent: nullasq; non machinas ad-
uersus germanum intendebat. neq; id tantum persuadere
militibus potuit: quippe memores, utrunq; a Seuerio iam
inde a pueritia pari honore, cultuq; educatum: etiam ipsi
parem utrinq; obedientiã, beneuolentiãq; exhibebant.
Igitur Antoninus cognito parum sibi rem aduersus exerci-
tum procedere, icto cum barbaris fœdere, datãq; pace, &
obsidibus acceptis decedens illinc, ad matrem iam, germa-
numq; festinat: congressos reducere in gratiã mater cona-
ta, adnitentibus honestissimis quibusq; Seueri amicis, &
consiliarijs. Igitur Antoninus, cū nemo. non eius libidini
refragaretur: ui potius q; uolūtate ad concordie, amorisq;
simulationem adducitur. Ita ambo pari honore imperiũ
gerentes, soluerunt ex Britania, Romamq; cū patris reli-
quijs contendebant. nã corpusculo ignibus tradito, cinerem
ipsum cū odoribus in uasculũ alabastrum coniectũ Romam

HERODIANI HIST.

referebant: ut uidelicet in sacris principum monimen-
tis componeretur. Ipsi exercitum deportantes, uictoresq;
iam Britanniae, in aduersam Galliam emenso oceano per-
uenerunt. Quo igitur pacto, & diem suum obierit Se-
uerus, & liberi eius imperium susceperint: in hoc uo-
lumine demonstratum est.

HERODIANI A' MARCI PRINCIPATV HI- STORIAE LIBER QVARTVS.

Es gestas Seueri principis per annos
duodeuiginti superiore libro sumus
persecuti. porro autem ipsius liberi
adolescentes iam, una cum matre Ro-
mam festinabant: seditiones etiam
tum in itinere agitantes. quippe di-
uersorij, mensaq; nunquam eisdem utebantur: multumq;
suspicionis in cibo omni, potuq;, ne alteruter ante capto
tempore, ipse clam, aut per ministeria ueneno rem gere-
ret. ob eamq; causam etiam iter properantius faciebant:
tutius rati uicturos, ubi iam in urbem peruenissent: di-
uisaq; inter se regia, amplis, ac spatiosis aedibus, maio-
ribus etiam reliqua urbe, pro suo uterq; arbitrio sepa-
ratim agitarent. Postquam uero in urbem peruentum:
populus eos uniuersus laureatus excepit: & senatus con-
salutauit. Praebant igitur principes ipsi cum purpura im-
peratoria: post sequebantur consules: urnam cum Se-
ueri

ueri reliquijs gestantes: qui autem nouos imperatores con-
salutauerant, progressi deinde, urnam quoq; ipsam sup-
plices adorabant. Ita comitati magna pompa, composue-
runt ipsum in templo, ubi Marci, ac superiorum princi-
pum sacra uisuntur monumenta. Re igitur diuina, caerimo-
nijsq; de more concelebratis, uterq; in regiam discedunt:
partiti inter se domum, ianuisq; secretioribus obstructis,
publicis tantum, atq; atriensibus promiscue utentes. Quin
et custodes corporis separatim sibi delegerunt: uix un-
quam congregientes, nisi pauxillum duntaxat, ut in pu-
blico a multitudine ipsa conspicerentur. Sed in primis ta-
men iusta parenti persoluerunt. mos est enim Romanis con-
secrare imperatores, qui superstitis filijs, uel successo-
ribus moriuntur: quiq; eo sunt honore affecti, relati di-
cuntur inter diuos. Est autem tota urbe quasi luctus qui-
dam, festæ celebritati promiscuus: quippe functum uitæ
corpus, ritu hominum sumptuoso funere sepeliunt: sed
certam imaginem defuncto quàm simillimam fingunt:
eamq; in regie uestibulo proponunt supra eburneum le-
ctum maximum, atq; sublimem, uestibus instratum au-
reis: et quidem imago illa ad egroti speciem pallida re-
cumbit. Circa lectum uero utrinq; magnam partem diei
sedent: a læua quidem senatus omnis uestibus atris ami-
ctus, a dextra uero matrone, quas uirorum, aut paren-
tum dignitas honestat: harumq; nulla, uel aurum gestans,
uel ornata monilibus conspicitur: sed uestibus albis exili-
bus indutæ, mœrentium speciem præbent. Hæc ita per
septem dies continuos faciunt, medicis ad lectum quotidie
accidentibus, inspectumq; uelut ægrum, deterius se ha-
bere subinde pronuntiantibus: dein ubi iam uisus obijisse

HERODIANI HIST.

diem: lectum humeris attollunt equestris, senatorijq; ordinis nobilissimi, ac lectissimi iuvenes: perq; uiam sacra in uetus forum deferunt: ubi magistratus romani depocere imperium consueverant. Vtrinque autem gradus quidam sunt ad scalarum similitudinem extructi: in quibus altera ex parte puerorum chorus est e nobilissimis atq; patricijs: altera foeminarum illustrium hymnos in defunctum, paenasq; canentium uerendo, ac lamentabili carmine emodulatos. quibus peractis tollunt iterum lectum, atq; extra urbem perferunt in Martii campum, ubi qualatissime campus patet suggestus quidam specie quadrangula, lateribus aequis assurgit: nulla praeter, quam lignorum ingentium materia compactus in tabernaculi formam. Id quidem interius totum est aridis fomitibus oppletum: extra autem intextis auro stragulis, atq; eboreis signis, uarijsq; picturis exornatum. infra uero alterum minusculum quidem positum est: sed forma et ornatu persimile, portis, ianuisq; patentibus: tertiumq; item, et quartum semper superiore contractius: ac deinceps alia, donec ad extremum, quod est omnium breuissimum perueniatur. Possis eius aedificij formam comparare turribus his, quae portibus imminentes, noctu igne praelato, naues in tutas stationes dirigunt: Pharos uulgo appellant. Igitur lecto in secundum tabernaculum sublato, aromata et suffimenta omnis generis, fructus, herbasq; , succosq; omnes odoratos conquirunt, atq; acernatim effundunt. Quippe neq; gens est, neq; ciuitas, neq; qui honore ullo, aut dignitate praecellat: quin certatim pro se quisq; suprema illa munera principis honori deferant. Vbi uero ingens aromatum aceruus aggestus est: ac locus omnis expletus: tum

circa

circa edificium illud adequitant: uniuersis equestris ordi-
nis certa quadam lege, ac recursu, motuq; pyrrhichio, nu-
meroq; in orbem decurrentibus. Currus item circūagun-
tur in seſſi purpuratis rectoribus, qui personas ferant. Du-
cum omniū romanorum, principumq; illustrium. Quæ
ubi celebrata sunt: facem capit imperij successor, eamq;
tabernaculo admouet: tum cæteri omnes undiq; ignem
subijciunt: cunctaq; illico fomitibus illis aridis, odoramen-
tisq; referta, igni ualido corripuntur. Mox ab extre-
mo, minimoq; tabernaculo, tanquam e' fastigio quo-
dam simul cum subiecto igni aquila dimittitur, quæ in
cælum creditur ipsam principis animam deferre: ac iam
ex illo una cum cæteris numinibus imperator colitur. Ita
consecrato parente, reuerſi domum iuuenes, discordias
quotidie, & similitates exercere: insidiari inter se: moliri:
parare omnibus modis, atq; ea modo uterq; in animo ha-
bere, quibus alter dolo caperetur: postremo quacunq; uia
graffari ad singulare imperium: ac nihil inuicem præter-
mittere, dum consortē potestatis expungerent. Sed & men-
tes, animiq; omnium urbanorū, quicunq; honore aliquo,
aut dignitate præstarent: diuersi trahabantur: utroq; seor-
sum literas clanculum missitante, magnisq; pollicitationi-
bus sibi homines adiungente. Maior tandē pars ad Getam
spectabat: q̃ opinionem nonnullam ostenderet probitatis:
moderatūq; se, & lenem in congressibus præstaret: stu-
dia porro tractabat honestissima. Quippe & discipli-
narum laude celebres circa se frequentes habebat: & in
palæstra, ac reliquis ingenuis exercitationibus uersaba-
tur: placidus præterea in omnes, atq; humanus: fama &
gloria quadam optima, plurimos ad amicitia beneuolen-

HERODIANI HIST.

tiamq; alliciebat. Contra uero Antoninus cuncta asperius
ferociusq; gerebat: atq; ab his rebus, quas supra diximus,
alienus, militaris uitæ, ac bellicæ uideri amator affecta-
bat: nihilq; non iracunde faciens, munitando, quàm sua-
dendo, metu, quàm beneuolentia sibi amicitias quærebat.
Sed cum diu frustra mater discordantes inter se germa-
nos redigere in gratiam studeret: uisum aliquando ambo-
bus est, imperiū inter se diuidere: ne Romæ agitantes, al-
ter alterius essent insidijs opportuni. Quare conuocatis pa-
ternis amicis, coram ipsa matre de imperio diuidendo di-
sceptabant: sic, ut Europa omnis Antonino, tellus autem ad-
uersa, quæ omnis Asia nūcupatur: Getæ adiudicaretur: ita
enim diuina quadā prouidentia utranq; continentem pro-
pontidos incurſu determinari. Placebat autem ut Antoni-
nus castra ad Bizantiū haberet: Getæ uero in Calchedone
Bithyniæ urbe: quæ scilicet opposita inter se, utriusq; im-
perium tuerentur, atq; a transmittendo prohiberent: tum ut
e senatorio ordine quotcunq; ex Europa forent, in urbe
ipsa remanerent: reliqui Getam sequerentur. Sedes impe-
rii sui Getæ destinabat Antiochiā, uel Alexandriam urbes
magnitudine haud longe infra Romam. Tum ex gentibus
ad meridiē habentibus Mauros, Numidasq; Antonino con-
cedens, reliquos ad orientem usq; Getæ sibi asciscibat. Hæc
dum illi agitarent: reliquis omnibus mæsto uultu terram
intuentibus, ita Iulia mater locuta est. Terram quidē
mare o' filij iam inuenistis, quo pacto diuidatis: & conti-
nentem utranq; ut dicitis pontici discriminant fluctus: ma-
trem uero quonam modo diuidetis? quonam modo infelix
ego distribuar inter utrunq; uestrum, aut disseabor? Me
primam igitur occidite: dimidiamq; uterq; apud se partem
sepeliat,



sepeliat, ut ego quoq; inter uos cum mari, terraq; ipsa di-
uidar. Hæc locuta multis cum lachrymis, eiulatuq; manus
ambobus iniiciens, complexa utrunq; reconciliare inter se
conabatur. quare cohorta miseratione, cuncti discessere
improbato consilio: ipsiq; in ædes suas reuersi. Sed glisce-
bat in dies odium atq; discordiæ. nam siue duces, ac ma-
gisiratus aliqui eligerentur: uterq; amico suo potissimum
suffragabatur: siue ius dicerent, semper diuersa sentiebāt:
magno illorum periculo, cū res agebatur. pluris enim
studium suum, quā ius, aut æquum faciebant. etiā in
ludis ipsis diuersarum semper factionum: nihil præterea
insidiarum omittebant: coquos identidē, & pincernas co-
nati ad ueneficia impellere. Quæ ubi tardius procede-
bant: q̄ scilicet uterq; magna diligentia, curaq; cibum ca-
pessent: postremo impatiens Antoninus, atq; imperij to-
tius cupidine instigatus, deliberat magnum aliquid, uel fa-
cere, uel pati: ferrumq; & cædem molitur. & quando
secus non processerant latentes insidiæ: necessarium puta-
bat, periculo omni, ac spe posthabita, quouis modo ince-
ptum patrare. Quare irrupto fratris cubiculo, nihil eum
tale expectantem supra matris pectus multo undantem
sanguine sæuus obtruncat: quo facto, exilit statim: ac per
totam regiam currens, clamat magnum se periculū ef-
fugisse, uixq; euasisse incolumem: simul imperat militibus
regiæ custodibus, raperent illico se, atq; in castra dedu-
cerent, ubi tutius asseruetur: perituum dictitans, si diu-
tius in ædibus moram trahat. Illi pro ueris ea dicta ac-
cipientes, simul ignari quæ intus gesta: currentem eum,
currentes & ipsi comitantur. fit ingens populi tumult-
us, raptim agente se sub uesperam principe mediam

HERODIANI HIST.

per urbem. Vt autem castra attigit: aediculamq; eam, intra quam signa, ac simulachra exercitus adorantur: proci dens humi gratias agebat, uotis quasi pro salute susceptis. Ea re militibus nunciata, partim iam lauantibus, partim requiescentibus, statim illuc omnes exterriti feruntur. ille progressus in medium, non quidem continuo rem ipsam, prout erat gesta, fatebatur: sed effugisse periculum clamabat, insidiasq; inimici hominis, atq; hostis: (nam ita fratrem appellabat:) uixq; tandem post longum certamen aduersarios superatos. quippe uirisq; periclitantibus, se postremo unicum imperatorem fortunæ relictum dono. Talia quædam obliquans, atq; inuoluens, intelligi quæ fecisset, quàm audiri malebat. Tum pro salute, imperioq; suo singulis militibus atticarum drachmarum duo milia supra quingentos pollicetur: prætereaq; annonæ supra quàm sucti accipere, dimidium: iubet item iam tum ex templis, thesaurisq; sibi ipsos pecuniam sumere largiter: effusis uno die, quæcunq; per duodeuiginti annos Senerus collegerat, atq; recondiderat alienis calamitatibus. At milites tanta pecuniæ magnitudine illecti, totoq; iâ negotio intellecto, uulgata passim cæde per eos, qui ædibus effugerant: unum illum declarant imperatorem, Geta hoste appellato. Igitur ea nocte moratus in templo Antoninus, ac fretus largitionibus, quibus sibi milites adiunxerat: contendit postridie in senatum, toto stipante exercitu, sed armis instructiore, quàm consuevit principem deducere. Ingressus deinde, ubi rem diuinam fecit: conscendit sellam imperatariam, atq; ad hunc modum uerba facit. Non me quidem fugit, omnem domesticorum cædem, statim atq; auribus inciderit, odiosam uideri: nomenq;

nomenq; ipsum ut primum audiatur, asferre grauem calum-
 niam: quippe infœlices misericordia, potentes inuidia
 sequitur: ac uictus accepisse, uictor attulisse iniuriam
 uidetur: ceterum si quis uero magis iudicio, quàm studio
 erga defunctum aliquo, rem ipsam expendat, causamq;
 eius, & consilium exquirat: facile scilicet inueniet,
 rectum esse, & necessarium uindicare magis, quàm ac-
 cipere iniuriam. Quippe ad occisi calamitatem etiam in-
 famia timiditatis accedit: uictor, præter quàm q̄ incolu-
 mus est, etiam gloriam rettulit fortitudinis: ac cæte-
 ra quidem, quæ sæpe in me, cum ueneficijs, tum omni
 genere insidiarum intendit, facile uobis est exquirere
 tormentis. quippe idcirco adesse omnes illius ministros
 imperaui, ut uerum deprehendatis. Sunt autem non-
 nulli quoq; ex his iam torti, quorum exaudire confes-
 sionem possitis. Postremo autem, cum ego apud matrem
 forem, uenit ille, in me quosdam secum adducens gla-
 dijs acinctos: sed ego re præcognita, ultus hostem sum.
 neq; enim iam, aut fratris mentem gerebat, aut fra-
 terna moliebatur. Vlsâ autem illum, qui prior insi-
 dietur, ut iustum est: ita usu quoq; iam receptum. Quip-
 pe ne ipse quidem urbis huius conditor Romulus germa-
 num pertulit, suis tantum operibus illudentem. Taceo
 Germanicum Neronis, ac Titum Domitiani fratres. Mar-
 cus ipse philosophiæ simulator, ac mansuetudinis, Lucij
 generi sui contumeliam non pertulit. Ego uero uenenis
 comparatis in me, gladioq; impendente ultus hostem:
 quippe hoc illi sua opera nomen imponebant. Vos au-
 tem dijs gratias agite, q̄ alterum uobis principem ser-
 uauerint: neq; mentes uestras in diuersa partiti, sed unum

HERODIANI HIST.

tantum spectantes imperatorem, uitam securi tradidit.
Imperium autem Iuppiter sicut ipse inter deos solus possidet, ita uni tantum mortalium adiudicat. Hæc locutus magna uoce, irarumq; plenus, ac trulento multu illius amicos intuens, tremantibus, pallentibusq; plerisq; in regiam reuertitur. Continuo igitur cepti occidi domestici omnes fratris, atq; amici: quicq; in ædibus habitabant, quas ille incoluerat: ministriq; item uniuersi: sic, ut ne ætati quidem infantium parceretur. porro ipsa cædura plaustris omnibus per contumeliam imposita, atq; extra urbem exportata acervatim: aut temere iniecta rogis, comburebantur. nec quisquam supersuit ex ijs, qui leuē modo cum Getæ notitiam habuisset. Athletæ etiam & aurigæ, atq; omnisfariam histriones, & quicquid deniq; uel oculis illius, uel auribus incundum fuerat: passim occidebantur. Præterea senatorij ordinis, quicunq; aut nobilitate, aut opibus excellerent: minima quaq; de causa, uel plane nulla, quantumlibet leui delatione, pro illius amicis interimebantur. Quin & Commodi sororem iam animum, atq; omnibus imperatoribus, ut Marci filiā oportuit, magno in honore habitam, morte afficit: causatus, qd Getæ necem apud ipsius matrē defleuisset: & coniugem quondam suam Plautiani filiam, quæ fuerat in Siciā relegata: ac consobrinū Seuero cognominē, filiumq; Pertinacis, & Lucillæ Commodi sororis. postremo quicquid ex cognatione imperatoria, aut in senatu ex patricia nobilitate supererat, plane quasi ab stirpe abscidit: ducesq; prouinciarum uniuersos, ac procuratores ueluti Getæ amicos neci dedit: totæq; noctes cædendis plurifariam mortalibus impendebantur. sed & uestales uirgines uinas

obruit

obruit terræ, quasi temerata uirginitate. Deniq; id, quod
 nunquam aliàs factitatum: cum circenses spectante eo, po-
 Ro. in aurigam, cui studebat, nescio quid cauillatus esset:
 ratus sibi contumeliam illatam, repente omnem exerci-
 tum facere impetum iussit in populum: ac raptare, &
 occidere quicunq; in aurigam dixissent. At milites acceptæ
 semel uiolandi, rapiendiq; potestate, cum discerni à reli-
 quis nequirent, qui fuerant proteruius locuti: nullo scili-
 cet in tanta multitudine uerum fatente: passim ut quenq;
 inciderant, aut occidebant, aut omnibus ereptis, quasi sa-
 lute redempta uiuos ægre dimittebant. His actis, stimulan-
 te malorum facinorum conscientia, uitamq; perosus ur-
 banam, statuit Roma secedere: ut & milites ordinaret,
 & provincias inuideret. Igitur Italia decedens, ad ripas
 Danubij peruenit: ac partes imperij romani septentrio-
 ni subiectas. Ibi aut corpus exercebat aurigando, cæden-
 disq; comminus omne genus beluis, aut ius dicebat: rarius
 id tamen, statimq; sententiam ferens ac respondens, pau-
 culis duntaxat auditis. Cæterum Germanos illic sibi o-
 mnes adiunxit, atq; in amicitiam conciliauit: sic, ut ex his
 socios bellorum, & custodes corporis ualidissimum quenq;
 & pulcherrimum sibi adsciuerit. Sæpe etiam romano
 cultu deposito, uestem germanicam induebat, atq; in eo-
 rum sagulis argento variegatis conspiciebatur: etiam fla-
 uam capiti cæsariem imponens, ad modum germanicæ
 tonsuræ, quibus læti barbari mirifice eum diligere, gau-
 dere etiam romanus miles, quem scilicet ille amplissimis
 largitionibus prosequabatur: ipse nullum non militiæ
 munus prompte obire: & siue quid fodiendum foret, pri-
 uus fodere: siue pons flumini imponendus, aut extruen-

HERODIANI HIST.

dus agger: sine quod opus manuum faciendum, aut labor
 subeundus, prius omnia occupare: tenuiq; mensa, ac li-
 gneolis poculis, uasisq; esculentorum contentus esse: pa-
 nemq; etiam temere factum comesse. Quippe tritico quan-
 tum satis uni foret, sua manu molito, massaq; inde facta,
 atq; in carbonibus decocta uesci solitus. omnia deniq; ele-
 gantiora aspernari: Et uilissimis quibusq;, ac uel pau-
 perrimo, gregarioq; militi facillimis uti: tum commilito-
 nem, quam principem uocari se malle: ac plerumq; iter
 facere perinde, atq; ipsi, pedibus ambulans: raroq; uehi-
 culum conscendere, aut equum: sibi ipse portare arma:
 nonnunq; etiam signa militaria longissima, Et aureis or-
 namentis prae graui, ac ne robustissimis quidem militibus
 facilia, ipse humeris subire. Ob haec igitur, aliaq; huiusce-
 modi, ut hominem militem diligere eum suus exercitus,
 Et ut uirum fortem admirari: quippe instar mirae uili
 debatur, tantulae hominem stature, tantis esse laboribus pa-
 rem. Sed ubi milites apud Danubium ordinauit, atq; in
 Thraciam Macedonibus contermina discessit: continuo Ale-
 xander alter euasit: nam Et memoria regis eius omnibus
 modis renouauit: statuis imaginibusq; nulla non urbe po-
 ni iussit: Romamq; ipsam, capitoliumq;, Et templa uniuersa
 refferat Alexandri simulachris. Vidimus item imagi-
 nes nonnullas ridicule depictas, quae uno corpore duas fa-
 cies praeferebant Alexandri, atq; Antonini. Ipse prodibat
 Macedonico habitu caustiam gestans, Et crepidas: ac lectis-
 simam iuuenum manum in exercitu phalangem mace-
 donicam appellabat: iussit duabus nomina sibi ducum
 Alexandri imponere. Praeterea iuuenes sparta accitos,
 laconicam, Et pitane centuriam uocabat. His igitur

actis, atq; urbibus prout quanq; potuerat ordinatis,
 Pergamum adit Asiae ciuitatem: ut Aesculapij curationi-
 bus ueretur. quo postquam peruenit: somnijs quandiu uo-
 luit captatis, Ilium mox petijt, & cunctis urbis reliquijs
 collustratis, ad Achillis tumulum processit: eoq; coronis,
 floribusq; magnifice exornato, rursus imitari Achillem
 coepit. Sed Patroclum desiderante aliquem, libertorum
 omnium charissimus Festus, a memoria, dum ad Ilium
 moratur, uita defunctus est: ueneno (ut quidam die-
 bant) extinctus, quo scilicet Patrocli more sepeliretur:
 ut alij affirmant, morbo interceptus. Huius igitur cada-
 uer efferri iussit: compluribusq; lignis rogam strui:
 dein imposito in medium, mactatisq; omne genus ani-
 malibus, subiecit ignem: phialamq; manu tenens, ui-
 numq; libans, uentos precabatur: cumq; esset raro ca-
 pillis, & crinem quaereret, ut imponderet ignibus, de-
 ridiculo erat omnibus: ceteru quos habuit capillos, tamen
 totendit. Laudabat autem ex omnibus duabus, praecipue
 Syllam romanum, & asrum Annibalem: quibus etiam sta-
 tuas, atq; imagines excitauit. Decedens autem Ilio, Asiaq;
 omni, & Bithynia, gentibusq; reliqs pertrāsitis, atq; ubiq;
 rebus cōpositis, deuenit Antiochia: ibiq; exceptus honorifi-
 centissime: atq; aliquādiu moratus, Alexandria contendit:
 praetextens huic itineri desideriu uisendae urbis ab Alexā-
 dro constructae: simul consulendi illorum numinis, quod
 egregie incolae ueneratur: ac simulans haec duo in primis,
 religionem dei, & herois memoriam, iubet hecatombas
 comparari, ac parentationes omne genus. quod ut pri-
 mum est alexandrinae multitudini nuntiatum, leuissimae
 suapte natura, & omnibus momentis expositae: studium

HERODIANI HIST.

benevolentiamq; principis omnes, quasi animorum impo-
tes accipiebant. Igitur ad excipiendū illum se compara-
bant, quanto nunquam antea honore consueuerant: quip-
pe omnisfariā musica instrumenta disposita, ubiq; uarium
edebant sonitum: præterea aromatum, ac suffimentorum
uapor omne genus additus, cunctos optimis replebat odo-
ribus: tedis præterea, & florum sparsionibus honora-
bant. Sed ubi in urbem iam peruenit, primo quidem tem-
plum ingressus est: multisq; uictimis immolatis, ac thure
cumulatis altaribus, ad Alexandri monumentū se contulit:
paludamentumq; purpureū, & claris speciosisq; gemmis
anulos conspicuos, balteumq; & siqua alia gestabat ele-
gantiora, dempta sibi, tum illius imposuit tumulo. Hæc cer-
nentes Alexandrini, læti supra modū, noctibus totis, ac die-
bus festum celebrabāt: ignari, quid intra ulceratū pectus
imperator oculeret. hæc enim omnia per simulationē fa-
ciebat, ut uniuersam illorū multitudinē contrucidaret. La-
tentis odij causa talis erat. Nuntiatū ei fuerat Romæ agen-
ti, uiuo adhuc patre, atq; itē post extincto, multa in ipsum
dicere Alexandrinos: sunt enim homines suapte natura
diaces, atq; ad describendum illudendumq; maxime facti:
iactantes in optimū quenq; & potentissimū dicteria quæ-
dam, ut quidem ipsi putant, festiua: ut autem uidentur ijs,
in quos dicuntur longe grauissima: quippe huiusmodi io-
corum uel maxime illa permouent, quibus delicti ueritas
arguitur. Quare cum multa in eum dixissent: ne dissimu-
lata quidem fraterna cæde, matremq; etiam Iocæ-
stam uulgo appellarent: irridereñtq; ipsum, q̃ tan-
tulæ homo stature Alexandrum, atq; Achillem maxi-
mos, ac fortissimos heroes æmularetur: dū ludere se pu-

tenet. e
iracundi
molirent
deret ma
bus consp
quandā i
citi mace
xandri h
sanere. i
interuall
habitudi
uenes, a
ante ex
parenti
Antoni
etatisq;
neq; id a
conuenire
esse omnes
bus impli
ac signum
a, depre
roiq; qui a
litiōis, ali
abus adu
manem tem
semaxim
bantur. seu
reliquias
us defecti

tunc, eo impulerunt Antoninum hominem suapte natura
 iracundum, atque sanguinariū, ut perniciem illis, insidiasque
 moliretur. Igitur celebritate, ac festo iam peracto, cum ui-
 deret maximam hominum multitudinem ex uicinis regioni-
 bus confluisse in urbem: monuit edicto, ut in planitiem
 quandā iuuentus uniuersa conueniret: uelle affirmans, si-
 cuti macedoniam, spartanamque habebat, ita etiam in Ale-
 xandri honore ipsius herois cognomento phalangem con-
 stituere. Iubet igitur consistere iuuenes uniuersos, relicto
 intervallo, ut singulorum aetatem, staturamque, et corporis
 habitudinem militiæ idoneā consideraret. His creditis iu-
 uenes, ac uerisimili spe ducti, ob insignem honorem paulo-
 ante exhibitum principi, conueniunt frequentes una cum
 parentibus, atque germanis, lætis, gratulantibusque: at uero
 Antoninus singulos inter se distantes circumiens, conre-
 ctansque, et aliud in alio laudans præteribat: donec illos,
 neque id animaduertentes, neque expectantes uniuersus cir-
 cumueniret exercitus. Ut uero coniecturam fecit, iam
 esse omnes militum suorum armis inclusos, quasi que reti-
 bus implicitos: ipse statim cum suo præsidio excessit,
 ac signum militibus dedit: qui statim facto undique impe-
 tu, deprehensam in medio inermem iuuentutem, cæte-
 rosque qui aderant magna cæde contrucidant: atque e mi-
 litibus, alij cædem tantum faciebant: alij foueis inge-
 nibus caduera obruebant, aggestaque desuper humo, im-
 manem tumulum excitarunt. multi etiam in eas foueas
 semiuui protrahebantur: multi adhuc integri detrude-
 bantur. sed et milites nonnulli simul pericrunt: nam qui
 reliquias adhuc aliquas spiritus retinebant, neque peni-
 tus defecti erant uiribus: impliciti proruentibus se in-

HERODIANI HIST.

litibus, eos quoque secum trahebant in foueam. Tanta est autem facta caedes: ut riuus cruoris per planitiem decurrentibus, cum fauces ipse Nili ingentes, tum litus omne circa urbem purpurasceret. Sed affectans Parthici cognomen, famamque deuictae ad orientem Barbariae, quanquam in altissima pace, tale quiddam machinatur. Dat literas ad regem Parthorum Artabanum: simulque legatos cum muneribus mittit materiae, et artis conspicuae. In eis literis fuerat scriptum, uelle se regis filiam ducere in matrimonium: principem se esse, et principe natum: quare haud decorum prinati cuiusque, et tenuis fieri generum: sed Reginam ducere potius, filiamque magni regis. Duo maxima imperia esse Romanum, et Parthicum: quibus affinitate illa in unum coeuntibus, ac nullo iam discriminante fluuio, unam tantum potentiam factum iri, nullis expugnabilem uiribus: nam reliquas barbaras nationes, quae nunc amborum imperijs subiectae sunt: facile iugum toleraturas, si proprios gens quaeque, et conuentus sit habitura rectores. Esse Romanis pedesrem exercitum, qui hastis, et stataria pugna ceteros antecellat: Parthis uero equitatum plurimum, peritissimosque sagittarios. His igitur concurrentibus, et quae usui ad bellum sunt: in unum conspirantibus, facile ipsos sub uno diademate totius orbis terrarum imperium retenturos: praeterea odoramenta, quae apud illos proueniunt, telasque laudatissimas: contraque apud Romanos metalla ipsa, et quaecumque arte aliqua conspicua uisuntur: non iam uix, raroque, et clanculum per mercatores importatum iri, sed in una duntaxat terra, unoque imperio: communemque fore utrisque usum rerum omnium, minimeque impeditum. His literis Parthus acceptis, primo

quidem abnuere: negare Romano convenire barbarum
matrimonium. Quam enim fore concordiam, neq; uoce
satis congruentibus, et uictu, habituq; inter se distanti-
bus? Esse Romæ patricios permultos, quorum sibi ille opta-
re liberos in matrimonium possit: sicut itidem apud se Ar-
sacidas: neq; ullam sane extare causam, cur alterutrū ge-
nus adulteretur. Hæc igitur à principio rescribens, condi-
tionem aspernabatur: sed instanti Antonino, donisq; et iu-
reirando fidem studiū sui, et charitatis uxoris facienti,
credidit barbarus: ac pollicitus daturum filiam, generum
iam ipsum appellabat. Cuius rei uulgata mox fama, bar-
bari scilicet omnes ad romanum suscipiendum princi-
pem se comparabant: spe quadā sempiternæ pacis exul-
tantes. Ceterum Antoninus prohibete nullo, fluvios trans-
gressus, ac iam parthicam regionem quasi propriam
peragrans, sacrificantibus passim uniuersis, supraq;
coronata altaria odores incenduntibus, lætum se honore
illo barbarorum magnopere simulabat. Postea uero quā
magno itinere facto, ad ipsam Artabanī regiam appro-
pinquabat: occurrit ei rex in quadam ante urbem pla-
nutie: nouum nuptum excepturus, generumq; suum.
Sed barbarorum magna multitudo floribus indigenis
coronati, atq; induti uestes auro, diuersisq; coloribus ua-
rias, festum agitabant: ad tiliarum fistularumq;
et tympanorum sonitus saltantes numerose. Quippe
huiusmodi tripudijs supra modum delectantur: præ-
sertim cum se temeto largius inuitarunt. sed ubi omnis
multitudo confluit: ac relictis equis, pharetrisq;, et
arcibus depositis, inter libamina, et calices agita-
bant: collectiq; in unum barbarorum quamplurimi, te-

HERODIANI HIST.

mere, inordinatq; consulerant: nihil suspectantes mali, sed pro se quisq; studentes uidere novum nuptum. Tum signo dato Antoninus, militibus imperat, impetum, cædemq; in barbaros faciant. Illi re subita perterriti, cædentibus, sauciantibusq; Romanis, terga obuertunt. ipse Artabanus à suis stipatoribus raptus, atq; equo impositus, uix, ægreq; cum paucis fugiens, elabitur: reliqua uero multitudo barbarorum passim cædebatur. Quippe neq; equos habebant, quibus maxime utuntur: descendere enim ex ijs, pastumq; dimiserant: neq; ipsi euadere fuga poterant, impediēte cursum fluxa ueste ad pedes usq; deducta. Porro pharetras, aut arcus omnino non attulerant: nam quid illis opus ad nuptias? Ita ingenti cæde barbarorum facta. Antoninus, prædæq; et hominibus magna copia captis, discedit resistente nullo: uicisq; et urbibus incensis, data potestate militibus rapiendi, quod quisq; posset, aut uellet. Hanc igitur calamitatem, haud opinato barbari acceperunt. Antoninus autem regionem parthiam penitus ingressus, defessis iam rapiendo, cædendoq; militibus, reuertit in Mesopotamiam: indeq; senatui, Populoq; Roma per literas significat subactum à se orientem, cunctosq; illius regni mortales in suam ditionem concessisse. at senatus quanquam totius negotij gnarus: (quippe principum res latere nullo pacto possunt:) metu tamen atq; assentatione, cunctos illi honores uictoriæ decernunt. Substitit autem post id Antoninus in Mesopotamia studio aurigandi, ac beluarum uenationibus intentus. Erant præfecti exercituum duo, Audentius, et Macrinus, quorum alter senex iam, rerumq; civilium planè rudis, haud tamen imperitus rei militaris

taris habebatur: alter & in foro uersatus, & legum con-
sultissimus. In hunc igitur, ut parum militarem, minimeq;
fortem uirum, publice nonnunquā princeps canillabatur:
nec conuijs quidem abstinens. Nam audito illum & ui-
ctum usurpare liberaliorē, & aspernari uilissima, abie-
ctissimaq; cibaria, quibus Antoninus militariter delecta-
batur: chlamydemq; & uestem ceteram ad urbanum mo-
dum gestare: quasi degenerem ipsum, morboq; muliebri
laborantem calumniabatur: minitans etiam occisurum.
quorum impatiens Macrinus uehementer exacerbatu est.
Accidit autem res huiusmodi: quippe habitura finem ali-
quando fuerat Antonini uita. Nam cum suapte natura
curiosior esset, non hominum modo res cognoscere stude-
bat: sed deorum, daemonumq; etiā rimari arcana: metuq;
semper insidiarum nullis non oraculis incubabat: acutis
undiq; magis, astrologis, haruspibus, ac nullo plane præ-
terito, qui huiusmodi fallacias profiteretur. Sed eos quoq;
suspectans ut parum uera loquentes, omniaq; ad assenta-
tionem uaticinantes: scribit ad Maternianū quendam, cui
rerum suarum omnium curam in urbe crediderat: &
quē sibi ex amicis omnibus fidissimū putabat: consciūq;
omnium secretorum habuerat: magos undiq; optimos con-
quirat: atq; euocatis manibus de fine ipsius uitæ consulat:
& an quisq; imperio insidietur. At Maternianus nauata
principi opera, siue id re uera manes significauerant: siue
alioqui Macrinum perosus, rescribit Antonino, Macri-
num esse, qui insidietur imperio: eumq; e medio tollen-
dum. Has igitur literas, ut mos est, cum reliquis obsigna-
tas dat ignaris, quid ferrent, tabellarijs: illi consueti
usi itineris celeritate, ad Antoninum perueniunt: quo

HERODIANI HIST.

ille potissimum tempore ad aurigandum se parabat, ac iam currum conscendebat. Ita ei reddunt integrum epistolarum fasciculum: in quibus erant etiam literæ, quæ ad Macrinum pertinebant. At uero Antoninus studio iâ omni, atq; animo ad aurigandum intentus, imperat Macrino, uti ipse literas seorsum inspiciat: ac siquid maioris momenti sit, renuntiet: sin minus, ipse de more suum, hoc est præfecti, officium exequatur. (quippe talia identidem iniungere consueuerat: ipse deinde ad suum studium perrexit. Macrinus seorsum epistolis omnibus solutus, etiam in eam incidit, quæ ipsi perniciem afferebat. Cognito igitur quantum periculi impenderet: ac gnarus Antonini iracundiæ, truculentiaq; præsertim tam specioso prætextu, subtrahit epistolam illam: ceterarum uero (ut solebat) argumenta principi renuntiat. Sed metues, ne iterum super eiusmodi rebus Maternianus rescriberet: malens facere ipse aliquid, quàm expectando pati: tale quiddam comminiscitur. Erat Martialis quidam centurio unus e custodibus corporis Antonini, semper illum affectari solitus: cuius fratrem paucis ante diebus princeps delatum tantum, sed minime redargutum occiderat: ipsumq; Martialem per contumeliam timidum, ac degenerem, et Macrini amicum appellauerat. Hunc uehementer dolentem fratris necis, proprijsq; incitatum contumelijs, gnarus omnium Macrinus ad se uocat, studiosum iam pridem sui, ac multis obstrictum beneficijs: cui persuadet, ut captato quamprimum tempore Antoninum obtruncet. Ille, cum promissis adductus, tum proprio odio, ac uindictæ fraternæ studio incitatus, libenter omnia se facturum pollicetur, cum primum occasio euenisset. Euenit

autem

autem haud multo post: quippe agens Carris, quæ est Mesopotamiæ urbs: Antoninus deæ Lunæ inuisit templum, quod in ea regione distans aliquantum ab urbe, præcipuo honore ab incolis colitur. eod secum pueros equitum eduxit: relicto exercitu cætero, ut sacrificio factò, in urbem reuenteretur. medio autem itinere uno tantum famulo committatus, ac reliquis abstinere iussis, recessit ad requisitæ naturæ: quare auersis omnibus, & quamlongissime recedentibus honoris, ac reuerentiæ causa, Martialis, qui omnes temporum aptabat articulos, ut eum solum esse animaduertit: cœu nutu principis ad uidendū aliquid, aut audiendum uocatus, aaurrit: auersumq; & subligacula sibi deducentem fugione traiecit, quem cælaturæ manus attulerat: & cum in ipsam iuncturam ferrum incidisset, letali scilicet vulnere, de improviso Antoninus minime defensus occubuit. quo factò Martialis statim equum inscendit, ac fuga euadere conatur. Cæterū germani equites, quibus & delectabatur Antoninus, & custodibus corporis utebatur: propiores cæteris, primiq; facinus conspicati, Martialem consecuti, missilibus confodiunt: quod ubi exercitus reliquus cognouit, omnes subito concurrerunt: primusq; Macrinus supra cadauer conqueri, ac delamentari per simulationem cepit. Grauis ea res, & molestā militibus incidit: commilitonem, conuictoremq; aliquem amisisse, non principem existimantibus. Neq; de Macrino quippiam illis adhuc suboluerat: putantibus Martialem proprias inimicitias persecutum. ita in sua quisq; tabernacula discessere. At Macrinus tradito igni corpusculo, reliquias intra urnam coniectas matri ad sepulturam remisit. Ea tunc Antiochiæ morabatur:

HERODIANI HIST.

moxq; ob liberorum calamitates, incertum sponte, an im-
perio alicuius mortem sibi consciuit. Hunc finem habue-
runt Antoninus, & Iulia mater: cum quidem ad eum,
quem diximus modū uixissent: ac sexennium tantum ille
sine parente, germanoq; suo imperauisset. Extincto Anto-
nino incerti, ignariq; quid agerent milites, biduo sine im-
peratore fuerunt: quærentes inter se, quem potissimum
principem deligerent: siquidem aduentare magnis copijs
Artabanus nuntiabatur: poenas exacturus, & cæsis in-
ter pacem, ac libationes missurus inferias. Igitur princi-
pem deligunt, primo quidem Audentium, militarem scilicet
uirum, præfectumq; non improbum: sed ille senectū-
tem excusans, abnuuit imperium. dein uero Macrinum,
suadentibus potissimum tribunis, quos etiam conscios in-
sidiarū Antonini, ac Macrino participes consilij fuisse post
illius mortem suspicio extitit: quemadmodum in sequenti-
bus dicemus. suscepit autem Macrinus imperiū, non tam
fide militum fretus, quā necessitate impulsus, usq; præ-
senti. His actis, iam scilicet Artabanus multis copijs ac ui-
ribus aderat: equitatum ingentem & sagittariorū multi-
tudinem adducens: præterea cataphractos chamelis insi-
dentes, qui prælongis contis præliarentur. Quo cognito,
Macrinus conuocato exeratu, ita locutus perhibetur. Do-
lere uos omnes principis huiusmodi, uelut uerius loquar
commilitonis interitu minime mirandū: sed calamitates,
casusq; humanos modice ferre, id uero est prudentium.
Cæterum illius memoria uestris æternum præcordijs in-
sidebit, atq; ad posteritatem propagabitur, rerum forti-
ter, ac magnifice gestarum: præterea amoris, beneuo-
lentiaq;, & communicatorum uobiscum laborum lau-
dem secum

dem
tempus
per
rum
ut uide
prios
bellum
in uirtute
nibus
sus mag
licet libe
a nobi
ma cap
lio seru
tudo, a
tem ord
salutem
uelim be
hactenus
is: & g
terisq; om
uirtute, &
tam. Q
uolites in
Sole autem
cum copias
repropitia
rum in Ra
At Roma
latera di

dem secum deferens sempiternam. Nunc autem postulat
tempus, honore habito illius memoriae, iustisq; omnibus
per solutis, occurrere imminenti periculo. Videtis Barba-
rum instantem cum totius orientis multitudine: ac iustas
(ut uidetur) belli causas preferentem: siquidem nos illum
priores laceessimus, uiolato foedere atq; in altissima pa-
ce bellum excitauimus. Nunc omne romanum imperium
in uirtutem uestram recumbit, & fidem: neq; enim de fi-
nibus imperij, aut de fluminibus dimicatio nobis aduer-
sus magnum regem, sed de omnibus fortunis est: cum scilicet
liberos, consanguineos suos ultum ueniat: quos iniuste
a nobis, contraq; foedera occasos arbitratur. Igitur ar-
ma capiamus: atq; (ut mos Romano est) ordines in prae-
lio seruemus: quippe in acie barbarorum incompodata mul-
titude, ac tumultuaria, ipsa se fortasse impediet: uester au-
tem ordo, atq; consensus, pugnandiq; peritia, sicuti uobis
salutem, ita hostibus perniciem attulerit. Quapropter sic
uelim bene sperantes dimicetis, ut Romanos decet: utq;
hactenus consuestitis: ita enim & barbaros ipsos fideri-
tis: & gloriam insignem adepti, fidem Romanis, cae-
terisq; omnibus feceritis: non dolo aut fraude ulla, sed
uirtute, & armis superiorem uictoriam a uobis par-
tam. Quae postquam locutus est: cognita necessitate,
milites in ordines se recipere: atq; in armis agitabant.
Sole autem oriente, conspiciunt Artabanum maximas se-
cum copias adducentem. Vt autem solem Barbari de mo-
re propitiarunt, confestim edito ingenti clamore concur-
runt in Romanos: ipsq; adequitantes sagittas ingerunt.
At Romani acie instructa, Maurorumq; equitatu per
latera disposito, ac receptis per intervalla expeditis mi-

HERODIANI HIST.

litibus, quibus facilis esset excursio, fortiter resistentes, impetum barbarorum sustinebant: qui scilicet & sagittarum multitudine, & praelongis contis, quibus cataphracti ex equis, aut chamelis depugnabant, pessime Romanos accipiebant: contra Romani quoties pedem conferebant, facile scilicet aduersarios superabant. Postea uero quam ab equitatu, & chamelitarum multitudine premebantur: fuga simulata, tribolos, aliaq; machinamenta ferrea acuminata proieciunt: quae sub harenis latentia, neq; cuiquam conspicua perniciem equitibus, & chamelorum infessoribus afferebant. Quippe illis calcatis, equi, potissimum uero chameli, quoniam huic generi mollissimae sunt ungulae: suaduae claudicabant ex cussis tergo infessoribus. Ceterum Barbari illi quandiu equis, aut chamelis inuehuntur, acerrime scilicet configunt: ubi autem, uel descendere iam, uel exidere, faciles sunt capti: neq; praelium in manibus gerere audent: & si fugiendus, aut insequendus sit hostis, crura scilicet fluxa ueste praepediuntur. Vno igitur, alteroq; die a mane ad uesperam pugnatum, nox praelium diremit: reuersiq; sunt in castra utriq; quasi uictores. Tertia die in planitiem pugnaturi conuenere: tentante autem Barbaro, utpote qui numero praestabat, circumuenire Romanum, quasiq; indagine concludere: contra non iam profundiore, sed in frontem productam constituebant Romani aciem: ac se circumueniri prohibebant. Tanta autem uirorum, iumentorumq; multitudo cecidit: ut omnis compleretur campus, maximiq; cadauerum acervi in altum attollerentur: praesertim uero chamelorum, quae aliae super alias procubuerunt. Ergo nec liber pugnantibus cursus erat, nec inter se cernendi copia: uelut ingenti quodam,

ti quodam, ac uix per uio dggerē cadauerum in medium
 extructo: quo scilicet prohibente trāsitum ad reliquos, sin-
 guli se in sua castra receperunt. At Macrinus cognito nō
 alia de causa tam acriter, ac pertinaciter pugnare Arta-
 banum, nisi quia se pugnare contra Antoninum arbi-
 trabatur: (solent enim barbari paulo negotio quasi fati-
 scere: uelutiq; oneri cedere, si modo primis congressibus pa-
 rum ex sententia res gesserint: tunc autem perstabant, prae-
 lium integraturi, cum primum cadauera concremassent:
 ignari perijisse, qui has inimicitias conatauerat:) mittit Par-
 this legatos cum literis, quae declararent occidisse impe-
 ratorem: ac debitum supplicium luisse, qui foedera, &
 iusurādum temerauerat: sibi esse a Romanis, quorum ip-
 sum tandem imperium sit: summam rerum traditam:
 non placere uero quae acta forent. Itaq; captiuos quicunq;
 superessent, raptaq; omnia redditurū: cupere se illum ex
 inimico amicum facere, pacemq; iureiurando, ac libami-
 nibus sancire. Quibus lectis Artabanus, edoctusq; a le-
 gatis de Antonini cāde, satis dedisse supplicij uiolatorem
 foederis arbitratus, contentusq; reddi sibi citra ullum cruo-
 rem captiuos, praedamq; omnem, foedus cum Macrino fe-
 rit, atq; in proprias sedes reuertitur. sed & romanus im-
 perator deducto ex Mesopotamia exercitu, Antiochiam
 profectus est.

HERODIANI A' MARCI
PRINCIPATV HI-
STORIAE LIBER
QVINTVS.

d E Antonini imperio, cedeq; , insidijs ,
ac successione item , superiore libro di-
ximus. Caterum Macrinus ubi An-
tiochiam peruenit , literas senatui ,
Populoq; Roma. misit in hanc senten-
tiam. Cum satis ipsi cognitum habea-
tis, quod nam fuerit meum iam inde a' principio totius
uitae institutum: quamq; ad benignitatem propensi mo-
res: quae mansuetudo in ea potestate explicata, quae non
multum abest a' principatu: (siquidem ipse quoq; impe-
rator fidei se praefecti cohortis credit:) superuacuum
esse arbitror multis uerbis uti apud uos: nostis enim &
ipsi parum me laetum fuisse ijs rebus, quae ab illo gereban-
tur: ac saepe uestra causa periclitatum, dum ille nulli non
calumniæ fidem habens, uelut effrenus contra uos irruere-
ret. Itaq; identidem mihi obrectare solitus, etiam publice
modestiam in me, atq; humanitatem uituperabat, se-
gnem, & fluxis moribus uocitans. Quippe homo assen-
tationibus gaudens, qui unq; ipsum ad crudelitatem exa-
ciebant: rabiemq; insitam, quasi signo dato prouoca-
bant: & calumnijs iram excitabant: eos sibi deniq; be-
neuolos, fidosq; in primis amicos arbitrabatur. mihi au-
tem iam inde a' principio nihil lenitate antiquius, mo-
destiaq; fuit. Igitur parthicum bellum longe maxi-
mum, & in quo omne romanum imperium fluctua-
uerit, ita

uerit, ita
hostibus
tem aspi-
mus. Porro
lunt: ma-
principat-
imperio ce-
equistri et
seco nobi-
manitas
gnos exo-
conciliat-
genus re-
me in ip-
tem, ac
attamen
nobis prop-
suasissio-
reducitatem
liam abutun-
uelut in per-
meritis enita-
penamero in
ferioribus. a-
sonar: qua
& alunt
nil sine a-
consiliarioq;
bitrio uestro
tunc impe

uerit, ita confestim: ut nec in acie fortiter dimicando
 hostibus cesserimus: & regem maximas secum trahen-
 tem copias, icto foedere ex inimico amicum reddideri-
 mus. Porro me principe liberi, incruentiq; omnes agita-
 bunt: magisq; optimatum conspiratio hæc erit, quàm
 principatus. neq; tamen est, quod quisquam indignum
 imperio censeat, aut fortunæ crimen putet esse: q; ex
 equestri ordine ad imperium peruenerim: nam quo ob-
 secro nobilitas ipsa, nisi morum benignitas adsit, & hu-
 manitas? Siquidem fortunæ munera etiam parum di-
 gnos exornant: animi uirtus, propriam cuiq; gloriam
 conciliat: & claritas quidem generis, diuitiæq; atq; id
 genus reliqua, & si beatorum propria putantur: mini-
 me in ipsis, ut pote ab alijs tradita laudantur. Lenitas au-
 tem, ac benignitas, & si ipsæ quoq; admirationi sunt:
 attamen habenti quoq; laudem accumulanti. Quid enim
 uobis profuit Commodi nobilitas? aut Antonini paterna
 successio? scilicet eiusmodi homines, quasi ipsis debitam hæ-
 reditatem adepti, ueluti proprio patrimonio per contume-
 liam abutuntur: qui autem a uobis imperium acceperunt:
 uelut in perpetuum obstricti, etiam referre gratiam pro
 meritis enituntur. Ad hæc patricia principum nobilitas sæ-
 penumero in superbiam uertit, despectis omnibus uelut in-
 ferioribus. at qui modestiæ experimento ad imperiū ascen-
 dunt: quasi patrum labore tuentur semper, uerenturq;
 & colunt, quos consueuerant. Mihi sanè decretum est,
 nihil sine auctoritate uestra gerere: ac uos participes,
 consiliariosq; habere Reipub. gerendæ: uiuetisq; pro ar-
 bitrio uestro in libertate illa, quàm uobis antehac à pa-
 tricij imperatoribus ereptam, Marcus dein, Pertinaxq;

HERODIANI HIST.

resituere conati sunt: ambo ad imperium priuatis cura-
bulis innutriti. quippe generis initia clara posteris relin-
quere ipsum præstat, quàm accepta à maioribus, foedis
moribus contaminare. Hac lecta epistola conclamatum à
senatu uniuerso: nulliq; non honores Augustorum Macri-
no decreti. nequero tantopere lætus senatus Macrinus suc-
cessionem fuit: quàm uulgo uniuersi gratulabantur extin-
ctum Antoninum: nam ut quisq; authoritate aliqua, aut
dignitate præcelleret: ita maxime imminuentem suis cerui-
cibus depulisse gladiū arbitratur. Delatores autem, &
serui omnes, quicunq; dominos detulerant, patibulo suf-
fixi: totaq; urbs, atq; adeo romanum imperium scelerati-
tis hominibus perpuratum, partim supplicio affectus, par-
tim exiliomulctatis: quod si qui tamen latuerūt: metu quie-
scientium ēt ipsi libertatis quandā imaginem præferebāt,
anno duntaxat uno, quo Macrinus imperium obtinuit.
Quippe hoc tantum peccauit, qd non exercitum illico di-
misit: atq; unoquoq; domum reuerti iussu, ipse Ro-
mam sui cupidam statim non petiit: uocante populo
quotidie se, ac Macrinum uociferante: sed Antiochiæ
morabatur barbam nutriens, & incedens, quàm sole-
bat lentius: tardissimeq; ac uix aduentibus se respon-
dens: adeoq; interdum submissa uoce, ut ne exaudiri
quidem posset. hæc enim demum sibi de Marci mori-
bus imitanda proposuerat: cum ad illius reliquam ui-
tam nullo pacto aspiraret. Quippe delitiosius in dies
agitans, histrionibusq; & saltatoribus intentus, &
gubernandi negligens, incedebat cum fibulis, ac bal-
teo auratis, gemmatisq;: qui luxus minime romano
gratus exercitui: certe quem barbaris putant, foemina

nisq; congruentiorem, quàm principi. Talia igitur in-
tuentes, magnopere improbare omnes: uitamq; plane
hominis aspernari molliorem, quàm ut militari uiro
conueniret: simul comparare inuicem Antonini uitæ exē-
plum, solertis in primis, ac planè militaris uiri, &
Macrini luxuriam. Præterea grauiter indignari, qd ipsi
adhuc in tabernaculis agerent procul à patria: ac
non unquam rerum quoq; necessariarum indigerēt: neq;
domum dimitterentur etiam pace facta: cum scilicet ille
contra mollissime, ac delitiosissime uitam coleret. Igitur
exussis uelut habenis quotidie in hominem auillabatur,
ac leuissimam quanq; occidēdi eius occasionem aucupaban-
tur. Sed ita scilicet fato datum fuerat: ut nullo duntaxat
anno princeps Macrinus in delitijs absumpto, simul cum
uita imperium amitteret, exiguam, tenuemq; fortuna oc-
casionem militibus ostentante ad ea, quæ concupierant pa-
tranda. Mæsa erat quædam nomine phœnissā mulier, ab
Emesæ urbe Phœniæ, cui soror Iulia fuerat Seueri con-
iux, ac mater Antonini: ea, uiuente sorore, multos annos in
aula imperatoria uixerat, Seuero & Antonino principi-
bus. hæc igitur Mæsam post sororis obitum, atq; Antonini
cædem, iusserat Macrinus in patriā cum omnibus bonis
reuertere: abundabat autem grandi pecunia, utpote longis-
simo tempore inter principalem potentiā enutrita. reuersa
igitur anus, domi agitabat. Erant uero ei filię duæ: qua-
rum natu maior Soænis, minor Māmæa uocabatur: illi fi-
lius Bassianus, huic Alexianus: amboq; sub matribus,
auiaq; educabantur: & quidem Bassianus annos natus
erat circiter. xiiij. Alexianus autem decimum iam annum
attigerat: sacerdotes ambo solis, quem maxime indigenæ

HERODIANI HIST.

colunt: phœnicum lingua Heliogabalum uocitantes: tem-
plumq; illi maximum constructum habent auro, argen-
toq; plurimo, ac lapidum eleganti magnificentiâ exorna-
tum. neq; solum indigenæ deum illum uenerantur: sed ui-
cini quoq; Sathrapæ, regesq; barbari, certatim quotannis
splendida offerunt munera. Simulachrū uero nullū græ-
co, aut Ro. more manu factum ad eius dei similitudinem:
sed lapis est maximus ab imo rotundus, & sensim fasti-
giatus, propemodum ad conī figuram. Niger lapidi color:
quem etiam iactant cœlitus decidisse: eminent in lapide
quædam, formæq; nonnullæ uisuntur: ac solis imaginem
illam esse affirmant, minime humano artificio fabrefa-
ctam. Huic igitur deo sacer erat Bassianus: quippe natus
maior, ipse potissimum sacerdotio fungebatur: incedens
barbarico cultu: tunica indutus intextas auro, ac manu-
leatas, & ad pedes usq; demissas: cruræq; tota conuelans
ab unguibus ad femora: uestibus similiter auro, purpu-
ræq; uarijs: capite coronam gestans, preciosorum lapidum
coloribus florentem: præterea integer æui, cunctorumq;
eius ætatis adolescentium formosissimus. quare congruen-
tibus in unum forma corporis, atq; ætatis flore, si-
mul habitu illo mollissimo, facile eum Dionysij pulcher-
rimis imaginibus assimilabant. Hunc igitur sacra cele-
brantem, chorumq; circa altaria barbarum in mo-
rem ad tibias, fistulasq; & omnifariam organa in-
staurantem, curiosius inspectabant cum mortales alij,
tum in primis romani milites: uel q; genere imperato-
rio editum sciebant: uel q; formæ uiribus, omnium in se
oculos conuertebat. quippe tum uicinus urbi illi exer-
citus erat, tuendæ Phœniciæ præpositus: deductus inde

mox, ut in sequentibus exponemus. Cum itaq; quotidie religionis nomine milites ad templum itarent: libenter scilicet adolescentem intuebantur. Erant autem ex ijs non nulli Roma profugi Mæse familiares: quibus illa formam pueri admirantibus, incertum mentita, an uerum professâ, filium utiq; esse ait Antonini, quamuis alterius putaretur. quippe cum suis natabus adolescentulis adhuc, & formosis rem habuisse, quo tempore ipsa in palatio simul cum sorore agitabat. Ea res audita ab illis, ac sensim communicata reliquis commilitonibus, per unum uersum deniq; exercitum uulgata est. porro etiam acervos habere numorum Mæsa dicebatur: facileq; omnes militibus elargitura, si modo imperium suæ soboli restitueretur. Pollicentibus autem se eam cum suis, si noctu clanculum in castra uenisset, patentibus portis excepturos, atq; Antonini filium imperatorem declaraturos: nihil scilicet recusauit anus: decreta periculum quoduis adire, quàm uitam colere priuatam, atq; abiectam. Quapropter noctu clanculum urbe egressa, cum liberis, nepotibusq; suis deducente ipsos profugo tum militum agmine, facile in castra admittitur: ibiq; puerum confestim milites uniuersi Antoninum appellatum, atq; indutum purpura custodiebant. Tum commeatu omni simul cum suis natis, & coniugibus, cæterisq; adeo rebus importatis, quas in uicis, agrisq; propinquis habebant: ita se intus comparabant, ut etiam si opus foret, castrorum obse- dionem exciperent. Quæ ubi nūtiata Macrino sunt Antiochiæ moranti: dedito per exercitus rumore, reperi- tum Antonini filium, pecunias militibus elargiri Iu- lie sororem: cum omnia quæcunq; dicerentur, haud

HERODIANI HIST.

esse ullo modo poterant, pro ueris acciperentur: pendebant animis omnes: atque eos ad res novas moliendas, cum proprium Macrini odium, tum Antonini memorie quædam quasi commiseratio subigebat: sed in primis pecuniarum spes: ut multi iam ex ijs ad novum Antoninum transfugerent. At Macrinus rem totam quasi puerilem contemnens, consuetamque obtinens animi alacritatem, domi ipse sedens, unum ex ducibus mittit: traditis copijs, quantæ ad rebelles expugnandos uiderentur suffectura. Vt autem eo peruenit Iulianus, (id enim nomen præfecto fuit:) ac iam moenibus succedebat: statim inclusi milites, puerum exercitui infesto de turribus pinnisque ostentare: uociferari Antonini filium: saculos quoque numorum plenos, escam scilicet prodicionis attollere. At illi credito Antonini esse filium, et (quoniam sic uidere uolebant) facie quoque et liniamenti quàm simillimum existimantes, caput amputant Iuliano, mittuntque ad Macrinum: ipsi reſeratis portis uniuersi in castra accipiuntur. Ita scilicet aduictæ copię, non modo ad excipiendũ obſidionem, sed ad conferendã quoque manum, dimicandumque instructa acie satis futura: transfugarũ etiam magna uipaulatim quotidie se aggregante. Quibus auditis, Macrinus cum omni exercitu ad castra illa oppugnanda contendit: Antoninus autem militibus oppugnationem haud expectantibus, sed congregari audentibus, copias omnes educit. Cõcurrerunt autem inter se exercitus uterque, in Phœnicie, syriæque finibus: acrius dimicante Antonini milite, conscientia, metuque poenæ, si uictus foret: contra autem Macrini exercitu languidius, remissiusque prælium capessente: multisque subinde ad Antoninum transfugientibus. Quo ani-

madue
pijs capi
te adhue
detraxit
mitas: fu
tiorerrio
dumque
quippe in
quasi Mac
mitterent
ximus. Int
quidem co
nos uocari
tum soli
ex omni
pro Anto
crinum i
qui pro illo
iaret, an
ti, quod ſe
tri diuini
pereret: et
ti, capitiu
tous auſu
ti, qui doc
ſignu de
meurando
ſſet. Igitur
nos mitte illi
ſitum ui

maduerso, Macrinus metu, ne planè omnibus exutus corpibus captiuus ageretur, nihil non passurus contumeliae: stante adhuc acie chlamydem sibi, cæterumq; imperatorium detrahit ornatum: paucisq; è fidissimis commilitonum committatus, fugam occupat: detonsaq; barba, ne agnosceretur, itinerario uestimento, aspitemq; semper conuelato, noctem diemq; accelerabat: famam quoq; suae fortunae praeueniens. quippe ingenti studio commilitones uehicularum urgebant, quasi Macrino adhuc rerum potente, magnis de rebus mitterentur. Ille igitur fuga euaserat, quemadmodum diximus. Interea milites utrinq; pugnabant: atq; à Macrino quidem corporis custodes, ac stipatores, quos praetorianos uocant: fortiter stantes, reliquum omnem exercitum soli sustinebant: uidelicet proceri homines, atq; ex omni numero delecti: cætera omnis multitudo pro Antonino praeliabatur. Sed ubi diu, neq; Macrinum iam ipsum, neq; imperij signa conspiciebant: qui pro illo certamen subierant, ignari ubinam foret: iaceret, an aufugisset: haud satis constitutum habentes, quod sibi capiendum consilium foret: neq; periclitari diutius pro eo decreuerant, qui iam nusquam compereret: & se permittere hostium potestati, quasi dedititios, captiuosq; uerebatur. Vt autem à captiuis audiuisset Antoninus aufugisse è praelio Macrinum: mittit statim nuntios, qui doceant frustra illos pro homine pauidissimo, ac fugitiuo decertare: ueniamq; & obliuionem omnium iureiurando pollicetur: stipatoresq; iam tum sibi illos adsciscit. Igitur omnes re credita cesserunt: at uero Antoninus mittit illico, qui Macrinum consequantur: cum iam plurimum uiae praecepisset. Inuentus autem est in Cal-

HERODIANI HIST.

chedone Bithyniæ urbe grauiſſime ægrotans, ac perpetuo itinere attritus, latitans in ſuburbano quodam: ubi illi caput abſciſum. Dicebatur autem Romam properare, fretus popularibus ſtudijs: ſed transgredientem in Europã anguſto propontidos freto, iamq; Byzantio appropinquantem, uento aduerſo uſum perhibent: quaſi ſtatu ipſo ad ſupplicium retrudente. Tantum igitur abſuit Macrinus, quo manus perſecutores effugerit, finem uitæ ſortitus foediſſimum: qui Romam reuerſi poſt uoluerit, quod ſtatim à principio facere oportuerat. offendit autem conſilio pariter, atq; fortuna. Ita ſcilicet occiſus eſt Macrinus cum filio Diadumeno, quem iam Cæſarem fecerat. Poſtea uero quàm exercitus uniuerſus Antoninum imperatorem conſalutauit: atq; ille ſummam rerum ſuſcepit: rebus iam in oriente (ut quæq; maxime urgebant) ordinatis, ab auia ſcilicet atq; amicis (nam ipſe adoleſcens admodum, ac rerum erat imperitus:) haud diu moratus profectionem edicit: feſtinante in primis Mæſa ad Romanam aulam, cui tandiu inſueuiſſet. Sed ut ſenatui populoq; roma-res innotuit: omnes eum nuntium grauiter acceperunt. ſed parendũ neceſſitati fuit, electo à militibus principe. Cæterum incuſantes Macrini negligens ingenium, fluxosq; mores, neminem utiq; aliũ, ſed ipſum ſibi fuiſſe mali cauſam dictitabant. At uero Antoninus e Syria proſectus Nicomediæ hyemauit, ita poſtulate anni tempore. ſtatim igitur debacchari ſupra modum cepit: cultumq; patrij numinis, cui dicatus fuerat, celebrare ſupernacuis ſaltationibus: ueſtium uſurpans luxurioſum, purpura intextum, atq; auro: monilibusq; armillis redimitus: coronas etiam ſuſtinens ad

tiaræ

tiaræ modū, auro, lapillisq; præciosis insignitas: forma habitus inter phœniſſam ſtolam, ac Medorum amictum. Nam Romanam uestem, aut græcā planè aſſernabatur: è lana (ut ipſe aiebat) hoc eſt è re uiliſſima confectam: neq; niſi ſericis telas dignabatur: procedens identidem ad tibias, & tympana, uelut orga numinis concelebraret. Hæc cernens Mæſa, ac ferens iniquo animo, ſupplex illi perſuadere conabatur, ut Romanum aſſumeret cultum: ne urbem mox, curiamq; ingrediēs peregrino illo barbaricoq; habitu, ſpectantiū oculos perſtingeret: inſolentes eiſcemodi munditiarum, ac reputantes mulierculis, quā uiris congruentiores. Sed ille uerbis aniculæ contemptis, nec cuiquam præterea credendum putans, (quippe neminem circa ſe niſi moribus conſimilem, ſuisq; obſecundantem uitijſ habebat:) cum retinendum ſibi quencunq; illū cultum animo obſtaſſet: decreuit abſens periculum facere, quonam animo S.P.Q. R. laturi forent. Quare imaginem propriam maximis liniamentis, qua ipſe obire ſacerdotis munia uidebatur: ſimulq; figuram numinis, cuius ſacerdotium gerebat: depictam in tabula præmiſit Romam: iuſſis qui eam ferrent, in media curia loco edito ſupra Victoriæ caput collocare: ut cum ſenatus haberetur, thura unusquiſq; adoleret, merumq; libaret. Edixit item, ut omnes romani magiſtratus, quiq; publice ſacra facerēt ante alios deos, quorum meminiſſe inter ſacrificandum ſolent: deum Heliogabalum nuncuparent. Quapropter, ut in urbem peruenit: nihil ſcilicet nouum Romani uiderūt inſueti iam picturæ. Diuiſo igitur congrario in populum (ut mos eſt imperium ſuſcipientibus:) ſpectacula omniſariam edebat magnificentiſſima: templumq; item maximū

HERODIANI HIST.

pulcherrimumq; deo erexit: plurimasq; circa templum
constituit aras: ad quas quotidie mane taurorum hec-
tombas, & ovium magnam multitudinem immolabat:
coacervatisq; supra aras omne genus odoribus, etiam
veterrimi cuiusq; optimiq; vini plurimas amphoras pro-
fundeabat: sic, ut rivi passim vini, sanguinisq; promiscue
desinerent: chorosq; circum aras agitabat: nullis non or-
ganis consonantibus, unaq; mulieribus phoenissis cursi-
tantibus in orbem: cymbalaq; inter manus habentibus,
aut tympana, omni circumstante senatu, atq; equestri
ordine ad theatri formam. Extæ porro victimarum,
atq; aromata intra lances aureas, capitibus imposita ge-
stabant: non quidem famuli aliqui, aut humiles personæ:
sed præfecti exercitibus, & quicunq; maximas dignitates
obtinebant: induti tunicas talares, ac manuleatas, unamq;
in medio purpuram ferentes. sed & linteis calciamentis
utebantur: quæ admodum uates in eis regionibus consue-
runt. Porro ingentem se honorem tribuere putabat, qui-
bus eiusmodi sacrificia participaret. sed quamvis instau-
rare choros, & sacra facere perpetuo uideretur: plurimos
tamen ex illustribus uiris, atq; opulentis interfecit: delatos
sibi, q; parum læti illiusmodi uita, etiam in ipsum quan-
doq; canillarentur. Duxit præterea uxorem illustrissi-
mam romanam foeminam, quam etiam Augustam appel-
lauit: cumq; ea tamen paulopost diuortium fecit: adem-
ptisq; honoribus, priuatam colere uitam iussit. Post illam
uero captum se amore simulans, ut aliquid uirile saltem fa-
cere uideretur: uestalem sacerdotem, quam leges castam
esse, & uirginem perpetuo uoluit: abreptam è templo
pro uxore habuit. ita mæstum tanto flagitio, ac piaculo
senatum

senatum
tum: cap
sacerdoti
cam quosq;
ferre sum
mana tant
ribat uxore
romani, in
transitibus
fuerat: p
uit sedibus
peratoria
uxorem,
ri: quod
rabile, p
tempore a
uit hanc A
lonam esse
nos matrim
cium affer
peramiamq;
dei allatum e
se urbe tota
ne plenos,
his agitari
nam, ac m
leum suum
mulieribus, &
uolunt a se
molachrum

senatum per epistolam consolatus, humanum esse id peccatum: captum se illius amore: ceterum sacerdoti congruere sacerdoti nuptias: ob idq; etiam augustiores futuras. Sed eam quoq; paulopost dimisit: tertia uxore ducta, quæ referre suum genus ad Cōmodum dicebatur. neq; uero humana tantum matrimonia ludebat: sed etiā deo suo quærebat uxorem. Itaq; Palladis simulachrum quod occultum Romani, neminiq; uidendum colunt: in cubiculum suum transtulit: immotumq; ad eam diē, ex quo Ilio auectum fuerat: præterquam cum templū conflagrauit: ipse emouit sedibus: eamq; deam sui dei coniugem in aulam imperatoriam adduxit. deū cordi esse negans deo belligerā uxorem, atq; armatam, simulachrum Vranie iussit afferri: quod scilicet Carthaginensibus, omniq; Africæ uenerabile, positum fuisse à phœnissa Didone creditur, quo tempore antiquam Carthaginem dissecto corio ædificauit. hanc Afri Vraniam uocant, Phœnices Astroarchem, lunam esse affirmantes. congruere igitur diebat Antoninus matrimonium solis & lunæ. Itaq; & simulachrum afferri iussit: & auri quicquid in templo erat: pecuniamq; deo suo dotis nomine dari præcipit. Quod ubi allatum est, ac prope Heliogabalum constitutum: iussit urbe tota, Italiaq; festos dies, celebresq;, & lætitiæ plenos, publicæ, priuatimq;, quasi dijs nubentibus agitari. Fecit & in suburbano templum maximum, ac magnificentissimum: in quo anno uertente, deum suum adulta iam æstate deducebat: ludisq; curulibus, & scenicis, epulisq;, & peruigijs populum à se oblectari arbitrabatur. Ipsum porro dei simulachrum impositum uehiculo, quod esset auro

HERODIANI HIST.

preciosisq; lapidibus exornatum, deducebat ex urbe in suburbanum: trahentibus equis seingibus, emaculato candore, ac magnitudine præcellentibus, auroq; multo, & phalerarum uarietate conspiciendis. neq; enim quisquam mortalium eum inscenderat currum: sed circunstabant omnes quasi aurigantem deum. Antoninus autem retrorsus currens, ac simulachrum ipsum aspectans, currum antecederat: frenos manibus retinens, totumq; iter ita retrorsum currens, ac deum semper aspectans confecit. Ac ne caderet, labereturq; ignarus quo tenderet, aurosam substraue-
rant harenam: militesq; eum utrinq; retentabant, quo tutius retrocederet: discurrente etiam cum facibus utrinq; populo, & coronas, floresq; iaciente: tum deorum omnium simulachra, & quicquid conspicuum in templis, principatusq; insignia, & preciosissima supellex, equites item, & exercitus uniuersus pompam illiusmodi comitabatur. Vbi autem deduxerat, atq; in templo constituerat: sacris iam, celebritatibusq; peractis, maximas, altissimasq; turres ad id ipsum extructas conscendebat: inde scilicet in plebem missilia sparsurus, aurea uidelicet, argenteaq; pocula: uestesq; & lintea omne genus: bestias præterea cicures omnes, exceptis suis, quibus ipse (ut mos est Phoenicibus:) abstinebat. Multi igitur inter rapiendum perire: partim inuicem proculcati, partim militum contis transfixi: sic, ut ea celebritas calamitatem quamplurimis attulerit. Ipse identidem aurigans, aut saltans conspiciebatur: quippe ne latere quidem sua patiebatur flagitia: procedens etiam in publicum pictis oculis, genisq; purpurissatis, faciemq; suapte natura formosam, indecoris coloribus inficiens. Quod animaduertens Mæsa, ac
suspectans

suspectans
quid ac
persuade
solum
Mamma
cui: opor
mus uac
sufficiend
quos illi
præstaret
num homi
id honor
nuncupa
donis reg
per se a
nus Senec
persuader
quo illi ma
re Caesar d
Antonino ej
quod ille no
natus amos
uero filium
quam Alex
fatum Ant
et choros a
restitu eodem
ter Mamma
no clam a
famq; edoc

suspectans militum indignationem, metuensq; ne si illi
 quid accidisset, ipsa rursus in privatam vitam relaberetur:
 persuadet leui alioqui, stolidoq; adolescenti, ut sibi con-
 sobrinum suum, nepotemq; ipsius ex altera filiarum
 Mammæa prognatum, adoptaret: ita ad gratiam lo-
 cuta: oportere iam ipsum sacerdotio, religioniq; nu-
 minus vacantem bacchari, ac deum celebrare orgia:
 sufficiens autem alterum, qui res curaret humanas,
 quiq; illi principatum vacuum ab omni molestia, curaq;
 præstaret. neq; tamen peregrinum aliquem, aut alie-
 num hominem requirendum: sed consobрино potissimum
 id honoris tribuendum. Is erat Alexianus, qui tum
 nuncupabatur Alexander: auito ipso nomine in mace-
 donis regis nomen commutato: nam eum regem fama
 per se celebrem, etiam magnopere coluerat Antoni-
 nus Seueri filius, quem fuisse amborum parentem,
 persuadere anus conabatur: iactato filiarum incesto,
 quo illi magis, magisq; a militibus diligerentur. Qua-
 re Cæsar declaratus Alexander, consulq; factus cum
 Antonino est: senatu scilicet per ridiculum decernente,
 quod ille uoluerat: hoc est, uideri ipsum patrem, qui
 natus annos foret circiter quatuordecim: Alexandrum
 uero filium, qui tum duodecimum attigisset. Postea igitur
 quàm Alexander Cæsar est appellatus: uolebat eum
 statim Antoninus suis illis institutis imbueret: ut scili-
 cet choros agitando, saltansq;, et sacerdotij particeps,
 uestitu eodem, atq; artibus uteretur: quem tamen ma-
 ter Mammæa ab omni illa foeditate uindicabat sum-
 mis clam doctoribus omnium disciplinarum: mode-
 stamq; edocens, ac palæstra, uirilibusq; gymnasijs in-

HERODIANI HIST.

suefaciens: græcisq; eum pariter, & latinis literis insti-
tucis. quibus rebus magnopere Antoninus indignabatur:
iamq; adoptionis, imperijq; participati pœnitebat. Qua
propter omnes illius doctores aula exegit: quosdamq;
illustriores partim morte, partim exilio affecit: ridiculas
allegans causas q̃ filium ipsius corrumpere: neq; agi-
tare eum choros, atq; ebacchari sinerent: sed ad mode-
stiam componerent, & uirilia officia edocerent. Eoq; ue-
cordie prouectus est: ut omnes scenicos artifices, ac thea-
tricos ad maximas imperij dignitates promoueret. Quip-
pe exercitibus saltatorem quendam præfecit, qui olim
iuuenis publice in theatro operas dederat: alium item
e' scena iuuentuti, alium senatui, alium etiam equestri
ordini præposuit. Aurigis item, & comœdis, mimorumq;
histrionibus, maxima imperij munia demandabat: ser-
uisq; suis, aut libertis, ut quisq; turpitudine reliquos
anteibat: procuraciones tradebat provinciarum. Ita re-
bus omnibus, quæ grauias olim, honestaq; censebantur:
per omnem contumeliam, ac temulentiam debacchan-
tibus, cum cæteri omnes, tum in primis romani mili-
tes indignabantur: contemnebantq; eum, utpote uul-
tum componentem elegantius, quàm foeminam pro-
bam deceret: insuper aureis monilibus, molliissimq;
uestitu haudquaquam uiriliter ornatum: saltantemq;
in conspectu omnium. Quare propensiores animos in
Alexandrum habebant: spemq; meliorem in puero
modeste, & continenter educato: seruabantq; eum di-
ligenter omnes ab insidijs Antonini. Mater autem Mam-
mæa neq; poculentum aliquod, neq; esculentum gusta-
re puerum sinebat, quod ab illo mitteretur. coquis au-
tem &

tem & pincernis utebatur puer, non quidem imperatoris, aut communibus: sed quos mater tantum delegerat, ac spectatae fidei futuros arbitrabatur. Dabat item furtim pecunias mater: quas ille inter milites clanculum diuideret, ut eorum beneuolentiam etiam pecuniæ pignore (hanc enim illi potissimum spectant:) haberet authoratam. Quæ intellegens Antoninus, nihil non insidiarum Alexandro, matriq; intendebat: quas tamen omnes arcebat, prohibebatq; communis auiæ Mæsa: mulier alioqui acerrima: multosq; annos in aula cum sorore sua Iulia Seueri coniuge commorata. Nihil itaq; cam latebat, quod Antoninus moliretur: homo suapte natura futilis, & qui omnia, quæ placerent, propalam loqueretur, atq; ageret. Postea uero quàm insidie parum procedebant: detrudere puero Cæsaris honorem decreuit. Itaq; neq; saluari, neq; iam foras procedere patiebatur: milites autem magnopere illum requirebant indignantes, siquidem imperium quoq; adimerebatur. Sed Antoninus famam ulgauit, quasi iam obijisset Alexander: ut scilicet periclitaretur, quoniam id animo laturos milites foret: at illi nusquam comparente puero, præterea animis rumore illo exulceratis indignabundi, neq; solitam custodiâ miserunt Antonino: & inclusi castris uidere Alexandrum uelle in ipso templo distabant. Eo metu ictus Antoninus Alexandro secum in uehiculo imperatorio confidente, quod erat auro multo, gemmisq; exornatum: contendit in castra. cæterum portis reſeratis accipere utrumq; milites, atq; in templum castrorum deduxerunt: salutantes supra modum, & lætis clamoribus prosequentes Alexandrum, spreto propemodum An-

HERODIANI HIST.

tonino. Quæ ille ægre ferens, cum in templo castrorum
pernoctasset: iratus militibus, notatos, qui Alexandro
acclamauerant, quasi seditionis & tumultus authoribus,
arripi omnes ad supplicium imperauit. quod illi ægre
ferentes, atq; Antoninum iam antea quoq; perosi, cum
tollere e medio principem foedissimum optarent, suisq;
commilitonibus ferre suppetias: rati hoc esse tempus ip-
sum, statim Antoninum, matremq; Soenidem, quæ for-
te illic aderat, interfecerunt: cumq; eis seruos, ministrosq;
omnes scelerum, quicunq; tum in ea castra conuenerant.
Cæterum Antonini, & Soenidis cadauera trahenda
per contumeliam plebi tradiderunt: quæ diu per totam
urbem raptata, ac dilaniata, postremo in cloacas abie-
cta sunt: ut inde scilicet in Tyberim deferrentur. Sic
Antoninus sexennium imperio occupato, uitaq; (ut di-
ximus) acta simul cum matre occisus est. Milites autem
Alexandrum imperatorem consalutatum in aulam pa-
latinam deduxerunt: adolescentulum admodum, atq;
adhuc auicæ præceptis obtemperantem.

mulieribus
suam, gr
sedem o
sanctio
liarios a
tur, nisi ill
militibusq;
ex contume
tiam red
le proprijs
finsq; resti
tione ad ho
ad pristina
autem cons
frenses, in
mis: milit
commendab
imperium
obij: hono

69

HERODIANI A MARCI
PRINCIPATV HI-
STORIAE LIBER
SEXTVS.

¶ Vem igitur habuerit finem uitæ ma-
ior Antoninus, in superioribus demon-
stratum est. Alexander autem post il-
lum, nomen, insigniaq; gerebat im-
perij: cæterum negotiorum admini-
stratio, ac principatus gubernacula,
mulieribus incumbabant: omnia transferre ad mode-
stiam, gravitatemq; conantibus. Quippe iam primum
sedecim ordinis senatorij viros ætatis gravitate, uitæq;
sanctimonia præcellentes assessores principis, & consi-
liarios delegerunt: nihilq; aut dicebatur, aut ageba-
tur, nisi illorum accedente suffragio. Grata igitur populo,
militibusq;, ac senatui præterea forma principatus erat:
ex contumeliosissima tyrannide ad optimatum guberna-
tionem redacta. Igitur primo deorum simulachra, quæ il-
le proprijs sedibus extulerat: suis quæq; templis, delubris,
fanisq; restituerunt: dein quos ille temere, aut uitiorum no-
mine ad honores, dignitatesq; extulerat: submotos inde
ad pristinam uitam omnes, artificumq; redegerunt. Res
autem cunctas, atq; administrationes, civiles quidem, &
forenses, insignibus doctrina uiris, legumq; peritissi-
mis: militares autem claris bellicæ uirtute hominibus
commendabant. cumq; diu ad hunc modum regeretur
imperium: Mæsa iam extremæ senectutis diem suum
obijt: honores adeptæ imperatorios, atq; (ut mos Ro-

HERODIANI HIST.

manis est:) inter diuas relata. At Mammæa cernens iam
 solā se filio reliquā, præesse ad eundē modū, moderariq;
 studebat. cumq; adolescentem summam habere iam cer-
 neret authoritatem, metu ne uiuida ætas in summa pote-
 state, licentiāq; rerum, in cognata aliqua impingeret ui-
 tia: undiq; aulam seruabat: neq; adiri a quoquam adoles-
 centem patiebatur, cuius uita moresq; improbarentur:
 ne scilicet bona indoles corrumperetur, prouocantibus ap-
 petitum eius iam uigentem assentatoribus in extremas li-
 bidines. Persuaserat autem, ut actibus incubaret meliore
 diei parte: idq; faceret quamsepiissime: ne quod spatium
 superesset uacadi malis artibus occupato rebus potioribus,
 ac necessarijs imperanti. Cæterum suapte natura suberat
 Alexandro mite, mansuetumq; ingenium, propensumq; ad
 humanitatem: quod ipsam ætas etiam consequens decla-
 rauit. quippe annis. xliij. anæmation, hoc est citra sangui-
 nem gessit imperium: ne uno quidem oaso. Licet enim
 permulti maximis criminibus impegerint: tamen ab il-
 lorum cæde semper abstinuit: quod utiq; non facile a quo-
 quam omnium imperatorum, quique Marco successerint:
 factum, obseruatumq; inuenies. Neminem quisq; illo im-
 perante cōmemorare potest, cui mors indemnato sit illata.
 Matrem uero etiam incusabat, eiq; grauius suæcensebat:
 q; esset pecuniæ auidior, et opum cumulandarū studiosior
 uidebatur. Etenim cum simularet ideo se thesauros conge-
 rere Mammæa, ut suppeditare Alexandro posset: quod is
 facile, abundanterq; suis largiretur militibus: proprios
 domi thesauros extruebat. Quæ res imperatori notam
 infamiæ attulit: q; illo scilicet inuito, atq; indignabundo
 etiam, mulier auida per fraudem bona quorundam, atq;

herod
 puella
 gratia
 timida
 uellet, et
 meliorum
 apud A.
 Mammæa
 fuerit in
 habitu si
 hil non
 lier, inte
 perator
 fiebant
 pramo
 bebant:
 mansuet
 tici, etiam
 ner. Ignor
 dem ad
 gubernasse
 iopotamia
 Artaxare
 Artabano
 oq; diaden
 in quoq; ex
 timiles fac
 sed super
 re per Me
 opposita

hereditates suppilabat. Dedit item filio in matrimonium
 puellam patritij generis, quam etiam marito charam,
 gratamq; in primis, eadē paulopost aula per omnem con-
 tumeliam exegit. Et cum ipsa tantum uocari Augusta
 uellet, eamq; appellationem puellae inuideret: eo contu-
 meliarum prouecta est: ut puellae pater, quamuis magnae
 apud Alexandrum generum authoritatis: impatiens
 Mammæe iniuriarum, quas ipsi, natae q; inferebat: con-
 fugerit in castra: gratiam se habere Alexandro dictitans
 habiti sibi honoris: cæterum Mammæam accusans, ni-
 hil non contumeliæ inferentem. Quare indignata mu-
 lier, interfici eum quidem iussit: puellam uero ædibus im-
 peratoris exactam, in Africam relegauit. Hæc aut omnia
 fiebant inuito, coacto q; Alexandro: quippe illi mater su-
 pra modum imperitabat: ac dicto audientem semper ha-
 bebat: ut hoc tantum reprehendi in Alexandro possit, qd
 mansuetudine nimia, et reuerentia maiore, quam oportu-
 erit, etiam contra animi sui sententiam, matri obsequere-
 tur. Igitur cum ad hunc modum. xiiij. annos (quod qui-
 dem ad se attineret:) sine querela cuiusquam imperiū
 gubernasset: ecce tibi haud opinato literæ e Syria, Me-
 sopotamia q; redditæ a ducibus: in quibus scriptum esse
 Artaxarem Persarum regem, Parthis iam deuictis, atq;
 Artabano, qui rex magnus primus appellatus est: dupli-
 ciq; diademate utebatur: non solum orientis regno, sed ui-
 ta quoq; expulso, subigere uicinos barbaros, ac sibi ue-
 stigales facere: neq; iam intra flumen Tigrim tenere se,
 sed superatis ripis, ac romani finibus imperij, excurrere
 per Mesopotamiā: Syriae q; munitari: omnemq; Europæ
 oppositam continentem, quæ mari Aegæo, freto q; propon-

HERODIANI HIST.

idos terminatur: atq; Asiae nomen habet: cum ueterem Persarum possessionem sibi uindicare: quod iam inde à Cyro, qui primus imperium à Medis in Persas trāstulit: ad Darium usq; extremum Persarum regem, cui regnum Alexander abstulerit: cuncta olim Ionia, Cariaq; tenus à Persarum satrapis gubernarentur. quare sui muneris esse, curare nunc, ut uetus, atq; integrum imperium Persis restitueretur. Quibus intellectis Alexander motus, atq; haud mediocriter re subita, inopinataq; perturbatus, (quippe in altissima pace educatus à puero, atq; urbanis delitijs innutritus:) conuocato prius amicorū consilio, decreuit legatos cum literis mittere, qui spem barbaris, conatusq; inhiberent. Igitur literæ in hanc sententiam compositæ: oportere illum suis finibus contentum, nihil rerū nouarum moliri: neq; sublatum uana spe, ingens excitare bellum. debere unumquemq; suis fortune acquiescere: non perinde sibi pugnam processuram aduersus Romanos, ut aduersus uicanos, & eiusdem corporis barbaros. admonabat præterea uictoriarum, quas contra eos Augustus, ac Traianus, Luciusq; item, & Seuerus adepti fuissent. Huiusmodi literis Alexander persuasurū se barbaro, metu scilicet perterritō, pacē, quietemq; arbitratur. Quibus ille contemptis, remq; armis potius, quàm uerbis gerendam ratus, tum uero ferocissimus ingruere: decursaq; ac perequitata Mesopotamia omni, prædas agere: atq; oppugnare Romanorum castra imposita fluminum ripis, quæ scilicet imperij limites tuerentur. Cumq; homo esset natura gloriosus, ac sublimes animos gereret: successu rerum inopinato subacturum se omnia uidelicet existimabat. neq; enim parua erant, quæ illius animum ad maius concu-

piscend
Paribus
figidem
der ab
quq; Ale
Aliaq; t
dissarū
lore, p
barbari
positū
notum
quit ad
res, reg
subactū
bat. Qu
minime
comitū
animi
tur in
constru
gre idone
omnibus
habendis
frent. At
conuocatis
sententiam
femodi
mobi, ut
lus Letitia
egitauerim

piscendum regnum inflammabant. Primus namq; ipse Parthis bellum inferre ausus, Persarum recepit imperiū. siquidem post Dariū illum, cui regnum macedo Alexāder abstulerat: per multis sanē annis, Macedones ipsi, quiq; Alexandro successerunt: diuisas inter se orientis, Asiæq; totius regiones gubernarunt: sed ortis inter ipsos discordijs, ac frequentibus bellis attrito Macedonum robore, primus Arsaces Parthus persuasisse earum regionū barbaris memoratur: ut à Macedonibus deficerent: impositq; sibi diademate, Parthorum, barbarorumq; uiciorum consensu, & ipse regnum tenuit, & posteris reliquit ad Artabanum usq; regem: quo interfecto Artaxares, regnoq; Persis restituto, uicinaq; barbaria per uim subacta, facile iam romanam quoq; potentiam laceſcebat. Quæ ubi Alexandro Romæ agenti nuntiata sunt: minime iam ferendam putans insolentiam barbari, uocantibus illuc se ducibus, ægre scilicet tandem, contraq; animi sui sententiam ad expeditionem se comparat. Igitur in Italia, prouincijsq; reliquis delectus habebantur cunctorum, qui uel habitudine corporis, uel ætatis uigore idonei fore ad pugnam uiderentur: motusq; ingens omnibus romani imperij regionibus extitit delectibus habendis, qui tantæ barbarorum multitudini pares forent. At uero Alexander urbanis omnibus militibus conuocatis in campum, consensuq; tribunali, in hanc sententiam uerba fecit. Cuperem commilitones eiusmodi habere orationem apud uos, quæ & dicenti mihi, ut consueuerat ornamentum, & uobis audientibus letitiam conciliaret. Nam cum multos annos pacem agitauerimus: siquid noui nunc audieritis, fortasse quasi

HERODIANI HIST.

præter spem aciderit, expauescetis. Decet autem uiros fortes, atq; moderatos optima quidem optare: sed ferre quæcunq; incidant. Vt enim, quæ cum uoluptate agimus dulcia: ita quæ cum uirtute, gloriosa sunt. atque ut is qui prior laceffit, ipse sibi iniurius uidetur: ita qui propulsat iniuriam, confidentior ex conscientia fit: atq; ex iustitia spem bonam mutuatur. Artaxares uir persæ, posteaquam Artabanum dominum suum interfecit, atq; ad Persas imperium transtulit: etiam nostra arma laceffere despecta maiestate romana: etiam incursare, ac uastare nostras provincias aggreditur. huic ego per literas a principio studui persuadere, ut inexplibilem illam uecordiã omitteret: ne uel aliena concupisceret: at ille barbara insolentia prouectus, neq; se continere suis sedibus iam uult: et nos ad pugnam provocat. Ne cunctemur igitur, ne uel prælium detrectemus: sed quicumq; seniores hic adestis: admonete quamprimum illum tropeorum, quæ plurima aduersus barbaros se uero, atq; Antonino parente meo duobus excitastis. quibus autem ætas integra est: laudem hanc in primis, ac gloriam concupiscite: ut intelligant omnes, scire uos non solum pacem mansuete, ac reuerenter colere: uerum etiam, cum res postulat, fortissima præliari. Quippe barbari, ut cedentibus, detrectantibusq; acriter instant: ita repugnantibus minime resistunt. neq; enim illis collata acies spem uictoriæ pollicetur: sed excursibus, fugaq; utentes, lucrari se denuum putant, quæ scilicet rapuerunt. at nos, cum omnia composita, ordinataq; habeamus, tum illos uincere, ac profligare semper didicimus. Talia quedam locutum Alexandrum alacri uociferatione milites exceperunt: ac se promptissimos

ad bella
iubet ad
cuius in
sacris de
si, roma p
mons: sed
lis affecer
si cupidat
multis ann
nato itinere
fer: magis
contendit
gner com
teris bellis
ignat illi
regem: qu
cum ipse i
sarm, que
ro barbarus
si: ipse qua
siqui elegit
on si uos leg
in Romanos
legationis eius
qui Artaxar
cui, Asiaq;
laudare: sunt
omnibusq; ip
uq; distinge
prehendi

ad bellandum ostenderunt. Ille diuiso largiter stipendio, iubet ad iter attingi: mox ad eam ferme sententiam locutus in senatu, diem discessui præstituit: quæ ubi aduenit: sacris de more peractis, deducente senatu, populoq; uniuerso, Roma proficiscitur, respectans identidem, ac lachrymans: sed neq; popularium quisquam fuit, qui sitis oculis aspexerit abeuntem. Quippe omnem multitudinem sui cupidam habebat: educatus ab ipsis, imperioq; tam multos annos modestissime administrato. Cæterum festinato itinere, cum illyriacis etiam gentes, exercatusq; lustrasset: magnis inde quoq; uiribus collectis, Antiochiam contendit. in ea ciuitate, quæ belli usus postularet, diligenter comparabat: exercendis etiam militibus, ac cæteris bellis muneribus pertractandis intentus. Visum igitur illi est, legationem iterum mittere ad Persarum regem: quæ de pace, amicitiaq; cum illo ageret: nam cum ipse iam afferret, minime desperabat, aut persuasurum, quæ uellet, aut certe perterrefacturum. Enimvero Barbarus romanos oratores re infecta domum remisit: ipse quadringentos e suis proceritate insignes, uesituq; eleganti, auroq; exornatos, equis, atq; arcibus confectos legatos ad Alexandrum mittit: perterritum iri Romanos putans aspectu illo, cultuq; Persarum. legationis eius hæc erat sententia. Iubere magnum regem Artaxarem Romanos, eorumq; principem Syria omni, Asiaq; quæcunq; ex aduerso Europæ sita est, decedere: sinere Persas Ionia, Cariaq; tenuis dominari, omnibusq; ijs regionibus, quas mare Aegæum, pontusq; determinat. Hæc afferentes legatos, quadringentos comprehendi Alexander iubet: omniq; adempto cultu

HERODIANI HIST.

in Phrygiam relegat, uicis, agrisq; concessis, quos cole-
rent: contentus hoc supplicio interdicti in patriam redi-
tus: quippe occidere nefarium facinus, minimeq; uirile
arbitrabatur: neq; in acie captos, & sui regis mandata
executos. His ad hunc modum peractis, comparante iam
se, ut flumines transgrederetur Alexandro, ac Romano-
rum exercitum in barbarorum agros deduceret: defecerunt
ab illo milites nonnulli ex Aegypto acciti: neq; non
in Syria quoq; res novas contra imperium moliti alij:
sed uniuersi tamen oppressi statim, supplicioq; affecti
sunt. Quosdam etiam exercitus in regiones alias tran-
stulit Alexander, ut inde barbarorum incursiones fa-
cilius arcerentur. Quibus ordinatis rebus, magnosq; iam
coacto exercitu, cum primum se haud imparem fore
aduersariorum copijs credidit, de amicorum sententia
milites trifariam distribuit: sic, ut unam partem iube-
ret, spectantem ad septentriones, facere iter per Arme-
niam, quæ regio amica Romanis uidebatur: atq; illinc
Medorum fines incursare: alteram item ad septentrio-
nem per barbarorum agros contendere: ubi confluentes
Tigris, & Euphrates densissimis paludibus excipi, atq;
ob id eorum latere egressus dicuntur: tertiam porro exer-
citus partem ipse adducturum se aduersus barbaros me-
dio iam itinere pollicebatur: ita enim putabat diuersis
itineribus imparatos eos, ac sic nec opinantes oppressu-
rum: Persarumq; copias semper ingruentibus Romanis
ocursantes, distractum iri: atq; imbecilliores futuras,
minusq; ordinate praelium suscepturas. Neq; enim merce-
nario milite utuntur barbari, quemadmodum Romani
consueverunt: neq; statuis castris exercitus habent, qui
bellorum

bellorum actibus exerceantur: sed omnis multitudo uiro-
 rum, nonnunquam autem mulierum quoque regis congre-
 gantur imperio: quæ mox bello peracto, suas protinus in
 sedes dimittitur: ea demum præmia belli referens, quæ cuique
 ex rapina superfuerint. Arcibus autem, et equis non in
 prælio tantum more Romanorum utuntur: sed a pueritia
 usque enutriuntur una uenatu inuigilantes, pharetrati-
 que semper, ac nunquam ex equis desilientes, siue bellum ge-
 rant, siue feras conficiant. Sed hoc Alexandri consilium, et
 si longe optimum prima specie uidebatur: statim tamen for-
 tuna destituit: siquidem exercitus contendere per Armeniam
 insus, uix, ægreque superatis eius regionis asperissimis, præ-
 ruptissimisque montibus, quanquam æstus tolerabilius iter
 faciebat: impetu in Mediam facto, uicos concremauit, præ-
 damque abegit. At rex Persarum intellecta re, confestim quam
 maximis potuit copiis auxilio adfuit: ceterum arcere illinc
 Romanos minime poterat: quippe aspera regio peditibus
 quidem stabilem gressum facilemque transitum præbebat:
 at barbarorum equitatus montium asperitate, et cursum
 difficiliorem, et iter habebat impeditius. Nuntiatum dein
 regi est, exercitum alterum Romanorum, Parthorum in
 agros, quæ ad orientem spectant, impetum fecisse: quare
 metuens, ne Parthis facile superatis, mox in Persiam gras-
 sarentur: relictis copiis, quantæ ad tuendam Mediam satis
 fore uidebantur: ipse cum toto exercitu ad orientis partes
 accelerabat. Ceterum exercitus romanus comparente, ac
 repugnante nullo, negligentius iter faciebat: ratus Ale-
 xandrum cum tertia parte copiarum, quæ maximæ,
 ualentissimæque forent, in medios incurrisse barbaros:
 itaque resistentibus illis, atque ob id exercitum retentanti-

HERODIANI HIST.

bus, minime sibi properandum putabat: ut qui se tutos crederent, praestituto antea loco, in quem pariter uniuersi cū praeda abacta, captiuisq; omnibus conuenirent. Sed eos Alexander fefellit: neq; enim aut ipse uenit, aut exercitum adduxit: incertum metu ne proprio, ne ipse imperium tuendo uita periclitaretur: an quia mater retinuerit, muliebri pauore, & charitate filij nimia: siquidem omnes illius generosos spiritus retundebat: suadens alios potius periculis exponeret, quàm ipse in acie consisteret. quæ res exercitum romanum fines barbarorum ingressum planè prodidit. Etenim Persarum rex omnibus copijs occurrens, imparatis, minimèq; expectantibus, quasiq; intra retia undiq; concludens, omnem Romanorum exercitum prostrauit. Quippe pauci plurimè resistere haud poterant: semperq; nudas corporis partes armis aduersus impetum sagittarum protegebant: satis præclare agere secum existimantes, si nulla edita pugna, integri recessissent. Sed cum aliquandiu confertim clypeis sese quasi muro circumsessissent, atq; omnes undiq; uelut urbs aliqua oppugnarentur, consauciarenturq;: tandem ubi diu fortiter resisterant, occisione occiderunt. Ingens hæc calamitas, & qualis nulla facile memoratur, Romanis incidit: amisso ingenti exercitu, uel fide, uel robore cuilibet antiquorum exercituum conferendo: Persam uero maiorum spe rerum impleuit tantarum successus rerum. Quæ ubi nuntiata Alexandro sunt, grauissime tunc ægrotanti, siue ex moerore animi, siue insolentia cæli: cum ipse tulit modestissime, tum exercitus omnis grauius imperatori succensebat: quippe ipsius mendatio, minime signis seruatis, proditos ab eo suos milites dictitabant.

lites distabant. Caterum Alexander morbi, celiq; illius æstiosi impatiens, laborante pariter omni exercitu, maximeq; Illyriani, qui humido, hibernoq; celo insueti, largiusq; cibum capientes, letaliter agrotabant: redire Antiochiam constituit: acatis etiam eod' militibus, qui montium tamen atq; hyemis asperitate attriti, paucissimis tantum reliquis, perierant. Copias autem quas secum Alexander habebat Antiochiam reduxit, multis inde quoq; amissis. Quare magnum exercitui mœrorem, magnum Alexandro dedecus ea res attulit: cum scilicet omnibus locis fortuna illius consilium sefellerit: siquidem plurimi e' triplici illo exercitu (ita nanq; distruebat:) considerati sunt diuersis calamitatibus, morbo, ferro, frigore. Ut uero Antiochiam peruenit Alexander: facile & ipse conualuit, spiritu illo celi, & aquarum abundantia, post æstuosos Mesopotamiæ calores reffectus, & milites uniuersos recreauit, consolatus etiam mœstiam illorum pecunijs elargiendis: id enim solū ualere ad conciliandos militū animos arbitrabatur. Copias autem instaurabat, cōparabatq; de integro: quasi iterū in Persas exercitum deducturus, si molesti esse pergerent, neq; ab iniuria desisteret: sed & rex Persarū dimisisse milites suā quenq; domū nuntiabatur. nam quis bello superiores fuisse Barbari uideretur: tamen prælijs crebris in Media, Parthiaq; gestis pars ceciderant: alij attriti, & saucijs supersuerant. neq; enim segniter Romani deuicti: sed ipsi quoq; interdum exitiosi hostibus, nullaq; adeo re magis perierunt, quàm quoniam prouociores deprehensi. nam cum ferè par utrinq; numerus cecidisset, reliquæ Barbarorum, non quidem fuisse uiribus superiores, sed numero uidebantur: cuius rei

HERODIANI HIST.

argumentum est, q̄ triennio mox, aut quadriennio barba-
 ri nequaquam arma resumpserunt. Quibus intellectis
 Alexander Antiochie commorabatur: hilariorq; iam, &
 liberior laxatis bellorum curis, urbis eius delitijs indul-
 gebat. Enimvero putante illo, tum quieturos Persas: aut sa-
 ne multum spatij, moraq; intercessurū, priusquam exer-
 citum de integro cogerent: haud facile, cum semel dissipa-
 tus est, in unum coeuntem: utpote incertum, atq; inordina-
 tum: vulgusq; potius, quā exercitum: tantumq; commeda-
 tum habentem, quantum sibi unusquisq; ad præsentem
 usum domo attulisset: præterea ægre filios uxoresq; &
 sedes proprias relinquentem: statim nuntij, literaq; ab
 illyricis procuratoribus adfuerunt, qui eum uehementer
 perturbarent, curamq; animo maiorem inijcerent. Quip-
 pe significabant Germanos Rhenum, Danubiumq; tras-
 gressos, romanos in fines hostiliter intrasse: oppugnareq;
 iam exercitus ripis insidentes: perq; urbes, & uicos ma-
 gnis copijs excurrere: quapropter haud leuiter illyricas
 nationes conterminas, uicinasq; Italiae periclitare: opus
 esse igitur ipsius præsentia, totoq; quantum secum exerci-
 tum haberet. Hæc & formidinem Alexandro, & illyri-
 cis militibus mœstitiā attulerunt: quippe duplici se ca-
 lamitate usos intellegebant: quod & ipsi male accepti in
 acie aduersus Persas fuerant: & suos domi cæsos à Ger-
 manis audiebant. Quare indignabantur, atq; Alexan-
 dro succensebant: tanquam res in oriente prius, uel metu,
 uel negligentia prodidisset: nunc autem rebus ad se-
 ptentrionem uocantibus, metu cunctaretur. Erant autem
 Alexander iam, atq; amici illius etiam de ipsa Italia
 solliciti: neq; enim par periculum à Persis, atq; à Ger-
 manis

manis impendebat: nam qui sub orientem habitant ma-
 gno terrarum marisque intervallo discreti, Italiae uix no-
 uen aud.unt: at illyricae gentes angustae uidelicet, neque mul-
 tum agri Romanis subiecti possidentes, solae discrimen fa-
 ciunt inter Italiam atque Germaniam. Edicit itaque profe-
 ctionem ingratam, atque aegreferens, sed urgente tamen ne-
 cessitate. Relictis autem copiis quantas fore satis tuendis
 Romanis ripis arbitrabatur: castrisque, et castellis dili-
 gentius communitis, ac praesidio firmatis, ipse aduersus
 Germanos cum reliqua omni multitudine appropinquabat:
 confectoque celeriter itinere constitit ad Rheni ripas, atque
 ibi res ad bellum necessarias comparabat: pontemque pri-
 mo iunctis inter se nauigijs fecit in Rheno flumine: ut
 per eum exercitus transgrediretur: quippe hi maxime
 fluminum sub septentrione feruntur, Rhenus, ac Danu-
 bius: quorum alter Germanos, alter Pannonios praeter-
 fluit: atque aestate quidem nauigabiles altissimo, latissi-
 moque alueo, per hyemem dein concreti gelu, campo-
 rum in morem perequuntur. Est autem adeo eius auei
 solida glacies: ut non equorum ungulis tantum, pedi-
 busque uirorum subsistat, sed qui hausturi inde sunt: non
 tam urnas, aut uasa alia secum afferant, quam secu-
 res ac dolabras, ut caesam inde aquam sine uase ul-
 lo ueluti lapidem abspontent. haec igitur illorum an-
 nium natura est. Alexander autem Mauros compluris,
 ac uim ingentem sagittariorum, quos secum ex oriente
 adduxerat: partim ex agro Osrhoenorum, partim e
 Parthia transfugas, pecuniaue illectos, aduersus Ger-
 manos instruebat: quippe huiusmodi milites maxime
 Germanos infestant: cum et Mauri longius iacula in-

HERODIANI HIST.

torqueant: sinuq; faciles ad incursum, recursusq; utpote le-
ues, atq; expediti, & sagittarij ruda Germanorum ca-
pita, praegrandiaq; illa corpora facile eminus ueluti signu
aliquod contingant. Nonnunquam uero etiam collata acie
res gerebatur: ex qua Germani persaepe haud impares
Romanis abibant. Cum in his Alexander uersaretur: de-
creuit tamen oratores ad illos de pace mittere, qui polli-
cerentur, omnia illis principem romanum, quorum foret
opus praebiturum, pecuniasq; daturum magna copia: sune
enim Germani pecuniae in primis auidi, nunquamq; non
auro pacem Romanis componantur. quare Alexander pa-
cem foederatq; potius ab illis emerari, quam periclitari
bello tendebat. Caterum miles romanus iniquo animo fe-
rebat frustra se tempus terere: nulla occasione fortiter
quicquam, animoseq; gerendi, intento aurigationibus (ut die-
bant) ac delitijs Alexandro, cum contra oporteret uindi-
care potius Germanos, poenasq; ab ijs exigere audaciae.
Erat autem in exercitu Maximinus e quoda Thraciae,
& quidem intimae uico, semibarbarus homo: & qui a
pueritia opilio fuisset: dein uignte aetate ob corporis pro-
ceritatem, uiresq; ingentes equo stipendia fecerat. Postre-
moq; fortuna quasi manu ducente, ac praeuia, cum per oes
militiae gradus ascendisset, etiam ad exercituum, prouin-
ciarumq; praepositas euaserat. Hunc igitur Maximinu
ob eam, quam supra diximus rei militaris peritiam, ti-
ronibus uniuersis Alexander praefecerat: quos ad militiae
munera exerceret, atq; ad bellandum idoneos redderet.
Qui cum in eo negotio nihil sibi ad oem diligentiam reliq-
faceret, maximam scilicet a cuncto exercitu gratiam inibat:
non solum quae gerenda forent assidue edocens, sed ipse
etiam

etiam primus obiens, quæ usus posceret: ut non discipulos tantum, sed æmulos etiam, atq; imitatores haberet suæ virtutis: quos etiam muneribus omniq; genere honorum sibi adiungebat. Quapropter adolescentes, quorum bona pars ex Pannonia erat: læti uirtute Maximini uulgo obrectabant Alexandro, q̃ sub matris auctoritate adhuc esset, nihilq; non ex arbitrio, consilioq; illius administraret, bellumq; segniter & timide gereret: ferentes identidem sermonibus inter se, quantum detrimenti cunctatione illius in oriente accepissent: nihilq; adhuc fortiter, ac uiriliter gestum aduersus Germanos. Quare & suapte natura proni ad res nouandas, & tam longum principatum grauati, minus iam lucrosus, omni ambitione pridem consumpta, tum sperantes alterum mox principem adepto præter expectationem imperio, plus ali- quantum utilitatis, honorumq; ipsis, ac studiij delaturum: decreuere Alexandrum obtruncare, ac Maximinum uocare Augustum, commilitonem uidelicet, & contubernalem: prætereaq; rei militaris peritia maxime præsentî bello idoneum. Cũ igitur frequentes in campum conuenissent: uenienti de more ad exercendos tirones Maximino, dubium ignaro, an re prius composita, purpuram circumdant, imperatoremq; salutant. Ille primo reniti, & abijcere purpuram: ut autem nudos intentari gladios à militibus uidit: occisuros nisi cederet minitantibus, futurũ, quàm præsens periculum præoptans honorem scilicet recepit fortunamq; illã sepe (ut aiebat) oraculis, ac somnijs præmonstratam, testatus milites prius, inuitum, retrectantemq; se cogi, sed illorũ tamen obsequi uoluntati. Quamobrẽ quæ ipsis placherint, resanciant: sub

HERODIANI HIST.

latisq; armis etiam praevento rumore, Alexandrum idem rei totius ignarum opprimam: ut milites illius, ac stipatores re subita perterriti, aut sponte cum reliquis consentiant, aut certe dum imparati sunt, nihilq; eiusmodi expectant: etiam ingrati subigantur. Postea uero quam beneuolentia omniu, atq; alacritatem prouocauit: duplicata scilicet annona, ingentiq; promisso donatio, paenisq; omnibus, ignominijsq; remissis, confestim ad Alexandri tabernaculum, quod haud procul abesset, uniuersos educit. His ille nuntiatis, uehementer rei nouitate perturbatus, atq; exterritus prosilit e tabernaculo uesano similis: lachrymansq; et tremens, nunc Maximinum perfidum, ingratumq; uocare, enumeratis, quaecunq; in illum beneficia contulisset: nunc tirones accusare, qui neglecto sacramento, adeo proteruiter id facinus auderent: postremo autem polliceri daturum se, quae uellent: emendaturumq; si qua desiderarent. sed milites, qui eum tuebantur: faustus in praesens acclamationibus prosecuti, defensuros eum cunctis uiribus affirmabant. nocte autem exacta, cum iam lucesceret: nuntiantibus quibusdam adesse Maximinum, pulueremq; haud procul excitatum uideri: ac uoces magnae multitudinis exaudiri: rursus in planitiem egressus Alexander, conuocare milites, rogare ut se defenderent: tuerenturq; eum, quem ipsi educuissent: quoq; iam .xiiij. annos imperante, sine ulla querela uixissent: commotisq; miseratione omnibus, arma capere, ac resistere hostibus imperabat. At milites, et si omnia principi pollicebantur: paulatim tamen alij alio dilabebantur. quidam etiam praefectum praetorij, atq; Alexandri familiares ad supplicium deposcebant: ortam ab illis defectionem causantes: alij matrem ipsius accusabant

accusabant auarā foeminā, & quæ pecunijs conge-
rendis, ob sordes nimias, parsimoniamq; erga milites in-
uisum cunctis Alexandrum reddiderit. Igitur aliquan-
diu hæc inter se diuersi dictitantes, stabant adhuc ta-
men. Vt uero exercitus Maximini in conspectum uenit:
atq; hortari commilitones cœpit, ut mulierem sordidam,
& pusillum adolescentem etiam tum sub matris seruitio
stantem desererent: seq; uiro forti, probosq; aggregarene
commilitoni ipsorum, atq; in armis semper, bellicisq; mu-
neribus uersato: confestim uniuersi ab Alexandro descie-
runt: atq; unanimiter imperatorē Maximinum consaluta-
uerunt. At ille tremens, atq; exanimatus in tabernaculum
reuertitur: matrisq; implicatus, & ut aiunt, conquerens,
atq; incusans, qd ob illam talia pateretur: expectabat in-
terfectorem. Maximinus autem postquam eum exercitus
uniuersus Augustum appellauit: tribuno & centurionibus
aliquot, negotium dat Alexandri, matrisq; una, & qui-
cunq; uim contra facerent occidendorum: qui facto impetu
in tabernaculū, statim ipsum cum matre, amicisq; & ho-
noratissimo quoq; obtruncant: exceptis qui paulo ante fuga
sibi, ac latebris consulissent: quos tamen uniuersos haud
multo post comprehensos Maximinus ipse morte affectit.
Hunc finem habuit uitæ Alexander una cum matre: cū
annos quatuordecim sine ulla subiectorum querela, atq;
adeo sine sanguine imperasset: siquidem a cædibus &
crudelitate abhorres, neminem nisi iudicio damnatum pe-
riri patiebatur: ad humanitatem uidelicet, ac beneuolen-
tiam propensus. Quapropter nisi filium mater auara,
ac sordida infamasset: nihil plane desiderari in illius gu-
bernatione imperij potuisset.

HERODIANI A MARCI
BRINCIPATV HI-
STORIAE LIBER
SEPTIMVS.

q

Valem se gesserit Alexander qua-
tuordecim annorum imperio, supe-
riore uolumine exposuimus. Interea
Maximinus rerum potitus, mutata
uehementer rerum conditione, aspere,
ferociterq; adepta potestate utebatur:
sic, ut ex molli, mansuetiq; imperio ad tyrannidis crude-
litatem uertere omnia contenderet. Nam cum se inuisum
hominibus cognosceret: quod primus ex infimo loco ad eā
fortunam peruenisset: praeterea moribus perinde, ut gene-
re barbarus, patrioq; instituto cædis audissimus, ad id po-
tissimum dabat operā, ut imperium sibi seuitia constabi-
lirer: scilicet metues, ne senatui, reliquisq; omnibus romanæ
ditionis hominibus contemptibilior fieret, dum non tam in-
co præsens fortuna, q̄ nataliū obscuritas spectatur. Quip-
pe iam id tritum, vulgatumq; apud omnes, opilionē fuisse
in Thraciæ motibus: dein corporis uastitate, ac robore in-
ter eius regionis tenuissimos milites ascitū, quasiq; manu
ductum a fortuna ad romanū imperiū. Quare omnes
confestim amicos, consiliariosq; Alexandri a senatu lectos
subtulit e medio: partimq; Romā dimisit: partim, admi-
nistrationem rerū causatus, officio priuauit. Id eo consilio
fecit: ut solus esset in exercitu, neminemq; prope se habe-
ret ex consuetudine nobilitatis potiorē, sed uelut ex arce qua-
dam, citra ullius reuerentiam tyrannidis operibus uacare

per omni
nos su
pifidas
ri mast
litem ir
piratis
mag
lari, qui
impar
peram
confe
confe
Germ
sese
inmane
pugna
fuerit
constat
probat
milites
ca, dum
fructu
no. Cæ
urati
da pot
e simul
disse, r
dem t
irreue
in ad
tar inc

posset: omniaq; Alexā dri ministeria, quibus ille per tot an-
nos usus fuerat: ex aula eiecit: plurimis etiā interfectis,
q; insidias uidelicet suspectaret, quando omnes illius inte-
ritu mæstos esse intelligebat. Cæterū magis, magisq; crude-
litatem irritauit coniurationis cuiusdā in se delatio: con-
spiratis in unum centurionibus permultis, omniq; senatis
romano. Magnus erat quidā nomine, patritius, & consu-
laris, qui delatus imperatori est: quasi manum contra ip-
sum compararet, ac militibus persuaderet, ut ad se im-
perium transferrent: consiliū aut huiusmodi fuisse puta-
tur. Pontem construxerat Maximinus supra flumen, qua
aduersus Germanos trāsiret: ut enim primum summam
rerum suscepit, statim bellica facinora affectauit: siquidē
ob immanem corporis staturā, & militare robur, ac pe-
ritiam pugnandi ascitus ad imperiū, re ipsa famam con-
firmare, atq; opinionem militum tendebat: ut metum illū,
& conctationem Alexā dri in prælijs capeffendis iure im-
probatam fuisse coargueret. Quare nihil sibi ad exercen-
dos milites reliqui faciebat: & cū ipse in armis assiduus
erat, tum exercitum uehemēter adhortabatur: sed tum con-
structo, ut diximus, ponte, transire in Germaniam statue-
rat. Cæterū Magnus haud sanē paucis militibus, sed qui
uirtute cæteros anteirent: atq; ijs potissimum, quibus custo-
dia potis, curaq; fuerat demandata: persuasse dicebatur,
ut simulac Maximinus in alterā ripam peruasisset, ponte
abscisso, redituq; intercluso Barbaris eū proderent: siqui-
dem tanta erat amnis illius profunditas, ac latitudo: ut
irremeabilis fore uideretur: nullis præsertim nauigijs
in aduersa ripa. Talia scilicet sermonibus fereban-
tur: incertum uero, an composita fraude: neq; enim faci-

HERODIANI HIST.

lit sententia: parum explorata re, citraque iudicium, aut defensionem ullam correptis, interfectisque omnibus, quoscunque suspicio attigerat. Sed et militum Osrhoenorum defectio nonnulla oborta est: nam cum magnopere indoluissent Alexandri nece, ac forte fortuna in quendam ex illius amicis, cui nomen Quarcino fuit: paulo ante è castris à Maximino dimissum incidissent: correptum, atque retrectantem, neque tale quippiam cogitantem, ducem sibi delegerunt: purpuramque eum, praelatoque igni, funestis scilicet honoribus condecoratum, nihilque minus optantem, ad imperium protulerunt: qui tamen haud diu post in tabernaculo dormiens, à contubernali quodam suo, et, ut credebatur, amico, per insidias occiditur. Macedoni nomen fuit: qui et antea Osrhoenis praefuerat, et nunc primus eisdem author fuerat deficiendi à Maximino: cumque nulla subesset odij, aut inimicitiarum causa: tamen eum occidit, quem ipsemet corripuerat, atque ad suscipiendum imperium perpulerat. Sed enim magnopere tunc gratum se Maximino facturum putans, abscisum Quarcino caput dono obtulit. Verum Maximinus quamvis eo facinore letus, gaudensque praereptum sibi hostem: tamen illum haud modica sperantem, putantemque sibi insignem gratiam reulatum iri: extremo supplicio affecit: cum defectionis authorem, interfectoremque eius, cui facinus iniuito persuaferat: atque infidum homini, quem antea pro amicissimo habuisset. Huiusmodi igitur cause magis, magisque animum exasperabant Maximini: atque ad seuitiam exacuebant, etiam antea sua sponte crudelissimum. Ceterum aspectu quoque erat horredus: uasto, atque imani corpore: ut nemo illi, uel exercitissimorum Graecorum, uel pugnacissimorum bar-

barorum conferri possit. His ita dispositis rebus, collecto exercitu omni, ac ponte intrepide pertransito, bellum Germanis intulit: secuti illum magna uis mortalium, ac pene omnes barbarorum copiae. Ad hæc Maurisij iaculatores, sagittarijque quamplurimi: præterea Osrhoeni, et Armenij, quorum hi Romanis subiecti, illi in amicitia fuerant, societatemque asciti: tum siqui ex Parthis aut pecunia conducti, aut transfugæ, aut item capti bello Romanis seruiiebant. Hæc autem multitudo coacta ab Alexandro prius, aucta dein, atque exercita à Maximino fuerat. Cæterum iaculatores, sagittarijque gerendo aduersus Germanos bello magnopere idonei uidentur: siquidem expediti hostem opprimunt incautum: facileque rursus in tutum se recipiunt. At uero Maximinus hostilem ingressus agrum, diu, nemina qui resisteret inuento, (quippe omnes abscesserant barbari:) regionem illorum depopulabatur maturis iam segetibus: uicosque omnes incendendos, diripiendosque militibus tradebat. Sunt autem urbes, ædificaque illa maxime incendijs obnoxia: rara apud Germanos structura est lapide ac lateribus coctilibus: densisque potius syluis, quorum confixis, coagmentatisque lignis, quedam quasi tabernacula ædificant. Igitur Maximinus in eam regionem grassatus, populatis segetibus, omniisque pecore captiuo militibus permisso, nullos adhuc hostes inuenerat: siquidem campestres regiones, locaque ab arboribus pura deseruerant: atque intra sylvas, et paludes delituerant: ut inde præliarentur, atque eruptionem in hostem facerent: etenim densitas illa arborum, sagittis, iaculisque hostium allatura impedimentum, et paludum altitudo periculosa Romanis locorum ignavis, ipsis autem facilis expeditaque fore uidebatur, non

HERODIANI HIST.

ignavis, quæ usquam peruia, quæ inuia, & genus te-
nus quotidie per illas discursantibus. Sunt autem Germa-
ni peritissimi natandi: ut qui tantummodo in fluminibus
laudentur. In huiusmodi igitur locis pugna inita: ubi etiam
imperator ipse romanus fortissime prælium inchoauit.
nam cum ad ingentem quandam, vastamq; paludem uen-
tum esset: intra quâ Germani fugâ se receperant: ueren-
tibus Romanis eodem hostes insequi, primus Maximinus
equo paludē ingressus, cum quidem etiam supra aluum
equus uoragine hauriretur: magna uir repugnantes barba-
ros contrucidauit. Quare exercitus reliquus pudore in-
flectus, ne prodere pugnantem pro se imperatorem uide-
retur, ausus & ipse est paludem ingredi: nulliq; utrinq;
cecidit: ita tamen, ut nullus pene barbarorum fuerit
reliquis, dimicante insigniter romano principe. quare &
stagnum cadaueribus oppletum, & palus sanguine confu-
sa, pedestris prælii naualem faciem præferebat. Hanc igitur
pugnam, suâq; ipsius fortia facinora, non solum per li-
teras senatui, populoq; romano significauit: sed etiam de-
pictam maximis imaginibus ante curiam publicauit: ut
non tam audire quæ gesta forent, quàm etiam subijcere
oculis Romani possem. eam tabulam deinde una cum re-
liquis illius honoribus senatus substulit. Fuere item alia
prælia, quibus omnibus ipse manu pugnam capeffens, ac
fortissime dimicans explendebat: multisq; captiuis, atq;
ingenti abacta præda, instante hyeme in Pannoniam re-
uersus est: intraq; urbem Sirmium, quæ maxima om-
nium eius regionis habetur: in hibernis agens, ad uer-
nam sese expeditionem comparabat: identidem mini-
tans, id quod etiam præstiturus uidebatur, excisurum,

subacturumq; oceano tenus omnes Germaniæ barbaras
nationes. Talis utiq; fuit in bellicis negotijs: maximam re-
bus gestis claritudinem adepturus, nisi grauior multo suis,
ac truciulentior, quàm ipsis fuisset hostibus. Quo enim
barbaros interemptos, si longe plures in ipsa urbe Roma,
subiectisq; nationibus cedes edebantur? Quid prædam,
aut captiuos abactos proderat, si suis fortunis romanæ
ditionis mortales quotidie despoliabantur? quippe omnis
non modo libertas, sed instigatio quoq; delatoribus per-
missa: ut circumuenire quos uellent, renouareq; etiam si
ita usus posceret, usq; a progenitoribus ignota, atq; inde-
prehensa ad eam diem crimina liceret. neq; sane deli-
cti alicuius quispiam arcessebatur: quin idem continuo
reus perageretur, ac censu, fortunisq; omnibus expellere-
tur. Itaq; quotidie cerneret, qui pridie opulentissimi fuis-
sent, eos nunc emendicare supem. tanta uidelicet tyranni-
dis auaritia incessebat, assiduas erga militem largi-
tiones obtendentis. Erant præterea illius aures omni-
bus calumnijs patulæ: sic, ut nullius uel ætatis, uel
dignitatis rationem haberet. Igitur complures exerci-
tibus aut provincijs præpositos, consulares, triumphan-
tesq; uiros, leuissima, tenuissimaq; calumnia attactos,
corripere de improviso iubebat: ac sine ullis ministerijs so-
los uehiculis impositos, die, noctuq; iter facere ab orien-
te, aut occidente, si ita cecidisset, itemq; a meridie in Pan-
noniam usq; in qua tunc ipse morabatur: dein spo-
liatos, omniq; ignominia affectos, exilio, uel morte
puniebat. Quamdiu igitur unus, aut alter talia pa-
tiebantur, neq; ea calamitas extra ipsorum familiam
egrediebatur: non sane magnopere populorū, gentiumq;

interesse uidebatur: siquidem beatorum diuitumq; res ad-
uerse, non solum a plebe negliguntur: sed eis nonnulli
etiam prauo, malignoq; ingenio, ob inuidiam scilicet po-
tentiorum, atq; foeliciu delectantur. Postquam autem Ma-
ximinus plurimas illustrium uirorum familias ad aegesta-
tem redegit: leuiores iam illa, ac minora ducens, quam ut
ipsius cupiditati satisfacerent: animum ad publicas opes
transtulit. Igitur quaecunq; pecuniae civiles, aut ad publi-
cam annonam repositae, aut in plebem diuidendae super-
erant: tum quae theatris, ac celebritatibus seruebant, uni-
uersas sibi adiudicauit. Ad haec templorum omnium dona-
ria, statuetaq; deorum, heroumq; honores, tum quic-
quid publici operis, aut civilis ornamenti, aut materiae
deniq; fuit numus idoneae conficiendis: omnia pariter
ignibus conflabantur: quae res in primis animos multitu-
dinis exulcerauit: quasiq; luctum publicum effecit: cum
citra pugnam, atq; arma quasi oppugnationi esse urbs ob-
noxia uideretur: sic, ut quidam e populo contra resiste-
re, templaq; ausi tueri: etiam cadere ante aras deorum
immortalium, quam spectare patriae spolia praopta-
uerint. Hinc itaq; potissimum per urbes, atq; nationes
popularium animi intumuerant: ac nec milites quoq;
satis aequo animo ferebant: exprobrantibus inuidiose
consanguineis, atq; domesticis, et ipsorum culpa talia
patrare Maximinum dictitantibus. Huiusmodi igitur
causae minime profecto leues ad odium, ac defectionem
populos proritabant: ceterum uotis tantummodo age-
bant, laesa implorantes numina: nullo scilicet audente
profiteri se uindictam, donec exacto imperij triennio,
exigua, leuiq; occasione (ut sunt lubricae tyrannorum
res:) primo

res:) primo arma sumpserunt, rebellaruntq; Afri tali causa. Procurator erat quidam Carthagini, cui nihil ad extremam uel asperitatem, uel senitiam decrat: is dammandis iudicio hominibus, exigendisq; pecunijs fauorem principis aucupabatur: siquidem Maximianus, quos sibi factos cognoscebat, eos potissimum diligere consueuerat. Quicunq; igitur fisci rem curabant, si modo uiri probi forent: (quod perraro eueniebat:) aut procuratore exacerant, aut presenti periculo conterriti, gnariq; illius auaritiæ, quamuis inuiti, ceteros imitabantur. Quapropter Africae procurator, cum pleraq; alia uolenter factitabat: tum ab adolescentibus quibusdam nobilibus, atq; opulentiæ damnatione circumuentis, statim exigere pecunias intenderat: patrimonioq; illos, et auitis bonis exuere. Quibus rebus exacerbati adolescentes, pecuniam quidem se daturus pollicentur, petito trium dierum spatio: conspirantesq; interim in unum, quicunq; graue aliquid, uel passi fuerant, uel passuros metuebant: iubente nocte ex agris inuentutem cum fustibus, ac securibus adesse. Illi dominorum imperia exsequentes, uenere ante lucem uniuersi in urbem, cælantes sub uestibus arma, quæ cuiq; tumultuaria se obtulerant. Magna uero uis mortaliū confluxere: siquidem fecundissima hominum Africa, plurimos tunc etiā agrorum cultres habebat. Vt autem dies iam illuxit: iubent adolescentes pone se qui sexuorum suorum gregem, tanquam si e' reliqua essent populi multitudine: neq; tamen arma proferre prius, ac uim facere, quā ubi aliquos aut e' militibus, aut e' populo uiderint irruere contra se: atq; ire ultum facinus, qd gesturi mox essent. Ipsi reconditis intra sinum pugionibus, adeunt procu-

HERODIANI HIST.

ratores, tanquam cum eo de persoluendis pecunijs acturi: continuoq; nihil tale suspicantem neci dedunt. Ibi exercitantibus gladios illius militibus, atq; ire ultum uolentibus, repente agrestes cum fistibus, ac securibus occurrunt: fortiterq; pro dominis pugnantes, facile omnes in fugam uerterunt. Ad hunc modum negotio succedente, iuuenes desperatis semel rebus, unam sibi reliquam salutem fore arbitrat, si patratum nuper facinus, maiore aliquo facinore cumularent: statuunt in communionem periculi rectorem provinciae assumere: ac populos ad defectionem sollicitare, quod optari iam pridem ab uniuersis cognouerant. Maximi odio, sed metu prohiberi. Igitur cum omni multitudine nocte intempesta domum proconsulis petunt: is Gordianus fuit, proconsulatum sortitus eum, cum annum ageret circiter octogessimum: multarumq; ante prouinciarum fuerat rector, atq; in maximis spectatus negotijs. Quocirca facile susceptum iri ab illo imperium existimabant, quasi fastigium aliquod superiorum dignitatum: senatuq; et Po. Ro. gratum futurum principem: qui praeterquam, quod erat illustri ortus genere: etiam per honores plurimos, quasi per gradus quosdam ad imperij culmen ascendisset. Euenit autem, ut quo die haec agebantur, domi Gordianus resideret dilatis laboribus, omniq; actu reru suspenso: igitur adolescentes cum gladijs magna stipante multitudine, proturbatis ianitoribus impetum in aedes faciunt: eumq; supra grabatum requiescentem offundunt: circumfusiq; senem purpura induunt, atq; Augustalibus honoribus consalutant. Ille re subita exterritus, insidiasq; et dolum in se compositum ratus, deicit humi se ex grabato, obsecrans parcerent seni, a quo nihil iniuriarum accepissent: fidemq; principi,

principi, & beneuolentiam seruarent. Instantibus autem illis, ac nudos manu gladios tenentibus, cum partim metu, partim ignoratione haudquaquam sciret Gordianus quid sibi ea res uellet: quæq; subita fortune causa foret unus e numero adolescentium, qui & nobilitate, & facundia ceteros antiret: reliquis tacere, & paulisper quiescere iussis, dextra capulum tenens, in hanc sententiam uerba fecit. E' duobus periculis, quorum alterum præsens manifestumq;: alterum futurum forsitan, dubiq; euentus: eligendum tibi hodie alterutrum est: ut aut nos, teq; unâ serues, & spem meliorem, qua omnes freti sumus, amplectaris: aut iam iam nostris manibus intereas. quod si potiora malueris, multa ad spem bonam uitiata sunt. Quippe inuisum omnibus Maximinū, pestemq; illam crudelissimæ tyrannidis tolles: uitamq; antehac præclare tibi actam illustri gloria cumulabis: maximosq; a. S. P. Q. R. honores, ac sempiternam laudē nascēris. Sin uero abnueris, ac nobiscum conspirare pernegaueris: iam iam te hic obtruncabimur: atq; ipsi quoq; si oportuerit, occiso tibi immoremur: maius namq; facinus ausi sumus, quā ut salui esse citra desperationem possimus. iacet enim tyrannidis minister: luitq; poenas crudelitatis, nostris nunc nuper manibus interceptus. quapropter si consenseris nobiscum, atq; in partem periculorum accesseris: cum ipse hominē rē imperij consequēris: tum, quod nos facinus perpetravimus, laude, quā supplicio dignum reputabitur. Dum hæc loquitur adolescens, impatiens moræ cætera multitudo, cum quidem eodē iam ciuitas uniuersa re uulgata conuerrisset: Gordianum unanimes Augustum appellant. Ille, quamuis recusaret,

HERODIANI HIST.

ac senectutem obtenderet: tamen suapte natura gloriæ
avidior, haud egre tandem honorem suscepit: malens fu-
turum dein, quam præsens iam periculum subire. simul
ætate iam exacta, minime recusandum putabat: quin, si
ita res posceret, etiam imperatorijs honoribus immorere-
tur. Igitur statim tumultuari omnis Africa: sublatiſq; Ma-
ximini honoribus, ciuitates pleræq; imagines Gordiani, ac
statuas ponere. Sed eum quoq; a se cognominarunt Afri-
canum: nam qui ad meridiem Libyes habitant: Afri ro-
mana uoce nuncupantur. At Gordianus aliquot dies Thy-
siri commoratus, qua in urbe hæc acta fuerant: nomen
imperatoris iam, cultumq; gerens, Carthaginem profici-
ſcitur: ut in ciuitate maxima celeberrimaq; omnia quasi
Romæ agerentur. siquidem urbs illa, uel opibus, uel po-
puli frequentia, uel magnitudine tantum Romæ concedens,
cum Alexandri urbe ægyptiaca de secunda palma con-
tendit. Sequebatur autem ipsum principalis pompa omnis,
militesq; quicunq; aderant: iuuenesq; urbani proæra sta-
tura ad eorum similitudinem, qui Romæ imperatore co-
mitantur: uirgæ item laureatæ, quo insigni principes a pri-
uatis dignoscuntur: prætereaq; ignis de more præfereban-
tur: ut speciem, fortunamq; exiguum sanè ad tempus Ro-
mæ ciuitatis Carthago repræſentaret. Cæterum Gor-
dianus literas complereis, ad primum quenq; Romam
miſſi tabat: atq; ad proceres ſenatus, quorum erant ei per
multi amici, ac neceſſarij. Scripſit item publice ad. S. P.
Q. R. ſignificans Afriorum erga ſe conſenſum: ſimulq;
accuſans Maximini crudelitatem, quàm eſſe omnibus ma-
gnopere inuiſam ſentiebat. Ipſe omnem præ ſe manſue-
tudinem ferebat: nam & delatores omnes exilio afficiat:

& ijs,

et ijs, qui
defendenda
curiam reſta-
tuta largita
pallabantur. I-
dem, ſerum, et
ſimulq; Ma-
ximianum
ſimulq; ceteros
proſcribere qu-
peruadendum, et
periculum pro-
prietatibus non
ſolius tabellæ
ſignare impera-
torum ante
hoc eſſe vitallia
ſeris ſecretis, et
uocis ſeruari, et
in literas arctate
motu arbitrio d-
ſcriptionibus cum i-
mere: dein ſigni-
ficum ſuis occulte
ſe ſoluit omnia
cum quo tempore
nem perire ſolu-
e dixi nondum
non dilucere
ne cellulam in

Et is, qui parum iusto iudicio damnati fuerant, iterum
 defendendi sui potestatem indulgit. quin exules quoque in
 patriam restituebat: ac militibus plura se, quam quisquam
 antea largiturum, populoque ingens daturum congrarium
 pollicebatur. Idem praefectum quoque praetorii Vitalia-
 num, ferum, crudelemque hominem, charissimum, deu-
 tissimumque Maximino, in ipsa urbe curauit interimen-
 dum. siquidem suspectans, ne ille suis inceptis fortiter re-
 sistendo, ceteros quoque metu deterritos a se auerteret: mit-
 tit provinciae quaestorem adolescentem audacissimum, cor-
 pore validum, atque aetate florentem, promptumque ad om-
 ne periculum pro se suscipiendum, traditis centurionibus,
 ac militibus nonnullis, cui etiam literas dedit obsequatas
 duplicibus tabellis, per quas arcana, occultaque negotia si-
 gnificare imperatores consueverunt. Iubet itaque illos in-
 trare urbem ante lucem: ac dum adhuc in actibus occu-
 patus esset Vitalianus, accedere ad eum intra cellulam,
 ubi res secretas, atque arcanas ad salutem principis per-
 tinentes scrutari, atque inquirere consueverat: habere se ad
 eum literas arcanas a Maximino dicentes: ac uelle etiam
 remotis arbitris de rebus ad securitatem imperatoris
 spectantibus cum illo colloqui: ac mandata principis ex-
 ponere: dein signis agnoscendis occupatum, pugionibus,
 quos in sinu occultos haberent, de improviso confoderent.
 quae scilicet omnia ex sententia successerunt. Etenim ante
 lucem quo tempore prodire illi mos fuerat: inveniunt ho-
 minem penè solum, paucis tantum circumstantibus: quip-
 pe alij nondum uenerant: alij salutato abierant, prius
 quam dilucesceret. Igitur uacante illo, ac paucis duntaxat
 ante cellulam inuentis, ubi quae supra diximus nuntiauerat

HERODIANI HIST.

runt, facile scilicet intromissi sunt: porrectisq; epistolis, cō-
templātem eum signa diligentius, prolati pugionibus con-
fodiunt: nudosq; eos manibus prae se tenentes prosiliunt,
omnibus loco cedentibus: nam id Maximini factum impe-
rio putabant: quando idē saepenumero etiam in eos face-
re consueverat, qui antea ipsi charissimi uidebantur. Dein
uadentes media sacra uia, proponunt epistolam Gordiani
ad populū literasq; item ab illo consulibus ipsis, ceterisq;
reddunt, uulgata etiā fama interfecti Maximini. Quod
ubi auditum est: statim uniuersus populus discurrere un-
diq; furēti similis: nam & si ubiq; uulgus semper ad res
nouas leuissimum: tamen romana plebs in primis, quae ex
magna uariaq; etiā peregrinorū multitudine constat: lon-
ge ceteris mobilior est. Igitur statuæ, atq; imagines Maxi-
mini, ceteriq; honores statim cōuulsi: clausumq; antea for-
midine odiū, licentia iam, & potestate adepta, nullo prohi-
bente effundebant. Quare senatus quoq; frequēs, & si de
Maximino certū nihil habebat: ex præsenti fortuna rem
coniectans, abolitis illius honoribus, Gordianum, filiumq;
ipsius Augustos declarauerūt: statimq; delatores atq; acu-
satores uniuersi, aut effugerunt, aut ab ijs quos offenderāt
occidebātur. procuratores autem, & qui ius in illius crude-
litatis ministeriū dicebant: tracti a plebe sunt, abiectiq;
in cloacas. Multi item insontes occisi: nam & creditorem
suum quisq; & aduersarium in forensibus causis, & ut
quēq; aliquis leuissima de causa oderat, impetu in do-
mum factō, lonisq; direptis trucidabant: ita sub specie
libertatis, pacisq; prætēxtu, auilis belli facinora edē-
bantur. quā præsēctum quoq; urbi Sabinum prohibe-
re talia conantem, fuste capiti illiso mactauerunt. hæc
igitur

igitur popu-
lus periculū
liandis ad
cū legatione
bantur: electi
hominibus, co-
latur: qui prae-
patriam capere
suaderentq;
eius propri-
um illis an-
plēriq; legat-
perpulerunt
dibili apud
tur omnibu-
cum Maxim-
uniuersi ad
qui legatos a-
terent, adhi-
tissimis a Ma-
Romane cui-
Maximino
cū, tamen i-
dem, alteroq;
retu it. Ceter-
tales, & si re-
mis, audacia
quēq; taceba-
tū erat Ma-
omniūq; n-

igitur populus agitabat. Enimvero senatus, quando iam se
mel periculum subierat: metu Maximini, nihil sibi ad sol=
licitandas ad defectionē provincias reliqui faciebat. Quo
circa legationes undiq; ad rectores provinciarum mitte=
bantur: electis ē senatorio, equestriq; ordine clarissimis
hominibus, cum literis, quibus S. P. Q. R. mens expone=
batur: qui procuratores ipsos hortarentur, uti communem
patriam capefferent, curiamq; Romanam tuerentur: per=
suaderentq; nationibus, ut in fide Po. Ro. perseverarent:
cuius propriū antiquitus imperium foret, ueterrimumq;
cum illis amicitiae ius a maioribus institutum. Quo circa
pleriq; legatis benigne exceptis, populos ad defectionem
perpulerunt: quod scilicet prouum fuit: adeo incre=
dibili apud omnes odio Maximinus laborabat. Igi=
tur omnibus, quicunq; apud ipsos magistratum gerentes,
cum Maximino sentiebant, repente ad unum occisis, ipsi
universi ad Romanos defecerunt: pauci tamen inuenti,
qui legatos ad se missos interficerent, aut ad ipsum mit=
terent, adhibitis custodibus, qui deinde omnes exquisi=
tissimis a Maximino supplicis affectu sunt. hēc muns
Romane ciuitatis, hic animus fuit. Quæ postquam
Maximino runtiata sunt: quanquam tristis, ac soli=
citus, tamen illa se contemnere simulabat: ac primo qui=
dem, alteroq; die, domi quietus ad amicos de eo negotio
restitu. Caterū exercitus omnis, cunctiq; eius regionis mor=
tales, & si rem omnem intellexerant, intumuerantq; ani=
mis, audacia rerum tantarum, ac nouitate: tamen pro se
quisq; tacebant: ac se ignorare omnia simulabant. quippe
tantus erat Maximini motus, ut nihil illum planē latiret:
omniumq; non solum uerba, sed nutus quoq; speciemq;

HERODIANI HIST.

oris obseruaret. Tercio uero die conuocatis in campum ante urbem militibus suis Maximinus, tribunal inscendit: atq; ex libello orationem ab amicis compositam in hanc sententiam recitauit. Scio me uobis incredibilia nouaq; dicturum: sed, ut ego existimo, non tam admiratione, quam risu digna. Arma uobis, uestre q; uirtuti non Germani inferunt sepe deuicti, non Sarmatae, qui de pace uobis quotidie supplicant: Persae item, qui olim Mesopotamiam peruagabantur: nunc suas intra sedes quiescere, boni consulunt, cum gloria in armis uestra, tum rerum a me gestarum periculo edocti, quae iam tum illis innotuerunt, cum tuendi ripas exercitui praesumimus. Verum (ne quid magis ridiculum dixerim) Carthaginenses insaniunt: atq; sene infelicitissimo et extremo iam aetatis delirante, dubium suasu, an coactu, quasi aliqua in pompa ludunt principatum. Quo enim freti exercitu, cum apud eos proconsulis ministerio lictores satisfaciant? Quibus porro usuri armis, ubi praeter lanceas exiguas ad feras excipiendas, nihil sit telorum? proq; bellicis exercitationibus, chori tantum, dictaq; procacia, et numeri quida usurpentur? Neq; uero uos perterrefecerint, quae facta in urbe nuntiantur: nempe Vitalianus per dolum, fraudemq; occisus est. Quam autem leue, instabileq; sit Ro. Po. ingenium, quam prompta clamorum tenuis audacia, notissimum scilicet uobis est: si duos modo, tresue armatos conspexerint, trudentes alter alterum, et proculcantes, ac suu quisq; periculum fugitantes, publicum neglectui habent. Quod si quis uobis etiam, quae acta in senatu sunt, renuntiuit: non est profecto, quod miremini nostram illis contentiam duriorē uideri, atq; ob id morum congruentiam, nitamq;

uitamq; illius luxuriosam nobis anteferri: quippe apud illos fortissima quæq; ac grauissima pro asperrimis, dissoluta atq; ebacchantia pro mitibus, uoluptarijsq; habentur. Quocirca nostrum quidem imperium, quoniã industrium, atq; moderatum, reformidant: Gordiani delectantur nomine, cuius infamia uitæ minime uos præterit. Igitur aduersus hos, atq; huiusmodi homines bellum uobis est milites: si tamen id bellum appellandum. nam ut mihi quidem, atq; adeo cæteris omnibus uidetur: non prius Italiam attigerimus, quàm illorum maxima pars ramos supplices, liberosq; suos præferentes, nostris se pedibus aduoluent: aut formidine degeneri fugam facient: ut mihi liberum sit, bona illorum uobis contribuere, quibus in perpetuum persruamini. Hæc cum dixisset, ac multa in ciuitatem, senatumq; uniuersum interpellatum probra iecisset: manuumq; gestibus minabundus, truciq; uultu, nutuq; oris quasi præsentibus irascens, profectiõnem in Italiam edicit: diuisoq; inter milites ingenti stipendio, uno tantum die interiecto facere iter incepit: magnum secum exercitum, atq; uniuersas adducens romanas copias. Sequebatur eundem etiam Germanorum haudquaquam negligendus numerus: quos uel armis subegerat, uel in amicitia, societatemq; adsciuerat: præterea machinæ, et bellica instrumenta: quæq; alia aduersus barbaros comparauerat. Cæterum tardius iter faciebat ob uehicula, resq; alias usui necessarias, quæ undiq; importabantur: nam cum repentinum id illi iter obuenisset: non cuiusquam providentia, ut consueuerat, sed tumultuario, ac festinato ministerio, quæ erant militibus necessaria colligebantur. Igitur præmittere Pannoniorum cohortes

HERODIANI HIST.

decreuit, quibus fretus maxime erat: quæq; primæ imperatorem consalutauerant: atq; ultro etiam pro illius salute omne periculum deposcebant. Iis igitur imperauit, ut cæteras copias præcederent, ac regiones occuparent Italiae. Dum in itinere Maximinus est, res interea Carthagini præter spem magnopere successerunt: erat enim Capellianus quidam senatorij ordinis uir, procurator Mauritaniae Romanis subiectæ, quæ ab ipsis Numidia appellatur: ea gens munita exercitibus fuerat, à quibus barbarorum incursus, ac populationes coercerentur: quare haud contemnendam militum manum circa se habebat. Cum hoc igitur Capelliano ueteres Gordiano similitates ex forensi quadam disceptatione intercesserant: quocirca nomen adeptus imperatoris, successorem illi misit: atq; abscedere prouincia imperauit. Ille ea re indignatus, ac principi suo deuotus, à quo magistratum quoq; eum accepisset: omni coacto exercitu, cum quidem fidem tueri, ac insurrendam persuasisset: Carthaginem contendit, maximas, ualentissimasq; copias secum adducens, uirosq; cum ætate florentes, tum omni armorum genere instructos, peritosq; rei militaris, atq; ex consuetudine præliorum aduersus barbaros magnopere ad pugnandum paratos. Ut uero nuntiatum Gordiano est, ad uentare ad urbem Capellianum: & ipse affectus est extrema formidine, & perterriti Carthaginenses uniuersi: qui scilicet in turba, potius quàm in exercitus aliquo ordine, collocata uictoriæ spe, cuncti pariter urbe effunduntur obuiam Capelliano. Cæterum senex Gordianus (ut quidam perhibent) simulatq; ille Carthaginem attigit, desperatis rebus, q̃ Maximino uires

ingentes, nullas in Africa opias esse uidebat: laqueo se suspendit: sed occultata illius nece, filium sibi ducem multitudo elegit. ita uentum ad manus est. Erant autem numero quidem plures Carthaginienses, sed inordinati, ac rerum bellicarum imperiti: quippe in altissima pace educati, festisq; et delitijs emolliti, nudiq; armis, omniq; bello instrumento, nam domo quisq; pugionem, aut securam, aut uenabulum, ut item praeuistas sudes, ut quisq; poterat acuminatas, ad tuendum corpus extulerant: Contra, Numidae iaculatores optimi, atq; equitandi peritissimi, sic ut equos etiam in frenos uirga tantum currentes moderentur. Quocirca facile Carthaginiensium plebs in fugam uersa: siquidem haud ferentes illorum impetum, omnes abiectis armis confestim effugerunt: trudentesq; inter se, et procubantes, multo sanè plures ipsi inuicem affligebantur, quam cædebantur ab hostibus. Hic et Gordiani filius cecidit, et quicumq; eum secuti: sic, ut prae multitudine interfectorum, neq; discerni ad sepulturam funera potuerint, neq; adulescentis Gordiani caduer inueniretur. Etenim ex tanta copia fugientium pauci duntaxat urbem ingressi: coniectiq; in latebras euaserant: ceteri ad portas conferti, ac pro se quisq; intrare primi urbem festinabundi, ab iaculatoribus numidis, ceterisq; armatis militibus contrucidabantur: maximo foeminarum puerorumq; euulatu, quorum ante oculos carissima pignora occidebantur. Sunt qui perhibeant, ut primum Gordiano, qui propter senium domi se continebat: nuntiatum sit Capellianum iam in urbem peruenisse: deplorata salute intra cubiculum se quasi dormitulum recepisse: colloq; Tōne in

HERODIANI HIST.

fert, qua praecinctus fuerat: sibi mortem consciuisse. Haec
 finis Gordiani fuit, foelicis antea vita, atq; in quadam
 principatus imagine extincti. Sed enim Capellianus Car-
 thagnem ingressus, praecipuum queng; ex ijs, qui e' pu-
 gna superauerant, neci dedit: ac neq; a' templis despo-
 liandis, neq; a' publicis, priuatisq; pecunijs diripiendis
 abstenuit: aditisq; urbibus reliquis, quacumq; honores Ma-
 ximini substulissent: in his praestantissimum queng; mor-
 te, ceteros supplicio afficiebat: agros autem uicosq; con-
 cremandos militibus tradebat, praetexto quidem ulciscen-
 di Maximinum. Ceterum clanculum militum sibi ani-
 mos concilians, ut sibi res a' Maximo titubassent:
 ipse ad occupandum principatum beneuolis militibus ute-
 retur. ita se uidelicet res in Africa habebant. Postea ue-
 ro quam Romae audita senis Gordiani mors est: ingens
 perturbatio. S. P. Q. R. ingensq; terror inuasit: extincto,
 in quem unum spes omnes suas collocauerant. Neq; enim
 illos praeteribat nemini iam par surum Maximinum, cum
 sponte alienum ab ipsis, atq; hostili animo: tum iustis etiam
 causis, & professo quasi odio succensentem. Itaq; frequen-
 tes in unum conuenere: ac de toto negotio deliberantes,
 quando semel in periculum uenerant: bellum compa-
 rare decreuerunt, duobus electis imperatoribus, qui
 Rempu. pari potestate administrarent: ne rursus princi-
 patus authoritas in Tyrannidem prouheretur. Conue-
 nerunt igitur non quidem in curiam, quo antea con-
 sueuerant: sed in templum capitolini Iouis, quod in
 arce summa praecipue uenerationis Rom. habent: ibi
 clausis foribus soli quasi teste, & confessore, atq; adeo re-
 rum omnium inspectore deo, selectis, qui aetate, ac di-

quate cen-
 cio ex om-
 fuffi agantib
 sepe exerci-
 ge siffi ma-
 contumetis o-
 uem parit
 nio; prouinc
 puplicior ha-
 relati, ac
 rous affectu
 requam in
 uoluptate, a
 es conat su,
 in militidm
 reuer, rebous
 nam in prin-
 eum lenis mu-
 rime offendit
 te, utrumq; p
 gere princi-
 neq; eo nome
 tem, ac Ma-
 bonis militib
 tito anabam
 nec subicien-
 ferunt. Era
 fua natus,
 quibusdam
 ludibundum

gnitate ceteros antecirene, de quibus suffragia ferrentur: duo ex omni numero Maximus, atq; Albinus plurimis suffragantibus imperatores creati. Horum Maximus cum saepe exercitiis praesuerat: tum praefectura urbi egregie gesta, maximam ingenij, providentiaeq; praeterea vitae continentis opinionem vulgo de se praebuerat: Albinus autem patritij generis homo, consulatu iterum gesto, multisq; provinciis sine ulla querela administratis, morum simplicior habebatur. Ita creati principes, Augustiq; appellati, ac senatusconsulto omnibus imperatorijs honoribus affecti sunt. Dum haec aguntur in capitolio: interea Populi Romani incertum subijcientibus Gordiani amicis, ac necessarijs, an tantum rumoribus exciti: facto ad portam concursu, viam qua itur in capitolium, totam congesta multitudine occupauerant: lapidesq; et fustes ingerentes, rebus in capitolio actis aduersabantur, ac Maximum in primis recusantes, seueriorem scilicet quam ut eum lenis multitudo facile pateretur. Quapropter eo maxime offendeabantur: clamantes identidem, ac minitantes, utrunq; se confestim occisuros: nam ipsi ex Gordiani genere principem sibi deposcebant, ut in familia, nomenq; eo nomen imperatorium remaneret. Albinus autem, ac Maximus equestri ordinis iuuentute, atq; urbanis militibus cum gladijs undiq; stipati, egredi capitolio conabantur: sed lapidibus, ac fustibus coherati, donec subijciente nescio quo ad hunc modum populo imposuerunt. Erat puer quidam infans adhuc ex Gordiani filia natus, nomen aui referens: hunc igitur submissis quibusdam, afferri ad se iusserunt: qui cum domum eum ludibundum offendissent, impositum in humeros, per me-

HERODIANI HIST.

diam ferebant multitudinem: plebi ostentantes, ac nepotium Gordiani dictantes, uocantesque eum nominatim, quoad in capitolium pertulerunt, populo subinde acclamante, et conspergente puerum fiondibus. Cum itaque senatus Caesarem illum declarasset: quando adhuc per aetatem Rempu. gerere non poterat, et ira multitudinis resederant: passi uidelicet sunt in aulam palatinam senes imperatores commigrare. Sed incidit per eos dies ciuitati Ro. funesta calamitas, orta de nimia duorum senatorum audacia: nam cum senatus haberetur de publicis negotijs: duo ex militibus Maximiani, quos in castris reliquerat, emeritae iam aetatis: ad fores curiae accesserunt exploratum quae gererentur: inermes uidelicet, tantumque subarmalibus et sagis induti. Cōstitere aut pariter cum reliqua multitudine: sed ceteris ante fores praestolantibus, duo, tres uel ad summam curiosiores audiendi, curiam ingressi: sic, ut ultra aram quoque Victori penetrarent. Hic senator quidam deposito nuper consulatu, Gallianus nomine, ac genere Carthaginensis, alterque item praetorius Meccenas, nihil tale expectantes milites, manusque adhuc sub sagulis habentes, repente adactis in corda pugionibus interficiunt: etenim omnis senatus ob recentem seditionem, tumultumque superiore alij propalam, pars clanculum gladios gerebant: quibus sua quisque salutem ab inimicorum insidijs tuerentur. Ita caesi milites, quod se de improviso defendere haud quauerant, prosirati ante altaria iacebant. quo uiso, ceteri confestim expauescunt commilitonum interitu, simul populi concursu formidantes, quod erant inermes, fugam arripuerunt. Ceterum Gallianus raptim se e curia in mediam multitudinem proripiens, gladiumque et manum stillantem sanguine ostendit.

ans, ad persequēdos occidendosq; .S.P.Q. R. hostes ami-
 cos sociosq; Maximini vulgus adhortabatur. quibus rebus
 inducta plebs, Gallicanum faustus excipit acclamationi-
 bus, militesq; lapidibus incessit, quatenus licuit persecuta.
 Ceterū cum se illi in castra recepissent: paucis tantummo-
 do vulneratis, clausis portis, armisq; arreptis castrorū mœ-
 nia defensabant. Verū Gallianus, quando semel tantum
 facinus ausus fuerat: bellum protinus civile, atq; omnibus
 perniciosum suscitauit. Quippe iussis effiingi publicis ar-
 mamentarijs, in quibus pompæ magis instrumenta, quàm
 belli asseruabantur: unde sibi quisq; munimentum corporis
 accommodaret: apertisq; item gladiatorum ludis, atq; uno
 quoq; proprijs armis ornato, præterea cunctis, quæcunq;
 intra domos aut officinas essent, hastis, gladijs, ac securi-
 bus direptis, cum quicquid occurreret, furor in arma con-
 uerteret: statim omnes conferti, conglobatiq; ad castra con-
 tenderunt: ac uelut urbem aliquam expugnaturi, murū
 ipsum, portasq; circūfuderunt. Ceterum milites ut pote
 pugnandi peritissimi, pinnis sese murorū, clypeisq; pro-
 tegentes, sagittarum iactu crebro, ac prælongis contis
 multitudinem repellebant. Postremo cum iam defatigato
 populo, saucijsq; magna ex parte gladiatoribus, atq; in
 uesperam uergente die, regredi in urbem decreuissent:
 conspicati milites securitatem abeuntium, (quippe mini-
 me ausuros putabant Romani, adeo paucos aduersus
 tantam multitudinem, castris eruptionem facere:) con-
 fectum uniuersi sese portis patentibus in vulgus il-
 lud hominum concitauere. Ibi gladiatores ad unum
 casti: magnaq; pars populi collisa. quo facto, cum
 haud procul castris recessissent: rursum sese intra muni-

HERODIANI HIST.

imenta receperunt. Hinc igitur maior senatus, Po. q; Ro. indignatio oborta: quare duces ex Italia omni probatissimum queng; delegerunt: iuventutemq; omnem collectam in unum, subitarijs armis, ac tumultuarijs adornarunt. Horum potissimum partem secum Maximus eduxit, ut aduersus Maximinum praeliaretur: reliqui ad urbis custodiam, tutelamq; relict. Interea quotidie ad muros castrorum dimicabatur: sed profectu nullo, defensantibus superne militibus, ictamq; et sauciam multitudinem foede repellentibus. At Albinus domi se continens, populo per edictum supplicabat, ut in gratia cum militibus rediret: quibus etiam omnium que patrauerant obliuionem, atq; impunitatem pollicebatur. Sed neueris id persuasum, gliscente in dies malo, ac populo indignante, q; tanta multitudo tam paucis contemptui foret: contra militibus ægerrime ferentibus, ea se a Romanis passos, que uix unquam a barbaris expectassent. Postremo, quando oppugnatio parum procedebat, uisum ducibus interuertere omnes riuos, qui in castra peruenirent: ut milites aquarum penuria, sitiq; conficerent. igitur abscindendo, obstruendoq; cunctos e castris aquarum riuos auertebant. Sed enim intellecto periculo milites, ac rebus desperatis, erumpunt uniuersi patentibus portis: congressiq; multitudinem fugientem in urbem usq; persequuntur. Sed ubi iam statario illo certamine plebs inferior intra domos se receperat: ac tegularum lapidumq;, et testarum iactibus desuper urgere coeperat milites: haud ausi illi ignota aedificia subire, clausis etiam domibus et tabernis, ignem ianuis, ac ligneis aedificiorum proiecturis, quales in urbe plurimæ sunt: illico admonerunt:

admonere
fulgurum
flagrantem
uis atq;
rimus, ne
uero pau
protipere
direpta pe
finitosiss
natum lo
sumperit,
adipiscit
rimus con
to ad arde
fiare: inff
militibus
bellum ciu
imq; eius
explicat

admonerunt: quo factum est, ut partim crebritate insularum, partim lignea materia bona pars urbis conflagrauerit: multiq; ex opulentis pauperes facti, maximus atq; egregijs amissis possessionibus, uel prouentu uberimus, uel splendore ipso, & uarietate pretiosis. Neq; uero pauci extincti mortales: q; ianuis igne occupatis, proripere se domo copia non fuerat: bonaq; diuitum direpta penitus: immiscente se militibus studio rapiendi facinorosissimo quoq; & tenui plebecula. Sed adeo peruagatum longe, lateq; incendium est: ut plus multo consumpserit, quam quantum spatij maxima quaq; urbs aedificijs occupet. Dum haec Romae geruntur, interea Maximinus confecto itinere Italiam attigerat: ac sacrificato ad aras, quae in finibus ipsis erectae sunt: pergit iter facere: iussis arma tenere, atq; instructa acie progredi militibus. sed cum & Africa defectionem, & Romae bellum civile, praetereaq; res a Maximino gestas, iterq; eius hactenus conscripserimus, reliqua deinceps explicabuntur.

HERODIANI A' MARCI
PRINCIPATV HI-
STORIAE LIBER
OCTAVVS.

q

Væ post interitum Gordiani gesserit
Maximinus, iterq; eius in Italiam,
prætereaq; Africæ defectionem, & in
urbe ipsa populi, ac militum seditio-
nes superiore uolumine recensuimus.

Enimvero Maximinus posteaquã ad
Italie fines peruenit: præmissis exploratoribus, qui spe-
cularentur an ullæ in alpium conuallibus, & densissi-
mis syluis insidiæ delitescerent: ipse in planum deductis
militibus, iubet armatorum acies quadrato agmine ince-
dere, ut ab ijs quamplurimum campi occuparetur: cun-
ctisq; in medium coactis impedimentis, ipse cum suis sti-
patoribus ueluti subsidio sequebatur: alijs utrinq; discur-
rentibus cataphractorum equitum, Maurisq; iaculatori-
bus, sagittarijsq; ex oriente, & equitatu Germanorum
quos auxiliares asciauerat: quosq; etiã præcipue opponere
hostibus consueuerat: ut primos uidelicet impetus excipe-
rent, feroces, audacesq; initio pugnae uiri: simul, ut si in
discrimen ueniretur, uilis potissimum barbaria illa peri-
clitaretur. Sed ubi totam planitiem seruatis ordinibus
transuaserunt: ad Italie urbem peruentum est, quæ
Ema a' cultoribus uocatur. Ea sita est in extrema pla-
nitie ad alpium radices: ubi speculatores atq; explora-
tores exercitus narrant Maximino uacuum relictam
urbem:

urbem: aufugisse omnes incolas templorum etiam, ac domorum ianuis incendio consumptis: atque omnibus, quae uel in urbe, uel in agris fuerant, exportatis, aut igni corruptis, nihil aut iumentis, aut hominibus alimentorum relictum. quae res grata in primis Maximino fuit: quod idem ceteros quoque populos suo quaque metu facturos arbitrabatur: contra milites indigne tulerunt: quod ab initio statim fame laborarent. Cumque noctem exegissent partim intra patentes, communesque omnibus domos, partim in planitie ipsa: statim sole oriente, ad alpes accesserunt. Hi sunt longissimi quidam montes, uice murorum Italiae circumdati: adeo in altum editi, ut etiam superare nubes uideantur: itaque in longum porrecti, ut uniuersam Italiam comprehendant: laeua ad Tyrrhenum pelagus, dextra ad Ionium usque pertingentes, densis ubique nemoribus infessi, atque angustissimis callibus, et rupium praerupta altitudine, scopulorumque asperitate uix peruij: nonnullis tamen quasi semitis magno ueterum Italorum labore manu factis. Quae propter ingens transiturum illac exercitum formido tenebat: sperantem summa iuga teneri iam ab hoste, nullosque non obstructos exitus ad se prohibendos. neque is metus de nihilo erat, locorum naturam contemplantibus. Postea uero quam sine ullo impedimento superatis alpibus in castra descenderant: laeti scilicet omnes instauratis animis uitulabantur: nihilque non sibi ex sententia cessurum Maximinus arbitrabatur, ne locorum quidem difficultati fidentibus Italis, intra quas latitare ipsi, et saluti suae consulere, praetereaque insidiari ho-

HERODIANI HIST.

subus, ac locis superne imminentibus pugnam capessere
potuissent. Sed ubi planitiem attigerunt: nuntiant explo-
ratores maximam Italiae urbem Aquileiam portas oc-
clusse: Pannoniorum acies, quæ præiuerant, acriter
murum oppugnasse: cæterum tentata re, sæpe omnes in-
cassum conatus euasisse: itaq; iam defatigatos recedere: la-
pidibus scilicet, & hastis, magnaq; sagittarum vi desu-
per ingruentibus. At Maximinus iratus Pannonijs, quasi
parum impigre præliatis, ipse cum exercitu reliquo ac-
celerabat: sperans nullo negotio se illius urbis potitu-
rum. Sed Aquileia prius quoq; ut erat ingens urbis eius
magnitudo, populo abundabat: & uelut Italiae quod-
dam emporium ad mare sita, quasiq; terminus Illyriæ;
copiam rerum è continenti per terram, fluviosq; conue-
ctam nauigantibus suggererebat, & ab ipso mari res ad
usum eorum, qui continentem colunt necessarias, uide-
licet superioribus terris propter hyemis asperitatem mi-
nus feracibus. maxime tamen uinum, cuius in ipsa regio-
ne maximus prouentus est: uicinis gentibus, ne uitem qui-
dem habentibus, assatim suppeditabat: ex quo factum,
uti super ciuium ingentem numerum, etiam magna uis
hospitum, ac mercatorum eam urbem frequentaret. Enim-
uero tunc etiam aucta multitudo: confluentibus illuc ex
agris quicunq; oppidulis, uicisq; circa relictis, fidebant
urbis magnitudini, ac uetustis moenibus dirutis quidem
antea magna ex parte: quippe in tanta Romanorum po-
tentia, neq; murorum, neq; armorum Italiae ciuitates in-
digeant: pacem altissimam agitantes, atq; in partici-
patum Reipublicæ: sed tunc urgente uidelicet necessita-
te renouatis,

te renouatis,
ac prop
communi
muro sum
summa po
fuitus, ac
uerant, ut
se, ut diu
erat item
tim ex pua
rei præter
rum præe
u primu
Maximius
qui illos all
to per sua
quidam
trea famili
enturione
fale illius
muro app
fauit.
positis arm
sacrisq; sic
pulo pos
si uelint
salere: q
fecerint
iporum

te renouatis, instauratisq; mœnibus, præterea turribus ac propugnaculis excitatis, totaq; urbe ad eum modum communita, clausisq; portis, noctem diemq; uniuersi pro muro stantes, hostem fortissime propulsabant. Duces erant summa potestate duo consulares uiri, lecti à senatu Crispinus, ac Menophilus: hi maxima diligentia procurauerant, uti necessaria quæq; in urbem importarentur: sic, ut diuturnior quoq; sustineri oppugnatio potuerit. Erat item in urbe magna aquarum abundantia: partim ex puteis sane frequentibus, partim è flumio muros prætersuente, ac pariter fossæ obiectus, & aquarum præbente copiam. His ita intra urbem comparatis, ut primum defendi muros diligenter, clausasq; portas Maximinus audiuit: decreuit mittere legatorum specie, qui illos alloquerentur: ac si possent, referari sibi portas persuaderent. Habebat autem in exercitu tribunum quendam Aquileiæ auem, cuius nati, atq; uxor, præterea familia omnis in urbe erant conclusi: quare eum, centurionesq; nonnullos quasi oratores mittit: sperans facile illius auctoritatem municipales secuturos: qui ubi muro appropinquarunt: in hanc sententiam uerba faciunt. Iubere communem imperatorem pacem depositis armis colere: seq; amicum pro hoste accipere: sacrisq; faciundis uacare, quàm cædibus: miserari patriam paulopost, si obstinati persisterint, ruituram: licere ipsis, si uelint, una opera sibi quenq; & salutem patriæ consulere: quippe obliuionem, ueniamq; omnium quæ fecerint, optimum principem polliceri: quando nihil ipsorum, sed omnia forent aliena culpa contracta.

HERODIANI HIST.

Talia quedam sub muro legati magna uoce pronun-
tiabant: sic, ut facile exaudiri, si non plane ab omni-
bus, certe ab ea multitudine possent, quæcunq; supra
muros, turreisq; constiterat: etenim taciti omnes legatori-
dictis aures dediderant. Quare metuens Crispinus, ne pol-
licitationibus illis (quæ uulgi inconstantia est:) ad mu-
tandum pace bellum, reserandasq; hosti portas impelle-
rentur: discursans ipse per muros, rogare, obtestariq; sin-
gulos, uti audacter manerent, fortiterq; resisterent: neq;
fidem proderent senatui debitam P. Q. R. ne uel titulum
seruatae, ac propugnatae Italiae totius aspernaretur: neu
promissis crederent periuri, fraudulentiq; tyranni: ne uel
item benigna oratione inescati, ruerent in manifestam per-
niciem: sed confiderent belli fortunæ ita plerumq; dubiæ,
atq; ancipiti, ut magnus interim numerus a paucissimis,
et qui potentiores creduntur, ab ijs qui imbecilliores ha-
beantur, uicti, superatiq; sint: ne uel utiq; expauescerent
exercitus illius magnitudinem: nam qui pro altero dimi-
cant, cum suæ uictoriæ foelicitatem ad alios uideant mi-
graturâ, minus profecto acriter decertant: quippe qui in-
telligant se quidē in periculi participatum admitti: cæte-
rum extremos uictoriæ fructus ad aliū perueniunt. qui
autem pro patria pugnant, præterquam qd spe meliore
esse debent: (neq; enim aliena occupare, sed tueri suâ
contendunt:) etiâ animo sunt maiore: ut quos non alie-
num imperiū, sed suâ quæq; necessitas adigat: quoniam
scilicet uictoriæ fructus ipsis potissimum debeatur. Ta-
lia quedam nunc singulis, nunc uniuersis ingerēs Crispi-
nus, homo suapte natura uenerabilis, ac romana facun-
dia pollens,

dia pollens, præterea gratus omnibus, miti, modestoq; im-
 perio persuasit multitudini, ut in officio, fideq; permane-
 rent: iussitq; legatos rebus infectis ad Maximinū reuerti.
 Ducebatur autem Crissinus ad bellum sic audacter susti-
 nendū, etiā aruspiciū responso, qui læta exta nuntiarent,
 animatus: etenim magnopere fidē huiusmodi signis ha-
 bere Itali consueverunt. Cæterū nonnulla quoq; oracula
 ferebantur patrū cuiusdā numinis uictoriā promittentia:
 Belem uocant indigenæ: magnāq; eum religione colunt:
 Apollinem interpretantes, cuius etiā speciē pro urbe ipsa
 pugnātem, quidā ē militibus Maximini uisam sibi in cæ-
 lo affirmabant: quod utrū sic esse nonnulli putauerint, an
 id commentum placuerit, ad leuandā infamiā tanti exer-
 citus, qui bello impar foret aduersus minorem multo nu-
 merum oppidanorū: ut scilicet uicti potius à dijs, quā
 ab hominibus uiderētur: haud sanē satis exploratum ha-
 beo. cæterū nouitas euētus cuncta credibilia facit. Postea
 uero quā infecto negotio legati reuerterunt: ira & fu-
 rore instinctus Maximinus, magis, magisq; accelerabat.
 Ut autem ad flumiū peruenit, qui ad lapidē duodecimū
 procule est ab urbe: inuenit ipsum maxima aluei profun-
 ditate, ac latitudine defluentem: etenim anni tempore
 solutæ uiciorum montium niues, quas longa hyems du-
 rauerat: maximum torrentem effecerant: sic, ut nul-
 lo pacto transire exercitus posset: nam pontem, quod
 opus magnum, atq; pulcherrimum ueteres imperato-
 res lapide quadrato construxerant: pilis ueluti quibus-
 dam paruis sensim crescentibus ruperant, ac resolu-
 rant Aquileienses. Ita cum neq; ponte, neq; nauigijs (quip-

HERODIANI HIST.

pe nulla suppeditabantur:) transire exercitus posset: substitit incertus consilij. Sed enim Germani aliquot ignari, quàm rapido, abruptoq; impetu Italiae flumina deferantur: ratiq; sensim influere campos, quemadmodum apud ipsos consueverunt: unde etiam quia minimum se concitant, per facile congelascunt: ausi seq; et equos nandi peritos alneo credere, ut fluminis ablatis perierunt. Igitur cum biduum aut triduum in tentorijs fuisset Maximinus: ducta circum exercitum fossa, ne qui de improvviso in castra ruerent: stabat in sua ripa deliberabundus, quoniam tandem pacto fluvium ponte iungeret. Sed magna lignorum, ac navigiorum penuria, quibus inter se iunctis pontem fabricaretur: nuntiarunt quidam e fabris, esse per multas in agris illis desertis inanes cupas forma rotunda, quibus videlicet incolae quondam ad vinum importandum utebantur. ea cum essent ad navium similitudinem concava, deinceps mox inter sese, scapharum more innatatim ra videbantur: etenim ire pessum vinculis inter se constricta, ac viminibus desuper iniectis, et pulvere multo suburrata non poterant. Quod ubi factum est: facile milites in ulteriorem ripam transgressi, suburbanis aedificijs, quae deserta inuenerunt, igni correptis, vires, arboresq; exciderunt: omnemq; eius regionis ornatum foedaverunt: siquidem arborum comparibus ordinibus, ac vitibus inter se iunctis, et in sublime euectis, ad festae celebritatis speciem, quasi coronis quibusdam redimta omnis regio videbatur: quibus radicitus excisis, exercitus ad ipsos urbis muros contendebat. Sed omnibus defatigatis, non fuit imperatoris consilium urbem ipsam statim invadere: sed extra teli iactum, constituto

constituta
bus mura
quiescent
greditur.
genus op
saliter ac
etiam cir
gnaq; in a
bant auda
bus, unive
tribus ac
iunctis a
fabrili a
fuerat, den
motinas ab
demoliretur,
diemerat: tot
requeq; enim
mem arbitra
India obsidi
ter, ipse cum
linibus: eosq;
vero Aquile
mine, ac pice
immittebant
ignibus imie
Quamobrem
partes nuda
ut miles lor

constituto milite, diuisoq; in centurias, & cuneos, ac partibus muri totius uniuersiq; attributis, uno tantum die ad requiescendū indulto, statim deinde oppugnare urbem aggreditur. Igitur machinamentis omnifariam admotis, cum genus oppugnationis nullum prætermitteretur: plurima scilicet ac propemodum quotidiana certamina edebatur: etenim circumdatis uelut indagine quadam muris, magnaq; ui atq; alacritate pugnam capeffente milite, resiste-
bant audacter Aquileienses: clausisq; templis, & domibus, uniuersi cum liberis, & coniugibus urbem desuper e turribus ac propugnaculis defensabant: neq; erat ulla tam inutilis ætas, quæ pugnare pro patria recusaret. Cæterum suburbana omnia, & quicquid extra urbem ædificiorum fuerat, demolitus Maximinus, lignis, materiaq; omni ad machinas abutebatur: quibus muri saltem aliquam partē demoliretur, qua immissus exercitus deriperet urbem, ac dirueret: totamq; eam uastam mox, desertamq; relinqueret: neq; enim decorum sibi, aut honorificum fore iter Romam arbitrabatur: nisi urbem deleuisset, quæ prima in Italia obstatisset. Quocirca multa pollicentes, atq; obstantes, ipse cum filio, quem Cæsarem fecerat, obequitabat militibus: eosq; ad pugnandum acriter adhortabatur. Enim uero Aquileienses saxa desuper iaciebant: sulphurq; bitumine, ac pice mixtum dolijs, quorum manubria longiora, immittebant: atq; ut primum exercitus muris successerat: ignibus iniectis, dispergebant unanimiter imbrum ritu. Quamobrem pix illa cum cæteris, quæ supra diximus, partes nudas corporis subiens, undiq; diffundebatur: sic, ut miles loricas, armaq; cætera ferro exardescente, co-

HERODIANI HIST.

rūsq; , ac lignis ardentibus , contrahentibusq; se raptim
 abijceret. Itaq; cernere erat milites arma sibi ipsos detra-
 hentes : quæ spoliū speciem abiecta humi , commento
 magis artis , quā ui pugnantium præferebant : ex quo
 factum est : ut plerisq; militibus , aut oculi extinguerentur ,
 aut summae oris partes , manusq; item , & si qua præterea
 nuda in corpore patebant : ignibus labefactarentur . sed
 & machinis , quæ muro admonebātur , de super tedas inij-
 ciebant , pice , ac resina oblitæ : quarum extremitas micro-
 nem ueluti sagittæ haberet : quæ cum accensæ defereban-
 tur , infixæ , inherentesq; machinis , facile scilicet illas con-
 cremabant . sed primis sane diebus par uirinq; librata
 fuit pugnae fortuna : dein mora iniecta , minus , minusq; iā
 alacer Maximini erat exercitus : sed quia spe falsus , tri-
 stiorq; in dies . nam quos ne unum quidem diem speraue-
 rant suum laturos impetum , eos non modo non cedentes ,
 sed resistentes etiam audacissime animaduvertebant . Cōtra
 Aquileienses magis , magisq; indies uiriū , atq; animorum
 implebantur : & assiduitate pugnandi peritiam pariter ,
 audaciamq; consecuti , sic despiciebant milites , ut etiam io-
 carentur in eos , & canillarentur : nihilq; non contumeliæ
 obeunti muros Maximino exprobrarent : tum in ipsum
 iuxta , filiumq; nulla non iacerent probra : quibus irrita-
 tus ac furens , cum effundere in hostes iram non liceret :
 plurimos e suis ducibus , quasi parum strenue , atq; acriter
 urbē oppugnarent , extremo supplicio affecit : quo factum ,
 ut infestorem sibi , atq; iratiorem militem reddiderit , &
 contemptibilior fieret aduersarijs . Euenit præterea , ut
 Aquileienses comœatu rebusq; cæteris abundarent : quo-

nam magna diligentia, quæcunq; ad homines, aut equos
 sustentandos desiderantur, in urbem fuerant comportata:
 contra exercitus, omnium rerum egenus, ex arboribus
 arboribus, agroq; omni peruastato, partim sub tumultua-
 rijs tentorijs agitabant: partim sub aperto cælo tolerabāt
 solem, atq; imbres: siquidem nihil alimenti uel ipsis, uel in-
 mentis importabatur, obsessis omnibus Italiae itineribus
 Ro. diligentia, murisq; Et portis excitatis. Etenim uiros con-
 sulares cum lectissimis, ac spectatissimis hominibus, ex Ita-
 lia tota miserat senatus, qui litora, portusq; tutaretur: neq;
 cuiquam potestatem facerent navigandi: sic, ut inaudita,
 incognitaq; forent Maximino quæcunq; Romæ agitaban-
 tur. Quin uiæ quoq; omnes, Et calles, ne quis trāsiret dili-
 gentissime seruabatur. ita eueniebat, ut exercitus, qui urbē
 obsidebat, ipse inuicem obsideretur. nam neq; Aquileiā at-
 pere, neq; Romā proficisci poterat, nauigiorū ac uehiculo-
 rum penuria, quæ omnia prius occupata Et conclausa
 fuerant: rumores quoq; suspicionibus in maius augebatur:
 esse uniuersum in armis Ro. po. consensisse Italiā: gentesq;
 omnes illyricas, barbarasq; quascunq; aut oriens, aut meri-
 dies uidet, ad exercitum contrahendū coniuratas in Maxi-
 mini odiū. Quare desperantes milites, omniū rerum penur-
 ia laborabant: uixq; aquæ satis habebant: quā etiā pol-
 lutam sanguine, Et cædibus de flumine hauriebant: nam
 Et Aquileienses cadauera suorum quæ humari non poterāt,
 in flumina præcipitabant: Et qui ferro, morboq; in exer-
 citu perierant, itidem alueo demergebatur: inter quos etiā
 qui inopia ciborum confecti, uix adhuc spiritum retenta-
 bant. Cum igitur ad hūc modum mæstus, atq; inops exer-
 citus esset: repente dum sub tentorio quiescit Maximinus.

HERODIANI HIST.

uacuo die a pugna: cum plerique aut in tabernacula, aut
 in suas quisque stationes concessissent: uisum est militibus
 ijs, quorum ad urbem Romam sub monte Albano castra
 erant: atque in his liberi eorum, coniugesque relictæ: nec de-
 dere Maximinum: ut aliquando a diurna, et inexpli-
 cabili obsidione requiescerent, neque Italiæ bellum infer-
 rent in tyranni gratiam, damnati omnibus et inuisi.
 Quocirca occupata audacia, sub medium ferme diem ad
 illius tentorium contendunt: conspirantibus una corporis
 custodibus: ibique postquam de signis militaribus illius ima-
 gines detraxerunt: prodeuntem mox tentorio cum filio,
 ut ad eos loquerentur, continuo obruncant: unaque præ-
 fectum prætorio, et quoscumque charissimos ille habuerat:
 proiectaque ad ludibrium cadauera, canibus dein, uolucris-
 que lanianda reliquerunt: missis tantum Romam im-
 peratorum capitibus. Hunc habuit finem Maximinus cum
 filio: ita male gesti imperij dedere ambo supplicium. Cæ-
 terum exercitus hærebat, nec audita principum: neque enim
 perinde omnibus grata, præsertimque Pannonijs, Thraci-
 busque barbaris, qui scilicet imperium tradiderat. sed quan-
 do infectum fieri iam nequibat, ferebant, quæ inuiti, et se
 gaudere cum cæteris simulabant. Quare depositis armis
 pacatorum habitu, ad Aquileie muros accesserunt: nuntia-
 taque cæde Maximini, petebant, uti sibi portæ aperiretur
 amicis iam, qui pridie hostes fuissent. Enimvero Aquileiensium
 duces haud passi, proponunt Maximi, et Albini, ac Gor-
 diani Cæsares, imagines, coronis et lauro redimitas: quibus ipsi
 acclamantes, etiam hortabantur exercitum, ut agnoscerent
 salutareque, et lætis exciperent uocibus, quos S. P. Q. R.
 imperatores elegeret: nam Gordianos illos superiores cum

his agere
 muros exp
 eretque ne
 prebere ho
 magis, mag
 fuisse illis ad
 infectura:
 quanto perin
 porerentur. I
 ipsi forent i
 es erant, am
 no specie, cum
 ra exercitatu
 equis, qui d
 studio attele
 populum f
 et Althinum
 le Rauenna
 ontrahentem
 beneuolentie
 rana: quibus
 præfuerat.
 repente oster
 namque uocem
 sumque exerc
 quos senatus
 statim ad ac
 tibus uniuers
 rent. Enim

dijs agere æuū. Sed & forum rerum uenaliū supra
 muros exposuerunt, magna ciborum, uiniq; copia: præ-
 tereaq; uestium & calceorū, rerumq; adeo omnium, quas
 præbere hominibus posset ciuitas beata, & florens. Igitur
 magis, magisq; ea res exercitum obstupescit, cogitantem
 fuisse illis abunde omnia, etiam ad longiorem obsidionem
 suffectura: contraq; se magna egestate omnium, prius ali-
 quanto perituros, quā in urbe omnibus circumfluente copijs
 potirentur. Ita manente sub muris exercitu, & quæ cuiq;
 usui forent inde sumentibus, colloquentibusq; inter se, pa-
 cis erant, amicitiaq; uelut habitus: manente adhuc obsidio-
 nis specie, cum scilicet clausa moenia romanus circumside-
 ret exercitus. Dum hæc ad Aquileiam geruntur: interea
 equites, qui Maximini caput Romam ferebant: magno
 studio accelerantes, patentibus ubiq; portis, ac laureata
 populorum frequentia excepti, stagnis, paludibusq; in-
 ter Altinum ac Rauennam enauigatis, Maximum in ur-
 be Rauenna inuenerunt, delectos ex urbe & Italia
 contrahentem milites: ac Germanorum auxiliares, qui
 beneuolentiæ nomine publicæ a popularibus missi fue-
 rant: quibus olim Maximus cum imperio diligentissime
 præfuerat. Ergo paranti copias aduersus Maximum
 repente occurrunt equites capita ferentes principum: victo-
 riamq; nuntiantes, & rerum prosperos successus: consen-
 sumq; exercitus, & populi ad eosdem colendos principes,
 quos senatus elegisset. His igitur præter spem nuntiatis,
 statim ad aras sacrificatum discurritur: uictoriam canen-
 tibus uniuersis, quam citra pulueris iactum, sibi pepere-
 rant. Enimvero Maximus peracto sacrificio Romam di-

HERODIANI HIST.

mittit equites: ut rem gestam populo narrent, & capitula illa perferant. qui postquam peruenere in urbem, atque infixa contis hostilia capita omnibus conspicienda prætulerunt: nemo utique uerbis ullis consequi posset festum, lætitiæque eius diei. Nulla quippe fuit ætas, quæ non ad aras, & templa festinaret: nemo qui domi se continuerit: sed ibant cœu lymphati gratantes inuicem, atque in circum, ueluti futura concione frequentes concurrebant: ipseque Albinus hecatombas immolabat: nullique non magistratus, nulli non est senatorio ordine lætabundi supra quam dici posset agitabant: quasi securim ceruicibus imminentem excussissent. Igitur nuntij, legati que per omnes provincias laureati dimittebantur: dumque ad hunc modum tanta Ro. P. lætitia tenebat: interea Maximus Rauenna profectus, Aquileiam peruenit: transmissis paludibus, in quas finis Eridanus, ac uicina exundant stagna: sic, ut per ora septem in mare præcipitentur. itaque indigenæ patria lingua paludem illam septem maria appellant. Statim igitur Aquileienses Maximum referatis portis excepere: nullaque non Italiae ciuitates legatos mittebant principes uiros candidatos, ac laureatos, & deorum patriorum simulachra, aureasque coronas, si quæ in donarijs fuerant, comportantes, qui fausta omnia Maximo acclamarent, & frondibus eum conspergerent. Quin exercitus etiam qui Aquileiam circumfederat, pacato habitu prodibat laureatus: non tam uero, concordique affectu uniuersorum, quam ficta beneuolentia, & honore temporario ad præsentem fortunam principis accommodato: plerisque tamen indignantibus, ac dolentibus clanculum, quem ipsi elegerant

quidisse:
uero Max
to dein ex
ex tribuna
fuerit ex u
manis grat
agitantem,
uim & otia
re debetis e
dem populo
ritus, quos
geris, quæ
cosse. Q. R
peculiaris p
quis totius
fortuna: no
tu principat
dum quæ
principibus
ipsi beatum
min: tum u
officio perma
seueritia do
confutabim
tutantur, no
peratores, i
terne præf
uerit. Neq
illam supe

accidisse : rerum potiri , quem senatus creauerat . Enim-
 vero Maximus uno , alteroq; die sacrificijs absumpto , ter-
 tio dein exercitum omnem in planitiem conuocauit : atq;
 ex tribunali ad hunc modum uerba fecit . Quam
 fuerit ex usu uobis poenitentia , & reconciliata cum Ro-
 manis gratia , re ipsa didicistis : pacem uidelicet pro bello
 agitantes , seruato etiam militari iureiurando , quod est
 unum Romani principatus mysteriū sanctissimum . Qua-
 re debetis etiam deinceps huiusmodi commodis frui : si-
 dem populo seruantes , senatūq; Ro . & nobis imperato-
 ribus , quos a nobilitate , & rebus gestis , longiq; serie
 generis , quasi per gradus quosdam prouectos pari iudi-
 cio . S . P . Q . R . elegerunt . Neq; enim unius tantum hominis
 peculiaris possessio principatus est : sed communis anti-
 quitus totius Ro . Po . siquidem in illa urbe sita est imperij
 fortuna : nobis autem dispensatio tantum , atq; administra-
 tio principatus una uobiscum demandata est . qui si or-
 dinem quem decet , ac modestiam retinebitis : si debitum
 principibus honorem ac reuerentiam exhibebitis : cum
 ipsi beatam uitam , bonisq; omnibus affluentem adipisce-
 mini : tum nationes ac ciuitates uniuersae pacem colentes in
 officio permanebunt . uiuetis autem cuncti ex animi uestri
 sententia domi suae quisq; : neq; in externis regionibus
 conflictabimini . Vt autem barbarae gentes pacē , quietemq;
 tueantur , nobiscum erit hic labor : nam cum duo sint im-
 peratores , facilius urbanae res administrabuntur : atq; ex-
 ternae , praesto scilicet futuro alterutro , quocunq; usus uoca-
 uerit . Neq; uero suspicemini rerum superiorū memoriam
 illam superfore , aut in nobis (quippe nihil non iussi feci-

HERODIANI HIST.

stis:) aut in Ro. Po. nationibusq; alijs, quæcunq; ob acceptas iniurias desciverunt. Sit omnium oblitio: sit fœdus constantis amicitie, fidesq; benevolentie, ac moderationis sempiterna. Hæc locutus Maximus, ac pecunias magna copia pollicitus, paucos Aquileie commoratus dies, Romam reuerti constituit. Igitur dimisso exercitu reliquo in provincias, castraq; propria, Romam reuertitur ipse cum stipatoribus ijs, quibus imperatorum custodia incumberebat: quiq; delecti ab Albino fuerant: neq; non auxiliariis Germanis, quorum potissimum fidei confidebat: ut pote quibus olim nondum adepto imperio cum potestate præfuerat. Ingressi urbem etiã Albinus occurrit, Gordianum Cæsare secum adducens: senatus autem populusq; uniuersus lætis acclamationibus ueluti triumphantes exceperunt. Post id autem cum publice privatimq; magna modestia & gravitate imperium gubernaretur: omnesq; omnia bona dicerent: lætareturq; populus, & gloria-retur provincijs, imperioq; dignis principibus: militum tamen ulcerosi animi populares illas acclamationes haud æquis auribus accipiebant: ipsamq; illam nobilitatem grauabantur, indigne ferentes datos sibi a senatu principes. Angebant præterea eos Germani, quos in urbe secum Maximus retinuerat: nam futuros uindices sperabant, siquid ipsi maius ausi forent: etiamq; insidias suspectabant, ne forte ab illis per fraudem exarmarentur: memores Seueri principis, qui etiam Pertinacis interfectores exauthorauerat. Cum itaq; ludi capitolini celebrarentur: deditis festo ac spectaculo omnium mentibus, repente dissimulatum dum sensum milites indicarunt:

namq; in
regiam e
lana. For
gruerent:
maximam
nam imp
lam, atq;
fectura ur
faciebant:
suis esset, i
lobus: qua
Maximus u
ni appellat
terat, qui
pretorianis
compositam
Maximino
negus ad p
ari: sed id
tatur: ac d
tibi unan
ienarium
tiq; uelito
ni se amiti
per omne
druisq; se
lia uellent
per medi
quidem il

namq; ira instincti, ac uesano quodā motu unanimiter ad regiam concurrentes, senes principes ad necem deposcebant. Forte accidit, ut ne ipsi quidem inter se satis congruerent: sed (ut est regnandi inexhausta auiditas, atq; incommunicabilis natura potestatis:) uterq; ad se summam imperij trahebat. etenim Albino claritudo natalium, atq; iterum gestus consulatus, Maximo autem præfectura urbi, & q; rerum peritus habebatur, animos faciebant: utrunq; tamen patricia nobilitas, & quantum satis esset, illustre genus, ad summum imperium stimulabant: quæ res in primis ambo perdidit: nam audito Maximus uenisse ad se occidendum milites, qui prætoriani appellātur: arcessere statim Germanos auxiliares statuerat, qui scilicet in urbe ipsa erant: ac posse resistere prætorianis uidebantur: at Albinus dolum contra se, compositamq; aliquam suspectans fraudem, q; studere Maximino Germanos cognouerat: prohibuit acciri illos: negans ad prohibendos repellendosq; prætorianos conuocari: sed id agit, ut summa rerum solus Maximus potestatur: ac dum inter se ad hunc modum disceptant: ecce tibi unanimiter milites impetu in aulam facto, turbatis ianuarum custodibus, senem corripunt utrunq;: laceratisq; uestibus quas gerebant, uilioribus sanè, ut pote domi se continentium, nudos ipsos ex aula abstrahunt: ac per omnem ignominiam contumeliamq; cædentes, irridentesq; senatorios imperatores, barbamq; & supercilia uellentes, neq; ulli parcentes corporis totius ludibrio, per mediam urbem ad castra deducebant: ne occidere quidem illos in regia decreti: sed lento mortis genere

HERODIANI HIST.

prius exatrnificare, quo dolorem diutius perpetuerentur.
 Sed ubi Germanos re deinde cognita, raptis armis in au-
 xilium concurrere, nuntiatum pratorianis est: sta-
 tim illos nullo non ludibrio prius affectos contruci-
 dant: relictisq; in ipsa via cadueribus, tollentes in al-
 tum manibus Gordianum Caesarem, quando aliud nihil
 occurrit, imperatorem consalutabant: identidem ad po-
 pulum uociferantes, iacere ipsorum manu quos populus
 ab initio recusauerat: electumq; Gordianum Gordiana
 nepotem, quem ipse Ro. Popu. ad imperium compulisset.
 Hunc igitur secum deducetes, coiere in castra: clausisq;
 portis quieti agitabant. at Germani, ubi ocosos proiectosq;
 audierunt, quorum causa properauerant: cum nollens
 irritum bellum pro uiris uita defunctis suscipere, in sua
 diuersoria reuertuntur. Hunc finem uitae habuerunt, in-
 dignum uidelicet, ac nefarium sancti, Et uenerabiles
 senes, claritudine generis, atq; egregijs meritis, ad im-
 perij fastigium prouecti. Caeterum Gordianus cum anno-
 rum esset ferme .xij. princeps ab uniuersis declaratus,
 romanum suscepit imperium. FINIS.

I 2 3 4 5 6 7 8 9 10 11 12

Omnes quaterniones praeter 12 quinternionem.

VENETIIS IN AEDIBVS AL
 DI, ET ANDREAE ASV
 LANI SOCERI, MEN
 SE SEPTEMBRI.
 M.D.XXIIII.

005266350

terentia
es in aua
st: sta
conrua
in al
ad nihil
ad po
opulus
ordiani
quisset
clausisq
roictisq
n nollens
e, in sua
trunt in
nerabiles
ad in
n amos
laratus

onem

AL

